

MEDITATIO  
PHILOSOPHICO-CRITICA

DE

PERFECTIONE LINGUÆ  
METHODO SCIENTIFICA ADORNATA.

AUCTORE

JACOBO CARPOVIO

Gymnasii Illustris Vinariensis Rectore.

ADJUNCTÆ SUNT

DUE DISSERTATIONES,

QUARUM ALTERA

DE VARIIS LINGUARUM PERFECTIONIBUS;

*Alteræ vero*

DE RECTA LINGVARUM  
DISCENDARUM RATIONE

AGIT.



VENETIIS, MDCCXLVII.

APUD JO: BAPTISTAM RECURTI.

SUPERIORUM PERMISSU, AC PRIVILEGIO.

L



non  
C  
rati  
per  
tio  
eru  
re  
OF  
tis  
mu  
bon

ad  
S.  
lo  
or  
re

u  
li  
v  
la

## LECTORI BENEVOLO.

S. P.



Nter cetera, quibus hominem, sui imaginem, Deus brutis excellentiorem fecit, eminet oratio. Ratio equidem illum supra brutorum sortem inferiorem evehit; sed parva utilitas rationis sine oratione esset, ne dicam, ipsam quaque orationem non ultimum esse rationis perficiendæ adminiculum.

Cum loquela incipit & crescit usus in infantibus rationis; prouti illum in mutis exiguum esse, experientia comprobavit; loquelæ ope, quæ ipsi ex ratione cognovimus, cum aliis communicare, eosque erudire, monere, juvare, societatem cum iis colere possumus; quod ipse jam olim agnovit Cicero de Officiis lib. 1. cap. 16. *Vinculum*, inquit, *societatis est Ratio, & Oratio*; quæ docendo, discendo, communicando, disceptando, judicando, conciliat inter se homines, conjungitque naturali quadam societate.

Quin cum loquela ad perfectiones Dei celebrandas adminiculum sit elegantissimum, mirum non est, quod, S. Scriptura teste, in ipsa creatione Deus habitum loquendi primo homini concesserit, ut adeo inde ab omnium rerum origine prima linguarum etiam origo recte reperatur.

Dum varias autem propter rationes factum est, ut quæ una in principio omnibus hominibus erat lingua, in diversas pro regionum nationumque diversitate scinderetur; uti quidem fieri solet, ut mala bonis, bonaque malis mixta, & nihil in tota uni-

4  
veritate rerum ex omni parte perfectum sit, cuilibet linguæ uti perfectiones quædam insunt, ita imperfectiones adhærent, nec, quæ ex omni parte vel perfecta vel imperfecta sit, linguam inter homines dari, arbitror.

Quemadmodum autem, ipsa natura duce, remotis imperfectionibus, perfectioni studendum est: ita qui linguis emendandis operam navant, in eo potissimum sunt occupati, ut imperfectiones ex linguis removeant, perfectionemque debitam in eas, quantum quidem fieri potest, introducant.

Sed nulla ullius rei sine certis de perfectione illius regulis, sive confuse tantum, sive distincte cognitis, potest fieri emendatio. Non homo, ut exemplis assertum comprobem, vitam suam sine lege, nec pictor picturam, nec poeta carmen, nec arithmeticus calculum sine regulis, ad quarum normam agendum fuisset, emendare potest.

Hinc facile constat, nisi, in quo linguæ perfectio consistat, generaliter investigetur, nec linguæ emendationem posse suscipi.

Hæ aliaque similes fuerunt rationes, quibus ad meditationes has de perfectione linguæ in lucem emittendas inductus fui, in quibus quidem, in quo linguæ perfectio consistat, & quænam ad illam pertineant requisita, distincte proponere constitui. Quia autem, generalia quædam de lingua præmittere, nec inconsultum, nec ingratum lectori fore, arbitratus sum, totum opusculum duo complectitur capita, quorum primum de lingua in genere, alterum de perfectione ejus specialiter & ex instituto agit.

Jucunda pariter ac utilia quædam in his meditationibus invenies Lector Benevole, quæ si Tibi placeant, gaudebo, si displiceant, Theonino dente rodere, quam imitari, facilius esse, credas velim.



MEDITATIONES  
PHILOLOPHICO-CRITICÆ  
DE PERFECTIONE LINGUÆ.

CAPUT PRIMUM.  
DE LINGUA IN GENERE

EXPERIENTIA PRIMA.

§. I.

**E**leri non posse, ut, quas de hac vel illa re cogitationes animo geramus, alter immediate introspiciat, non solum experientia, optima omnium rerum magistra, satis docemur, sed inde etiam, quod soli Deo *Καρδιονομία*, S. Scriptura testante, vindicanda sit, evidenter datur colligere.

COROLLARIUM.

§. 2. Hinc si cum altero cogitationes nostras communicare volumus, rebus ejusmodi, ex quibus alter easdem cognoscere queat, opus est.

DÉFINITIO I.

§. 3. Ens, ex quo præsentia alterius entis cognoscitur, dicitur *signum*, & quidem, si præsentia actualis sit, *demonstrativum*, si futura, *prognosticon*, si præterita, *re-*

Non cognoscimus cogitationes alterius immediate.

Quid si-  
gnum sit &  
quoruplex?

6 *Meditatio Philosophico-Critica*  
*rememorativum*. Pariter *signum artificiale*  
 dicitur, cujus significandi vis ab arbitrio  
 entis rationalis, v. g. hominis, pendet;  
*naturale*, si ratio significatus in ipsis rerum  
 notionibus continetur.

#### COROLLARIUM.

Quonam o- §. 4. Ut cum aliis, quas mente gerimus, co-  
 pus sit ad gitationes communicare queamus, opus est si-  
 cogitationū gnis certis, iisque demonstrativis (§. 2, 3.)  
 communi-  
 cationem?

#### SCHOLION.

An signa  
 cogitatio-  
 rum sint  
 varia?

§. 5. *Signa, quorum ope aliis cogitationes no-  
 stras notas reddimus, admodum sunt varia. Quem  
 enim fugit, capitis inclinatione assensum, vel re-  
 verentiam, commotione autem in utrumque latus  
 diffusum declarari? Quis ignorat, conquassatione  
 manuum, quam applausum vocant, beneplacitum  
 ostendi? Nonne vestes lugubres mentis tristitia af-  
 fecta signum sunt?* 1. Reg. XXI, 27. *Tyronibus  
 Scientiarum Mathematicarum cognita sunt signa* +  
 —. : = ∞ V, quibus additio, subtractio,  
 multiplicatio, divisio, aequalitas, similitudo, ex-  
 tractio radicis indicantur. Apud Romanos vete-  
 res crimines rei, dum sententia ferenda erat,  
 in genua prostrati, iudicum genua ad mise-  
 ricordiae implorationem indicandam osculabantur.  
 Valerius Maximus VIII., 1, 6; iudices autem  
 ad urnas, quarum tot erant, quot iudicum ordi-  
 nes, accedentes, e tribus, quas acceperant, tabu-  
 lis unam illis immittebant. Nempe qui absolvi-  
 dum credebat reum, eam, cui A, id est ABSOL-  
 VO, inscriptum erat; qui condemnandum, al-  
 teram, in qua C, id est CONDEMNO; qui denique  
 dubitabant, tertiam, in qua N. L., id est NOS  
 LIQUET, legebatur, immittebant. Heinecc. in  
 Antiqu. Rom. lib. 4. t. 18. §. 31. p. 337. Depre-  
 hendimus adhuc aliud exemplum in Antiquitate  
 Romana. In suffragiis, post legem tabellariam a  
 L. Cassio Trib. plebis latam, in legislatione per  
 ta.

## De Perfectione Linguae. 7

tabellas a populo Romano ferendis alteri eorum V. R. i. e. uti rogas, alteri autem pro parte negante A. i. e. antiqua probo, erat inscriptum. Vid. idem l. c. lib. 1, tit. 2. §. 9. Abstineo a pluribus exemplis in re nota adducendis. Sed inter signa cogitationum eminent voces & vocabula, de quibus jam pluribus est agendum.

### DEFINITIO II.

§. 6. Motus aeris tremulus per principia physica constituit sonum. Sonus autem in larynge excitatus dicitur vox animantis. Quid sonus & vox animantis?

#### SCHOLION I.

§. 7. Definimus h. l. vocem in sensu generali, Monitum. quatenus non tantum hominibus competit, sed in multis animantium brutorum speciebus etiam apprehenditur, & per loquendi usum non inusitatum est, ut illis vox tribuatur.

#### SCHOLION II.

§. 8. Loquimur porro de voce, qua ratione naturaliter per constitutionem & vim certorum corporis organorum, vocibus edendis destinatum, formatur, non quatenus a sœminis divinatricibus ope Diabolica per hæcquærruar sæpe producta fuit. De quo pluribus agit Jo: Wierus de Præstigiis Dæmonum l. 2. c. 14. p. m. 203, & cujus exemplum singulare adduxit Mart. Schurig in Muliebribus sect. 1. c. 5. §. 13. p. 56. Neque ad vocem sufficit, ut sonus oris sit, quia sonitus, quem lingua de palato fortiter mota, vel labia compressa & repente disrupta, vel dentes inter se arietati, produciunt, vocis nomine non denotatur; sed larynge debet excitari. Aliud.

#### SCHOLION III.

§. 9. Ceterum inter veteres philosophos quæstionem: Corpusene sit vox, an incorporcum? Utrum vox corpus an incorporcum? agitatur esse, hoc Platone & Aristotele, illud Epicuro & Stoicis defendentibus, ex Plutarcho de Plac. Philos. L. 4. c. 20. Gell. Noct. Att. l. 5. c.

## 8 Meditatio Philosophico-Critica

15. Diog. Laert. l. 7. segm. 55. *res est explorata: Momentum decisionis in eo positum est, utrum vox materialiter, an formaliter, accipiat? Si materialiter sc. pro ipso aere tremulo, dubium non potest esse, quin sit corpus, quia aer ex corporum numero est; si vero formaliter pro motu tremulo, qui aeri imprimitur, erit aliquid incorporei. Nam ipse motus non est corpus, sed ejus potius affectio. Quia autem sapienter Gellius l. c. de hac controversia pronuntiavit, se neque in his scrupulis aut emolumentum aliquod solidum, ad rationem vitæ pertinens, aut finem ullum querendi vidisse, nec illa ad nostrum pertinet institutum, obiter illam tetigisse, sufficiat.*

### SCHOLIŌN IV.

Quomodo vox animalis formetur? §. 10. *Quomodo tremor aeris in larynge excitatur, pertinet ad explicationem physicam. Sufficiat annotare, per fluidum nerveum, in cerebro formatum & a sanguine secretum, musculos laryngis inflari & ita ipsum laryngem motu tremulo, qui aeri e pulmonibus per illum expirato simul imprimitur, affici. Vid. Andr. Murray in Demonstr. Dei ex voce animalium §. 3. seqq.*

### EXPERIENTIA II.

Vox indicat cogitationes; §. 11. *Ex voce cognosci solet, quas ens animatum animo cogitationes gerat. Sic, ne de hominibus jam dicam, vel ipsa bruta, quæ propter defectum pulmonum voce non destituuntur, voce animi sensa aperire audimus.*

### COROLLARIUM.

ut signum. §. 12. *Vox igitur est cogitationum signum, (§. 3, 11.)*

### DEFINITIO III.

§. 13. *Voces, quæ sola gutturis apertura simplici formantur, dicuntur vocales, quales sunt A, E, I, O, U, sive sonus producat, sive abbrevietur, ut vocales longæ vel brevæ oriantur; quæ apertura*  
gut-  
 Quid vocales, consonantes, litteræ?



## De Perfectione Linguae. 9

gutturis, ex duabus simplicibus composita, *diphthongi*, quales sunt AE, AI, AU, ceteræ. Voces autem, quæ mediante vocali vel diphthongo proferuntur, *consonantium* nomine veniunt. Vocales & consonantes nomine generali dicuntur litteræ.

### DEFINITIO IV.

§. 14. *Vox*, quæ ex vocabulis & consonantibus componitur, dicitur *articulata*, quia hæ quasi articuli vel membra illius sunt; quæ ex illis non componitur *inarticulata*.

Quid vox articulata & inarticulata.

### SCHOLION.

§. 15. *Andr. Murray in Demonstrat. exist. Dei ex voce animal.* §. 21, p. 28. vocem inarticulatam definit, quæ per nares & os simul fertur, vel immoderate profunditur, articulatam, quæ per oris partes & aperturam, nec non per nares distinguitur. Sed hæ definitiones cum nostris conveniunt, si quidem ita intelligas, quod per aperturam oris vocales, per partes ejus e.g. labia, linguam, dentes, palatum consonantes efferantur in sono articulado.

Monitum.

### COROLLARIUM.

§. 16. Brutis igitur, licet, teste experientia, quam in variis avium generibus deprehendimus, convenient variz vocis modificationes, propriæ tamen, quia voces illorum ex vocalibus consonantibusque non componuntur, vox articulata tribui nequit (§. 14.), nisi forte in sensu generaliori & minus usitato ipsas modificationes articulationem vocis appellare placeat.

An Brutis vox articulata competat.

### DEFINITIO V.

§. 17. Voces articulatæ, quibus cogitationes certæ indicantur, vocamus *vocabula*.

Vocabula quid sint?

CO.

# 10 *Meditatio Philosophico-Critica* COROLLARIUM.

An Bruta  
vocabula  
pronun-  
cient? §. 18. Hinc licet brutis, experientia teste, pro diversitate specierum suarum certæ voces, quibus cogitationes suas solent exprimere, competant: nulla tamen vocabula, natura duce, ab illis proferuntur (§. 16, 17.), licet arte & af-  
fuefactione aves nonnullæ eo deduci possint, ut vocabula quædam pronuncient, prouti satis hoc notum est de psittaco, & mihi aliquando stur-  
num, distincte hæc verba: ich empfehle mich ihnen zu Gnaden, ut &: ich weiß mir ein herrliches Himmelreich, & alia ejusmodi pro-  
nunciantem audire & videre licuit.

## THEOREMA I.

Vocabula  
sunt §. 19. Vocabula sunt signa cogitationum,  
eaque arbitraria & aptissima.

## DEMONSTRATIO.

Cogitatio-  
num signa 1. Per vocabula cogitationes nostras alteri im-  
dicamus (§. 17.), adeoque per ea, quas mente  
cogitationes geramus, cognoscit alter. Sedens,  
ex quo alterius entis præsentia cognoscitur, di-  
citur signum (§. 3.) Hinc vocabula non pos-  
sunt non signa esse cogitationum.

Arbitraria 2. Quia vero ab arbitrio hominum pendet,  
ut hoc ens hoc nomine, e. g. apertura muri,  
ad domum illuminandum, *fenestra*, appelletur,  
cum alio etiam denotare potuissent, prouti et-  
iam diversæ nationes rem eandem diversis no-  
minibus exprimere solent: vocabula sunt signa  
cogitationum arbitraria vel artificialia (§. 3).

& aptissi-  
ma. 3. Res, de quibus nobis notiones formare so-  
lemus, infinitis modis variant, quod qui vel  
obiter sensibus aut ratione utitur, oppido perspi-  
cit. Sed voces etiam articulatae, quibus eas no-  
tiones exprimimus, h. e. vocabula (§. 17.), infi-  
nitis modis variari possunt, quod, ne de unica  
lingua dicam, tot linguarum diversitates evi-  
den-

## De Perfectione Linguae. 11

denter ostendunt; cum e contrario non nisi paucas res per alia signa indicari posse, mutorum exemplo constet. Pariter varias res ad se invicem relationes & respectus habent, qui exemplo facile perspiciuntur, si e. g. dicam: Pater amat filium, filius est patris, patri se commendat filius, venit ad patrem, a patre, cetera. Sed varii illi respectus per aliquam vocabuli mutationem, retento sono primario, facile & commodius, quam per alia cogitationum signa, possunt exprimi. E. vocabula sunt signa cogitationum aptissima.

### SCHOLION.

§. 20. *Non obstat mihi, quod alia signa, quæ sunt cyphre Arithmetica, in inveniendis veritatibus commodiora vocabulis interdum deprehendantur, dum ope cyphrarum facilius calculus quam per vocabula producitur. Nobis enim hoc loco de signis cogitationum, in usu vitæ quotidiano adhibendis, est sermo.*

Monitum.

### DEFINITIO VI.

§. 21. *Audiens loquentem intelligere dicitur, si eandem sibi sub vocabulo audito cogitationem, vel notionem format, quam format loquens. Et generalius unus alterum intelligit, si eandem sibi sub signo externo notionem format, quam cum illo conjungit alter. Nam per alia etiam signa cogitationes nostras cum altero communicare possumus (§. 5.) Pariter hinc patet, falso audientem intelligere loquentem, si idea, sub vocabulo audito ab ipso formata, ab idea loquentis diversa sit.*

Quando unus alterum intelligat?

### SCHOLION I.

§. 22. *Sic e. g. si nomino vocabulum SOL, & alter cum eo conjungit notionem de corpore celesti, tempore diurno nos illuminante & calefaciente,*

Exemplum.

## 12 Meditatio Philosophico-Critica

te, quam cum eadem voce ego conjungo, me intelligere recte dicitur.

### SCHOLION II.

Qui fiat, ut  
per verba  
nos invicem  
intelliga-  
mus.

§. 23. Ut verborum, vel aliorum signorum ope nos invicem intelligamus, pendet ab imaginationis regula, vi cuius, si duas ideas in mente conjunximus, vel illa aliquid commune habeant, una earum reproducta, reproducitur etiam altera. Vid. Christ. Wolffii Psychol. Emp. §. 117. Scilicet ab ineunte aetate, vel data occasione, notionem rei percepta & nominis auditi vel lecti in mente conjungimus; unde fit, ut, nomine iterum audito, notio rei denuo menti obversetur, adeoque, dum loquens eandem notionem cum voce prolata conjunxit, eum intelligamus (§. 21.)

### DEFINITIO VII.

Sermo  
quid sit?

§. 24. Ex vocabulorum compositione oritur *sermo*; qui hinc est status mentis per voces articulatas significatio. Erit autem *intelligibilis*, si verba ita componantur, ut in altero ideæ, ideis loquentis conformes, ope vocabulorum excitari queant; si res secus sese habeat, minus intelligibilis (§. 21.)

### DEFINITIO VIII.

Quid Lin-  
gua & Lo-  
quela?

§. 25. Habitus sermonem intelligibilem formandi appellatur *Lingua*. Et quisquis statum mentis per voces significat, dicitur *loqui*.

### SCHOLION.

Exemplum.

§. 26. Sic si infans linguam vernaculam docetur, habitum sermonem intelligibilem formandi debet adquirere. Qui ignarus est Linguae Latinae, caret habitu, sermonem intelligibilem in hac lingua formandi, dum vocabula ejus non potest modo componere intelligibili. Differentia autem inter lo-  
que-

## De Perfectione Linguae. 13

quelam & tantum in eo consistit, quod illa sine, haec cum modulatione fiat. Potest etiam ex datis definitionibus quaestio inter Philosophos agitata: an brutis loquela tribuenda sit? facile decidi. Si ad loquelam voces tantum, nec determinate articulatas, ad sermonem autem articulatas requiras, uti a nobis posita sunt definitiones (§. 24, 25.), loquela quidem, non sermo brutorum erit, cum e contrario, loquela cum sermone habita pro eodem, nec illa eis erit tribuenda (§. 16, 24.)

### COROLLARIUM I.

§. 27. Dum omnis habitus naturaliter acquiritur per actum ejusdem speciei saepe repetitum, h. e. per exercitium, siquidem habitus naturalis non est, nisi facilitas agendi per exercitium acquisita: sequitur, linguam etiam naturaliter non nisi per creberrimum exercitium adquiri (§. 25.)

Quomodo  
Lingua ad-  
quiratur na-  
turaliter?

### COROLLARIUM II.

§. 28. Quia pro diversitate compositionis vocalium & consonantium varia vocabula (§. 17, 14.), & hinc etiam varii sermones intelligibiles formari possunt (§. 24.), variae etiam formari possunt linguae (§. 25.)

An variae  
linguae sint  
possibiles?

### SCHOLION.

§. 29. Admodum varias actu pro diversitate gentium, regionum & provinciarum linguas dari, res est vel ignarissimis exploratissima. Prima & antiquissima diversitatis Linguarum ratio, ipso S. Codice docente, Gen. XI, 1. seqq. ab infelicitibus turris Babylonicae extruenda conaminibus repetenda est, ubi, si quid de confusione illa distincti suspicari licet, ministeria fabrorum ita videntur conturbata esse, ut ligno postulato, ferrum afferretur, donec fabrorum quilibet, opere imperfecto relicto, SACCOQUE suo adprehenso, in alium locum migraret. Sed praeter hanc primam diversitatis linguarum causam non desuerunt eruditi in aliis pervestigandis. Olaus Borrichius in doctissima de causis diversitatis

Causae di-  
versitatis  
Linguarum  
quoniam  
sint?

Lin-

# 14 Meditatio Philosophico-Critica

Linguarum Diatriba §. 7. *seqq. diversitatem temperamentorum & climatum, sonos rerum naturalium varie conceptos expressosque, sinistram matrum, nutricum, pedagogorum elocutionem, inconstantiam rerum, hominum incuriam, bella & victorias, commercia, connubia, migrationes gentium, & gentium vicinarum conversationes in illis rectissime allegavit. Addatur ED. BREREWOOD L. de divers. Lingu.*

## DEFINITIO IX.

Lingua vernacula quid sit?

§. 30. Ex variis linguis illam nobis vernaculam esse dicimus, quam discimus, antequam ullam aliam intelligamus linguam.

## SCHOLION.

Exemplum.

§. 31. Hoc sensu Lingua Germanica est nobis vernacula, & pariter si infans, in Germania natus, sermonis adhuc expertus, in Angliam deductus, Anglicam primum disceret Linguam, hac illius esset vernacula.

## COROLLARIUM.

Quomodo discatur?

§. 32. Dum nulla Lingua, nisi per crebrum exercitium, naturaliter acquiritur (§. 27.), ad vernaculam discendam crebrioribus etiam exercitationibus opus esse constat (§. 30.).

## SCHOLION I.

Continuatio.

§. 33. Quamnam exercitia ad Linguam vernaculam discendam in vitæ usu necessaria sint, ex experientia constat. Scilicet dum infans sensu objectum percipit, & audit sonum nominis pronunciatum, tandem organa loquæ torquet, donec similem sonum protrudat. Quo peracto, ad modum vocabula construendi, ab aliis adhibitum, attendens, simili modo ad habitum, sermonem intelligibilem formandi, h. e. ad Linguam (§. 25.) pervenit.

Quomodo a nativitate surdus linguam vernaculam discere queat?

## SCHOLION II.

§. 34. Sed cum hac ratione auditus ope linguam vernaculam discamus, & hinc sine auditu eam disci posse neget Aristoteles Problem. Sect.

XI.

## De Perfectione Linguae. 15

XI. p. m. 901. mirum videri possit, qui queat fieri, ut surdus, a nativitate talis, linguam discat vernaculam? Dum enim non audit sonos ab aliis formatos, nec imitando poterit exprimere. Verum enim vero prouti nihil non humana adgredditur solertia, ita quoque artem, surdos linguam vernaculam docendi, invenerunt. Dan. Georg. Morhoff in Polyhist. Litterar. libr. 2. c. 3. p. m. 339. seqq. ex Valesii libro de sacr. Philosoph. c. 3. narrat, Petrum Pontium, ordinis Benedictinorum, & amicum ejus circa A. C. 1590. in Hispania mutos loquentes reddidisse, quam artem Jo. Paulus Bonnet A. 1620. Madriti litteris divulgavit sub titulo: Arte para ensennar a ablar los mudos. Post eum licet aliter Fr. Helmontius lib. de Alphab. nat. & Guil. Holder lib. de elementis loquelæ eandem artem descripserunt. Pariter Jo. Wallisius in Tr. de Lingua, quem Grammatica Anglicana præmisit, eandem artem explicuit, eandemque in Daniele Whaley A. 1662. surdo mutoque exercuit; cujus facti memorabilis in Transactionibus Anglicanis Num. 61. p. 1087. pluribus mentio est facta. Nec minus Jo. Cour. Anan Med. Doct. in Batavia puellam surdam mutamque assuescit, ut non solum ex motibus oris, quæ loquens formaret, quid loqueretur, perspicere, sed ipsa etiam cum aliis loqui posset; remque totam A. 1692. in Tr. Surdus loquens, & deinde in Dissertatione de Loquela A. 1700. descripsit. Tæto exemplum recentissimum Viri Doctissimi Raphaelis Superint. Luneb. qui simili artificio filiam suam surdam loquentem reddidit, illiusque rei notitiam orbi litterato impertitus est in scripto peculiari; quemadmodum etiam Werensels in Diss. de Loquela egregia multa hanc in rem habet. Totum artificium huc redit: 1. Quemadmodum ad quamlibet litteram vocalem vel consonantem exprimendam peculiaris vel oris apertura, vel organorum loquela modificatio requiritur: sic etiam, si quis  
ad

## 16 Meditatio Philosophico-Critica

ad hæc duo in altero loquente attendat, inde, quam vocalem vel consonantem litteram exprimat, poterit cognoscere. Sed ex litteris constant vocabula (§. 17, 14.). Ergo eadem ratione, quæ vocabula alter exprimat, perspicere poterit. Et quia ex vocabulorum compositione oritur sermo (§. 24.), quin sermo alterius, longa exercitatione adhibita, ex motibus oris cognosci queat, non potest dubitari. Simili, a scriptione desumpto, res potest illustrari. Quemadmodum in negotio discendi qualibet littera ex peculiari motu oris cognoscitur, ita in scriptione pro qualibet littera exprimenda peculiare signum substituimus. Hinc veluti legens, habitu acquisito, ex signis litterarum compositis, quid alter loqui voluerit, intelligit: ita, perspectis variis oris motibus, quid alter dicat, debet posse intelligi. 2. Ut autem surdus loqui discat, opus est, ut ad formationem motuum oris in loquente attendat, & imitando eosdem studeat exprimere, pariter ac, qui facultate audiendi instructus est, sonos auditos imitari conatur. Quin difficiior videtur labor esse, ut infans imitetur sonum, auditu solo perceptum, non perspecto formationis per organa loquela modo, quam ut surdus imitetur sonum, cujus formationem in ore alterius cognoscit. Vid. Lud. Phil. Thummig Experimentorum pars III, n. 6. p. 206.

### DEFINITIO X.

Lingua peregrina quid sit?

§. 35. Linguam, quæ nobis vernacula non est, vocamus peregrinam.

### COROLLARIUM.

Quomodo naturaliter acquiratur?

§. 36. Lingua peregrina naturaliter non acquiritur, nisi per crebrum exercitium (§. 27-35.).

### SCHOLION I.

Observatio de peregrinarum Linguarum habitu in Apostolis.

§. 37. Dico studiose: naturaliter, ne casus miraculi plenissimus de Apostolis Servatoris nostri meritis, qui primo pentecostes die pro domo & gratia Spiritus Dei extraordinarie habitu lingua-

TMM



## De Perfectione Linguae. 17

rum peregrinarum, nullis exercitationibus prae-  
 denitis, exornabantur, teste Luca Aët. II. nobis  
 opponatur. His enim, cum rudes per se essent ho-  
 mines, accidebat, ut, Spiritu Sancto se in illos  
 effundente, linguae eorum divise & quasi igneae  
 in symbolum habitus diversarum linguarum ex-  
 ternum apparerent; quo facto linguarum peregrina-  
 rum habitum, prout Spiritus Sanctus ipsis lar-  
 giebatur, sine dubio per omne vitae tempus ve-  
 rentum accipiebant. Quamvis enim Salmasius in *An per to-*  
 Comment. de Hellenistis p. 252 seqq. audacter, tam vitam  
 Apostolos peregrinarum linguarum habitum ultra duraverit?  
 primum pentecostes diem retinuisse, neget, pu-  
 gnant tamen contra eundem rationes longe gra-  
 vissimae, & distinguendum est inter symbolum  
 habitus linguarum peregrinarum externum, quod  
 erat apparens lingua in ore igneae diviso, & ip-  
 sum peregrinarum linguarum habitum. Symbolum  
 externum solo primo Pentecostes die apparuisse,  
 lubenter concedimus; ac vero ipsum habitum lin-  
 guarum peregrinarum per omnem vitam durasse,  
 defendimus. Eo enim consilio Deus hunc habitum  
 Apostolis concedebat, ut, licet rudes linguarum-  
 que peregrinarum ignari essent homines, tamen  
 mandatum Domini de Evangelio, omnibus in ter-  
 ra gentibus praedicando Matth. 28, 19. executioni  
 dare possent. Qui cum per omnem Apostolorum  
 vitam duraret finis, medium etiam, quod habi-  
 tus linguarum erat, non potuit non diu ultra pri-  
 mum Pentecostes diem perdurare. Dum Deus e-  
 nim finem voluit, media pro sapientia sua non  
 potuit non velle. Accedit, quod in Ecclesiis in-  
 cunabulis alijs etiam ad Deum Christumque con-  
 versis, ad celeriore doctrinae Evangelicae propa-  
 gationem, donum linguarum per gratiam extraor-  
 dinariam fuerit concessum Aët. X, 46. 1. Cor.  
 XIV, 26, 27. XII, 10. Unde multo minus, A-  
 postolos eo caruisse, credendum est. Ad ratio-  
 nes Salmasii autem respondit Chr. Fr. Paulli-  
 ni in Delic. Philos. T. 2, n. 44, seqq. p. 329 seqq.

B

SCHO-

# 18 Meditatio Philosophico-Critica SCHOLION II.

Quomodo  
discatur  
Lingua pe-  
regrina?

§. 38. Quibus exercitationibus autem opus sit, ad linguam peregrinam discendam, ex experientia discimus. Nempe discimus illam vel ex usu, vel per artem. 1. Si ex usu, eadem se ratione res habet, ac si infans discit vernaculam (§. 33.). 2. Si autem per artem & institutionem, α) nomen rei in lingua peregrina e. g. Gallica in Phantasia & Memoria conjungimus cum nomine rei in lingua vernacula, ut ope regula imaginationis, audito vel lecto nomine peregrino, in mentem veniat nomen ejusdem rei in lingua vernacula; vel menti obversante nomine in lingua vernacula, simul recurrat alterum in peregrina, β) deinde ad modum verba construendi legitimum, & lingua peregrine cum vernacula communem & proprium est attendendum.

## THEOREMA I.

Homo natura  
facultatem loquen-  
di habet,

§. 39. Homo natura habet quidem dispositionem vel facultatem loquelæ (sc. articulatæ), sed non habitum.

## DEMONSTRATIO.

1. Dum existentia semper possibilitatem, & hinc actus facultatem agendi supponit (per principia metaphys.), in hominibus autem loquelam actu deprehendimus, non potest non dispositio ad loquendum, a certa organorum corporis dispositione pendens, in illis supponi. Nam si dispositio natura abesset, nec posset actus loquendi unquam adesse.

sed non ha-  
bitum.

2. Cum vero lingua tam vernacula, quam peregrina non nisi per crebram exercitationem adquiratur (§. 32, 36.), habitum loquendi homini non a sola natura competere, est perspicuum. Nam quicquid exercitationibus adquiritur, id natura homini non inest, siquidem si

na-

natura inesset, non opus esset exercitationibus.

## SCHOLION I.

Quod illustratur experimentis

§. 40. *Natura homini habitum loquendi non competere, docent etiam a posteriori experimenta & observationes.* Infantes, inquit Quintilianus libr. X, c. 1. a multis nutricibus iussu regum in solitudine educati, etiam si verba quædam emis-  
 sisse traduntur, tamen loquendi facultate carue-  
 runt. Pertinent hæc varia tam ex vetustiori, quam recentiori historia exempli. Rex Ægyptio-  
 rum Psammetichus, teste Herodoto lib. 1. hist. cupiditate pernoscenti, quænam esset lingua pri-  
 mæva, de qua inter Ægyptios & Phryges ma-  
 gna contentio erat, flagrans, hoc instituebat ex-  
 perimentum. Duos infantes a capris educari &  
 a pastore, seu, ut volunt alii, a nutricibus,  
 quarum lingue abscissæ erant, curari iubebat.  
 His deinceps nomen Βεχχι, quod apud Phryges  
 panem significat, & a quo multi Germanorum  
 Wecken derivatam volunt (vid. Herm. Lignari-  
 dus in Oblectat. Academ. c. 3.), distincte pro-  
 nunciantibus, conclusit Psammetichus, linguam  
 Phrygum omnium esse antiquissimam. Quis au-  
 tem non videt, pueros istos, si fabula vera sit,  
 a capris ovibusque, in quarum consortio nutriti  
 fuerunt, hanc vocem, cujus initium, illarum ba-  
 latui proximum est, mutuasse, & Regis vel Græ-  
 ci Historici imaginationem addidisse terminatio-  
 nem? Quemadmodum idem observavit Steph. Mo-  
 rianus de Lingua primæva Exerc. 1, c. 6. ubi con-  
 tra eos, qui linguam aliquam homini naturalem  
 finxerunt, disputat. Rex Maguth, referente Sen-  
 nerto in Paralip., ex sepositis XXX pueris nil  
 nisi voces confusas & indistinctas retulit. Franc.  
 Catrou dans l'histoire generale de l'Empire du  
 Mogol p. 137 de Rege Indostano, Melabdi Ake-  
 bar, narrat, eum XII infantes ævi eisdem cum  
 nutrice & janitore mæis includi iussisse, ut,  
 quamvis olim lingua sint gavisuri, experiretur;

## 20 Meditatio Philosophico-Critica

& observationibus.

hos autem post XII atatis annum e custodia dimissos, nullam plane protulisse linguam, gestibus tantum ( quibus tamen forsitan nonnullae voces inarticulate fuerunt additae ; ), qua vellem, ostendentes. Suppetunt etiam exempla hominum, in tenera aetate a commercio adulatorum casu forsitan divulgatorum, & eodem defectu linguae laborantium. Exemplum narrat Auctor Anonymus Miraculorum Naturæ P. II. Disc. I his verbis: In venatu luporum, a quibusdam Nobilibus vivis & rusticis in Sylva Arduenna instituto, ( qui multum negotii illis faceffivit, ) inter duodecim lupos interfectos lupa occisa quoque inventa fuit, quam insans septem circiter annos agens totaque corpore nudus sequebatur. Corporis color ad soliorum caducorum colorem accedebat, capilli flexi ac flavi, manuumque pedumque ungues atque quantum intorti erant. Hicce matrem suam videns mortuam interfectores illius aggredi est conatus; sed ab hominum multitudine circumdatus tandem captus fuit. Plane nihil loquebatur, sed vocem continuam vituli voci similem edebat. Quo facto in cuiusdam nobilis domum ductus non sine magno labore compedibus strictus fuit. Cibus ipsi deducebatur, donec domari poterat. Loqui minus septem mensibus didicit. Quo facto per urbes, pagos, villas, castella fuit circumductus. Multi nobiles Galli testimonium perhibere possunt, se hominem in Sylva ad Compendium sita captum Regique Carolo IX adductum vidisse. Hic bestiarum instar quatuor incedebat pedibus, cursuque equum antecellebat. Erectus stare nequebat, cuteque admodum dura ac pilosa gaudebat. Sermo ejus ingens horridusque erat clamor, quem tanta rugosa fronte emittebat, ut nullius fere appetus tam horribilis sit, ac illius miserandi hominis, qui cum lupis conversatus ululare ab iis didicerat. Ceterum canes dentibus suis enecare ipsi volupe erat; id quod etiam hominibus evenit, si illorum compos fieri poterat. Nic. Tulpus in Observ.

## De Perfectione Linguae. 21

serv. Med. lib. 4, c. 10. mentionem facit juvenis instar ovis balantis, publice Amstelodami circa medium seculi XVII visi, qui inter sylvestres in Hybernia oves ab insania nutritus, vocem & naturam induit ovillam, & de re nulla, nisi gramine, feno, aqua, sollicitus, tandem post XVI etatis annum, ad serae instar, captus & commercio humano mitigatus est. Nec silentio involvendus est casus, ejus Bern. Connor in Evang. Medici artic. 15. p. 133 mentionem facit, A. 1694. in nemoribus, ad Lithuaniam & Russia consuevis suis, a venantibus sylviculis inter ursorum gregem juvenem sylvaticum, X circiter annos natum, adpectu horridum, pilis hirsutum, captum esse, qui nec rationis, nec loquela, imo ne vocis quidem humane usu gavissus fuerit, accedente autem institutione, demum verba quaedam rauca & inhumana voce proferre incepit. Injuria omitterem casum similem recentissimum juvenis, prope Hameliam A. 1724 capti & humana destituti voce, quem descripsit cum aliis ejusmodi Kœnig in Schediasmate de hominum inter feras educatorum statu naturali solitario. Quae omnia evidentissime, natura loquendi habitum homini non inesse, docent. Nec difficulter ratio, Cur linguae cur homines, ab ineunte aetate a consortio adultorum, vel saltem adultorum lingua pollentium, remoti, etiam lingua caruerint, invenitur. Lingua ordinarie ita discitur, ut cum idea de objecto ideam de nomine ejus audito in mente conjungamus & sonum hujus imitatione exprimere, nitamur (§. 33.). Jam si homo ab ineunte aetate a consortio hominum remotus sit; adeoque nullum alium loqui audiat, pariter se res habet, ac si ipse surditate laboret, adeoque, pariter ac surdus, facultate loquendi destitutus manere debet.

### SCHOLION II.

§. 41. Dispar in hoc hominum & brutorum ratio est, & praestantior horum quam illorum conditio esse videtur. Quamvis enim, brutorum pullos

Bruta voces suas edunt natura.

## 22 Meditatio Philosophico-Critica

pullos quasdam voces ex imitatione parentum haurire, negandum non sit, prouti, lusciniæ pullos vocis cantusque variationem docere, testatur Aristoteles in Hist. Anim. lib. 4, c. 9, & Aelianus Hist. Anim. l. 3, 40: plerasque tamen bestias, quas edunt, voces ex instinctu nature sue, nec ex disciplina haurire, veritati est consentaneum. Pulli gallinarum, si vel galli gallinæ vocem non audiverunt, vel ab alia volatiliū specie exclusi fuerunt, sua tamen speciei vocem exacte exprimunt. Idem de aliis brutis, quæ vocem aliorum sui generis non audiverunt, observare licet. Quamvis autem homo natura linguam non habeat (§. 39.); nihilominus si loquelam in structura corporis humani fundatam esse consideremus (§. 39.), posito humano consortio, ejusque usu fat diuturno, citra alterius cujusdam lingue prævium adminiculum linguam aliquam evolutum iri, probabile est. Sonis enim certis homines res obvias denotarent, ex quorum variis modificationibus & compositionibus tandem loquela articulata oriretur. Vid. Kœnig. Schediasmate cit. §. 17.

### SCHOLION III.

Monitum. §. 42. Cur autem quedam bestia vocem aliarum alterius generis, & quedam aves vocem humanam cantando, alia loquendo, alia plane non imitentur, de eo conjecturas quasdam adduxit Murray de Voce Animal. §. 27, 28, p. 35 seqq.

### DEFINITIO XI.

Scribere  
quid sit?

§. 43. Quemadmodum qui sermonem ore format, dicitur loqui (§. 25.); ita scribere dicimus eum, qui voces certis signis exprimit.

### SCHOLION I.

Illustratio. §. 44. Sic e. g. K, a, a, sunt signa vocis, per maximam oris aperturam simplicem formande. Si quis igitur illam vocem per tale, vel aliud signum exprimit, scribere dicitur.

SCHO-

## SCHOLION II.

§. 45. *Potest autem per signum, quo in scribendo utimur, exprimi vel* Triplex signorum in scribendo genus.

1. *Vox vel sonus simplex, isque vel vocalis vel consonans, qualia sunt e. g. a, b, c, cetera, quorum compositio modo admodum naturali imitatur modum, verba ore pronuncendi; vel*

2. *Vox sonusve compositus, qualia sunt e. g. &, &, &, &, & cetera; vel*

3. *Vocabulum integrum, qualia sunt in Arithmetica Cyphrae, 1, 2, 3, cetera, vel in Astronomia ☉ Sol, ☾ Luna, ♈ Aries, ♉ Taurus, in Graecis α, cetera. Et haec duo ultima signorum genera faciunt ad Tachygraphiam, quae est ars repente scribendi.*

## THEOREMA III.

§. 46. *Signa vocalium, consonantium aliaque, quibus in scribendo utimur, sunt arbitraria, vel artificialia.* Qualia sunt signa, quibus in scribendo utimur?

## DEMONSTRATIO.

Signum artificiale dicitur, cujus significandi vis ab arbitrio entis rationalis e. g. hominis pendet (§. 3.). Cum autem ab arbitrio hominum pendeat, ut u. g. signum A denotet sonum, per maximam eamque simplicem oris aperturam prolatum, cum idem sonus etiam per signum B vel C potuisset exprimi, & reliquorum par sit ratio, illa signa artificialia, vel arbitraria esse, dubitari nequit.

## COROLLARIUM.

§. 47. *Hinc mirum non est, diversa diversas gentes signa, ad vocales consonantesque exprimendas, adhibuisse, prouti alia Arabum, alia Aethiopum, alia Syrorum, alia Samaritanorum, alia Hebraeorum, alia Graecorum, alia Latinorum sunt. Sed quia illa signa sunt arbitraria* Diversitas, vel convenientia signorum in scribendo unde?

(§. 46.), fieri etiam potest, ut gentes, quae diversis utuntur linguis, eadem tamen signa vocalium

## 24 *Meditatio Philosophico-Critica*

calium & consonantium adhibeant; prouti Hispani, Itali, Galli, Angli cum Latinis iisdem utuntur litterarum signis, nec signa Germanorum qua ductus essentiales ab illis differunt.

### SCHOLION.

Monitum. §. 48. *Quis autem prima vocalium consonantiumque signa invenerit in scribendo, pertinet ad Artem Criticam, & nostri jam non est instituti, ut sollicitè investigemus.*

## DEFINITIO XII.

Cryptographia quid sit? §. 49. *Ars occulte scribendi, h. e. ita, ut qui clavem non possidet, non legere, nec intelligere queat, dicitur Cryptographia. Clavis autem hoc loco dicitur index, quænam vocalis, vel consonans, vel quod vocabulum cuilibet signo respondeat.*

## THEOREMA IV.

An dari possit? §. 50. *Cryptographia est possibilis.*

### DEMONSTRATIO.

Quia signa vocalium consonantiumque sunt arbitraria (§. 46.), cuilibet signo alius soni valor potest imponi, quam ordinarie ei respondet, vel alia signa possunt inveniri; quæ si in verba componantur, oritur scriptura, quam qui clavem non possidet, nec legere, nec intelligere poterit. Est igitur Cryptographia possibilis (§. 49.).

### PROBLEMA.

Quomodo exercenda? §. 51. *Qua ratione Cryptographia est exercenda.*

### RESOLUTIO.

1. *Construatur Clavis, h. e. Alphabetum peculiare, ut cuilibet vocali, vel consonanti, vel verbo peculiare, nec usitatum signum tribuatur.*
2. *Secundum illud verba, vel tota oratio componantur.*



## De Perfectione Linguae. 25

3. Legens autem aut peculiare illud Alphabetum sibi familiare reddat, ut ex habitu valorem cujuslibet signi sciat, & verba inde componere possit, aut ex Alphabeto inusitato scripturam occultam in Alphabetum receptam transponat.

### SCHOLION.

§. 52. *Exemplo rem, ut facilius intelligar, illustrabo. Sit Alphabetum peculiare hoc:*

A B C D E F G H I K L M N O P Q R  
y m a r h e q u z b n c o d f g p  
S T V X Y Z.  
i f k t x l.

*Jam si haec verba scribenda sint. Deus est sapiens & benignus, secundum hoc Alphabetum arbitrarium signa litterarum ita erunt componenda: ihki his iyszhoi hs mhozqoki. Facile autem patet, pro signis vocalium consonantiumque alia etiam signa assumi posse.*

### THEOREMA V.

§. 53. *Lingua tam per loquelam, quam per scripturam potest exerceri.*

*Quomodo  
lingua exer-  
ceri possit?*

### DEMONSTRATIO.

Habitus sermonem intelligibilem formandidicitur Lingua (§. 25.), sermo autem ex vocabulorum compositione oritur (§. 24.). Jam vero vocabula non tantum sono oris, idque modo intelligibili, componi possunt, uti experientia satis convincimur; sed etiam voces vocabulorum consonantiumque certis signis exprimi, & ex compositione illorum vocabula [§. 24.], ex horum autem compositione, modo intelligibili facta, sermo isque intelligibilis formari potest. Hinc tam per loquelam, quam per scripturam lingua potest exerceri [§. 25.].

SCHO.

## 26 Meditatio Philosophico-Critica SCHOLION.

Loquelæ &  
Scriptionis  
commoda &  
incommo-  
da.

§. 54. *Habet autem tam scriptura, quam lo-  
quela qualibet commoda sua peculiaria. Sermo-  
re prolatus vehementius mentem afficit, affectus cit,  
multoque vividiores representationes animo au-  
dientis imprimit, quam scriptus, sed a paucis iis-  
que presentibus tantum percipitur, & nubes  
instar mox disparitura perit. Scriptura e contra-  
rio a multis, iisque vel in remotissimis terra an-  
gulis latentibus legi & intelligi, & per multas  
annorum myriades ad posteros propagari potest, li-  
cet non cum tanta vehementia animum legentis  
afficiat. Divinum igitur in scribendi artis inven-  
tione beneficium latet.*

### THEOREMA VI.

Species vo-  
cabulorum  
variar.

§. 55. *Varia vocabulorum species in  
qualibet lingua esse debent.*

#### DEMONSTRATIO.

Vocabula sunt cogitationum signa (§. 59.).  
Res autem, de quibus cogitationes formamus,  
variis inter se speciebus differunt, dum alia per  
se subsistunt, alia non, alia sunt actiones, alia  
passiones, cetera. Hinc ut vocabula res expri-  
mendas imitentur, ut variae vocabulorum spe-  
cies in lingua invenirentur, opus fuit.

### DEFINITIO XIII.

Nomina  
substantiva  
adjectiva  
quid?

§. 56. *Vocabula, quibus res sive per  
se, sive per alia subsistentes, denotantur,  
dicuntur Nomina. Nomen autem, quod  
vel per se subsistens, vel ut per se subsi-  
stens considerata, denotatur, dicitur Sub-  
stantivum; idque si generi vel speciei com-  
petat, Appellativum, si individuo Pro-  
prium. Nomen autem, quo res per aliud  
subsistens, ut talis spectata, denotatur,  
Adjectivum dicitur.*

SCHO-

## De Perfectione Linguae. 27.

### SCHOLION I.

§. 57. Sic e.g. *Arbor* est nomen substantivum id- Exemplum.  
que appellativum, quia genus certum rerum, per  
se subsistentium, per id vocabulum denotatur. *E-*  
*ruditio* est nomen substantivum, quia res quidem,  
per aliud scil. hominem subsistens, attamen ut per  
se subsistens spectata, per illud denotatur. *Erudi-*  
*tus* e contrario adjectivum est.

### SCHOLION II.

§. 58. Quia interdum de unico, interdum vo- Unde Nu-  
ro de pluribus simul loquimur, certa nominum va- meri  
riatione opus est, ad illud indicandum; unde  
oriuntur Numerus singularis, pluralis, & in  
monuillis linguis Dualis.

### SCHOLION III.

& Casus?

§. 59. Pariter dum ens, de quo loquimur, in  
vario cum aliis nexu, variisque ad alia relatione  
esse potest, ad illud denotandum, aut certa nomi-  
nis variatione, aut aliis signis, uti in Hebraeorum  
lingua, opus est; unde Casus nominandi, gene-  
randi, dandi, accusandi, vocandi, auferendi,  
ortum trahunt.

### SCHOLION IV.

§. 60. Entia, de quibus loquimur, alia sexus Nominum  
masculini, feminini alia sunt, in aliis sexus non Genera un-  
datur. Orta hinc est differentia nominum, ut de?  
alia masculini, feminini alia, alia neutrius Ge-  
neris sint; unde simul patet, habito ad rem ipsam  
respectu, inconveniens esse, quod nomina multa-  
rum rerum, in quibus nulla sexus differentia est,  
ad genus masculinum vel femininum referantur.  
Sic e.g. nulla in re ipsa deprehenditur ratio,  
cur *Mensa* potius feminini quam masculini gene-  
ris sit? Quis enim unquam sexus diversitatem in  
mensis, vel si majoris in utroque animadvertit?  
Hinc neutrius generis, si rem ipsam sequamur,  
debet esse.

DE-

## 28 Meditatio Philosophico-Critica

### DEFINITIO XIV.

Quid Pro- §. 61. Vocabulum, quod in locum no-  
nomen? minis ponitur, dicitur *Pronomen*.

#### COROLLARIUM.

Quid pro- §. 62. Pronomina igitur impediunt tædiosam  
fit? corundem verborum repetitionem, & sæpe fa-  
ciunt ad compendium (§. 61.).

#### SCHOLION.

Unde Spe- §. 63. Quia autem variis modis pronomen in  
cies ejus? locum nominis potest substitui, varia oriuntur spe-  
cies pronominum, personalia, demonstrativa, re-  
lativa, cetera. Scilicet e. g. si Christus dicit:  
Ego sum via, veritas & vita; perinde est, ac  
si dixisset: Jesus Nazarenus est via, veritas &  
vita. Si dicis: hic canis latrat; perinde est,  
ac si canis nomine proprio, ad distinctionem indi-  
candam, esset denotatus.

### DEFINITIO XV.

Quid ver- §. 64. Vocabula, quibus mutationes re-  
bum & ejus rum indicantur, dicuntur simpliciter *Ver-*  
species? *ba*, eaque *activa*, si actiones, *passiva*, si

passiones indicentur. *Verbum substantivum*  
Quid ver- dicitur, quod nexum Subjecti & Prædica-  
bum sub- ti indicat.  
stantivum?

#### COROLLARIUM.

Quid si- §. 65. Hinc si nexus inter Subjectum & Præ-  
gnum nega- dicatum negandus est, verbo substantivo adjeci-  
tionis effi- tur *negationis signum*.  
ciat?

#### SCHOLION.

Unde tem- §. 66. 1. Quia actiones & passiones vel tem-  
pora, nu- pus præsens, vel præteritum, vel futurum, vel  
meri, per- nullum respiciunt, oriuntur inde tempora verbo-  
sonæ, mo- rum. 2. Sermo de uno vel pluribus constituit, uti  
di in verbis? in nominibus (§. 58.), numerum singularem,  
pluralem, & in quibusdam linguis etiam dua-  
lem. 3. Personarum origo est, quod vel de no-  
bis;

## De Perfectione Linguae. 29

bis, vel ad alterum; vel de tertio loquamur.  
4. Prout autem vel assertive loquimur, vel minus,  
occasionem dedit modis, indicativo & conjun-  
ctivo.

### DEFINITIO XVI.

§. 67. Verbum, ad modum nominis for-  
matum; dicitur *Participium*. Quid Parti-  
cipium?

#### SCHOLION.

§. 68. Dicitur autem *Participium*, quia de u-  
triusque natura aliquid participat, e. g. scribens. Cur ita di-  
catur?

### DEFINITIO XVII.

§. 69. Vocabula, ad certas circumstan-  
tias denotandas, adjectivis vel verbis ad-  
dita, dicuntur *Adverbia*. Quid Ad-  
verbia?

#### SCHOLION.

§. 70. Differunt igitur pro diversitate circum-  
stantiarum loci, temporis, graduum, e. g. cras eorum. Differentia  
veniam, valde benignus.

### DEFINITIO XVIII.

§. 71. Vocabula ad circumstantias deno-  
tandas substantivis vel pronominibus addi-  
ta, dicuntur *Præpositiones*. Vocabula, qui-  
bus partium orationis nexus indicatur,  
*Conjunctiones*; denique Soni, quibus affe-  
ctus animi exprimere solemus, *Interjectiones*  
appellantur. Quid Præ-  
positiones,  
Conjunctio-  
nes, Inter-  
jectiones?

### COROLLARIUM.

§. 72. Quia res ipsæ, de quibus loquendum  
est, pro dictis diversitatibus differunt, modode-  
finitæ vocabulorum species & variationes [ §.  
56 seqq. ] in qualibet lingua sunt adhibendæ.  
Nam si minus, vocabula non sufficiunt ad re-  
rum diversitates indicandas [ §. 55. ]. Cur tot sint  
vocabulo-  
rum species?

#### SCHOLION.

§. 73. Quia in qualibet lingua Verba certa  
quæ Quid Syn-  
taxis?

### 30 Meditatio Philosophico-Critica

*quadam ratione construuntur, vel combinantur, oritur inde Syntaxis, quæ non est, nisi modas Verba recte pro indole lingue conjungendi.*

#### DEFINITIO XIX.

Quid Gram- §. 74. Ars, quæ rectam Lingue forma-  
matica? tionem docet, dicitur *Grammatica*.

#### COROLLARIUM.

Quot sint? §. 75. Quot igitur dantur lingue diversæ; tot Grammaticæ sunt possibiles.

#### COROLLARIUM II.

Quid tra- §. 76. Quia Lingua formatur recte per deli-  
ctet? tam Nominum, Ponominum, Verborum, Par-  
ticipiorum variationem; & receptam combina-  
tionem vocabulorum, quod testatur experientia,  
in Grammatica de Nominibus, Pronominibus,  
Verbis, ceteris & Syntaxi est agendum (§. 74).

#### SCHOLION.

Grammati- §. 77. Quemadmodum specialia semper genera-  
ca univer- lia in se complectuntur, siquidem species simili-  
salis unde? do individuum & specierum similitudo imme-  
diata genus infimum, mediata autem superius est;  
ita lingue speciales e. g. Germanica, Gallica,  
Hebraea, cetera generalia præcepta de Lingua in  
genere continent, quæ ope artis abstrahendi inde  
possunt crui: maxime si ratio diversitatis vocabu-  
lorum & variationis illorum in rebus ipsis, uti an-  
tea fecimus (§. 56 seqq.) queratur.

#### DEFINITIO XX.

Quid sit? §. 78. Ars, quæ generalia de Lingua,  
in omniibus linguis obvia, tradit, dicitur  
*Grammatica universalis*.

#### COROLLARIUM.

Quænam ad §. 79. Hinc quia quæ supra de vocabulorum  
eam perti- speciebus & variationibus sunt proposita (§. 56  
neant? seqq.) in omnibus linguis debent occurrere (§.  
72.), adeoque sunt generalia de lingua, perti-  
nent

## De Perfectione Linguae. 31

nent illa ad Grammaticam universalem (§. 78.).

### SCHOLION I.

§. 80. Longe plura ad Grammaticam universalem referenda esse, satemur, sed illam integram pertractare, non est jam res nostri, quod ad alia fertur, insiliunt.

Idem.

### SCHOLION II.

§. 81. Quia admodum diversae, pro diversitate gentium, dantur Linguae, cujus diversitatis rationes supra jam enarratae sunt (§. 29.); hac autem linguarum diversitas non tantum commercia gentium, sed eruditum etiam, in diversis gentibus viventium, mirifice impedit: diu ab eruditis cogitatum fuit de Lingua quadam universali, de qua paucis adhuc in generali hac tractatione est agendum.

Transitus.

### DEFINITIO XXI.

§. 82. Lingua universalis dicitur, quam omnes omnium linguarum gentes possunt intelligere. Pariter Scriptura universalis dicitur, quam omnes omnium linguarum gentes possunt intelligere.

Quid Lingua & Scriptura universalis?

### SCHOLION.

§. 83. Cum Lingua universalis adhuc sit in desideratis, olim loco ejus assumpta fuit Graeca, hodie Latina. Nam tam, Deo providente, factum esset, ut ante Christum natum lingua Graeca per Orientem occasione bellorum Alexandri M. & Successorum ejus in Graeca Monarchia divisa, per Occidentem autem occasione litterarum ac Philosophiae, quae in Graecia potissimum docebatur, esset divulgata; unde Cicero in Orat. pro Archia: Graeca, inquit, ubivis sonant, Latina exiguis finibus continentur; doctrina Evangelica autem de Messia in carnem misso omnibus gentibus esset annuntianda, & ut idem ore fieri posset, Deus Apostolis habitum variarum linguarum largitus esset.

Loco Linguae universalis olim fuit Graeca, hodie Latina.

32 *Meditatio Philosophico-Critica*  
*set* [ §. 37. ]: ut idem effectus salutaris scriptis  
 quoque obtineretur, Deus Græca lingua, ut plu-  
 ribus tunc temporis gentibus nota, ad libros N.T.  
 inspirandos utebatur. Nostra ætate lingua Latina,  
 tanquam universali, in omnibus fere regionibus  
 cultioribus utuntur eruditi, ut illius ope, licet  
 linguæ vernaculæ diversa sint, cogitationes suarum  
 peregrinis communicare queant.

## DEFINITIO XXII.

§. 84. Dum præter vocabula aliis etiam  
*signis scriptis* cogitationes nostras expri-  
 mere solemus (§. 45), illa vel primitiva  
 vel derivativa sunt. *Primitiva* vocantur,  
 quæ ex aliis non componuntur; quæ au-  
 tem ex primitivis componuntur, dicun-  
 tur *Derivativa*.

## SCHOLION.

*Exemplum.* §. 85. *Exemplum habemus in Cyphris numero-*  
*rum.* Nam e. g. 6., 8. sunt signa primitiva,  
 quorum prius sex, posterius octo unitates denotat.  
 E contrario si scribam 68 est signum derivativum  
 numeri sexaginta & octo, quia ex primitivis est  
 compositum.

## DEFINITIO XXIII.

§. 86. Potest etiam adhuc alia *Signorum*  
 differentia constitui. Vel enim talia sunt,  
 ut ipsius rei imaginem ante oculos ponant,  
 quæ vocari possunt *essentialia*; vel quæ id  
 non faciunt, quæ *accidentalibus* appellare  
 libet.

## SCHOLION.

*Exemplum.* §. 87. Sic dum + signum additionis est, est  
*accidentale*, quia imaginem, vel essentiam addi-  
 tionis non exprimit. Sed alia multa in Mathesi  
 dantur signa *essentialia*. Sic ⊙, D \* propter  
 representationem imaginum sunt signa *essentialia*.  
 So.



## De Perfectione Linguae. 33

Solis, Luna, Stelle,  $\gamma$   $\delta$   $\epsilon$  sunt signa essentialia signorum caelestium Arietis, Tauri, Cancri, quia cornua priorum & pedes posterioris depingunt.

### COROLLARIUM.

§. 88. Signa essentialia, quia imaginem vel essentiam rei ante oculos ponunt (§. 86), & hinc facilius non solum memoria retinentur, sed etiam intelliguntur, præstant accidentalibus.

Quænam  
sint præstan-  
tiora?

### DEFINITIO XXIV.

§. 89. Ars, quæ signa rerum idonea invenit & explicat, dicitur *Ars characteristica*.

Quid sit Ars  
characteristica?

### SCHOLION.

§. 90. Invenimus illius passim in eruditionis partibus exempla, quorum quædam, ad maiorem rei, pluribus obscura, lucem affundendam, recensere places. Logici vetustiores invenerunt signa propositionis universaliter affirmantis, negantis, particulariter affirmantis, negantis A, E, I, O, secundum versum vulgatissimum: Affert A, cetera. Pariter in reductione Syllogismorum S conversionis simplicis, P conversionis per accidens instituenda, M transpositionis propositionum, E reductionis per impossibile signum constituerunt. In Arithmetica huc pertinent Cyphre, quibus numeri exprimuntur, item signum Additionis  $+$ , Subtractionis  $-$ , Multiplicationis  $\cdot$ , Divisionis  $:$ , Majoritatis  $>$ , Minoritatis  $<$ , Equalitatis  $=$ , Similitudinis  $\propto$ . In Geometria  $\circ$   $\perp$   $\parallel$  sunt signa, si de divisione Circuli loquaris, Graduum, Minutorum, primorum secundorum, tertiorum. Astronomia istiusmodi signis est fertilissima. Non solum Sol cum Planetis, Mercurio, Venere, Luna, Marte, Jove, Saturno, his signis  $\odot$ ,  $\odot$ ,  $\odot$ ,  $\odot$ ,  $\odot$ ,  $\odot$ , sed etiam XII. Eclipticæ astra, quæ sunt:

Aries, Taurus, Gemini, Cancer, Leo, Virgo, Libraque, Scorpius, Arcitenens, Capr, Amphora, Pisces,

C

his

### 34 Meditatio Philosophico-Critica

his  $\Upsilon$   $\Psi$   $\Pi$   $\Sigma$   $\Omega$   $\eta$   $\epsilon$   $\zeta$   $\theta$   $\chi$ ,  
prætereaque multa alia u. g. Nodus adscendens,  
qui in Luna caput Draconis dicitur, hoc  $\Omega$ ,  
Nodus descendens, qui in Luna cauda Draconis dicitur,  
hoc signo  $\Psi$ , certis characteribus denotantur.  
Quæ non mirabilia in hoc negotio Algebra præstat,  
dum non solum omnes quantitates litteris,  
cognitas Alphabeti primis,  $a$ ,  $b$ ,  $c$ , incognitas  
ultimis,  $x$ ,  $y$ ,  $z$ , exprimit, sed earum ope etiam  
calculus ducit? Annon  $a$  primam,  $a^2$  secundam,  
 $a^3$  tertiam,  $a^4$  quartam dignitatem,  
vel potentiam, annon  $\sqrt{v}$  radicis quadrata,  $\sqrt[3]{v}$   
radicis cubice extractionem exprimit? Taceo plura  
alia huc pertinentia. Nec Chymicis sua desunt  
signa, quibus partim res naturales, partim  
operationum producta & præparata, seu res arte  
factas denotant. Sic  $\Delta$  Ignem,  $\Lambda$  Aerem,

$\nabla$  Aquam,  $\nabla$  Terram, exprimit. Et quæ in Astronomia  
Planetarum, eadem in Chymia Metallorum signa sunt,  
scilicet  $\odot$  Auri,  $\text{D}$  Argenti,  $\text{Q}$  Cupri,  $\text{F}$  Ferri,  $\text{S}$  Stanni,  $\text{P}$ , Plumbi,  
 $\text{Q}$  Argenti vivi. Vid. Cel. Teichmeieri Chymiam  
P. 1. c. 2. Musici notulis satis cognitæ  
diversitatem & prolongationem, vel abbreviationem  
sonorum Saltatores recentiores certis ductibus  
motus pedum, in saltando producendos, solent  
exprimere. Abstineo a pluribus.

#### COROLLARIUM.

Monitum. §. 91. Ex allatis exemplis patet, Artem  
characteristicam sæpe ab illis fuisse exercitam, qui  
ne distinctam quidem illius notionem habuerunt.

#### DEFINITIO XXV.

Quid Ars characteristica combinatoria. §. 92. Artem signa rerum conjungendi,  
eorumque conjunctiones certa lege variandi,  
dicimus *Artem characteristicam combinatoriam*.

SCHO-

# De Perfectione Linguae. 35

## SCHOLION.

§. 93. *Ars combinatoria characteristica summa* Quid de hac  
*hactenus frustra exercuit ingenia, & hinc adhuc* Leibnitius?  
*in desideratis est, licet vestigia illius nonnulla*  
*exstent. Summus Leibnitius quandam illius ide-*  
*am habuit, eamque ipsa Algebra universalio-*  
*rem agnovit esse in litteris ad Oldenburgium &*  
*in Miscellaneis Berolinensibus, quae loca exhibet*  
*ill. Wolff in Psychol. Empir. § 297, sed nun-*  
*quam ad perfectionem, quod nimis multis inten-*  
*tus erat, deduxit. Vid. ib. § 301.*

## COROLLARIUM I.

§. 94. Quia per Artem combinatoriam cha- Quid illa  
racteristicam signa rerum conjunguntur (§ 92), faciat &  
per eandem etiam ex primitivis construuntur supponat?  
derivativa (§ 84). Et dum conjunctio signorum  
primitivorum nequit fieri, nisi haec antea  
sint inventa, Ars characteristica combinatoria  
supponit ipsam Artem characteristicam (§ 89).

## SCHOLION.

§. 95. In Arithmetica exemplum Artis combi- Exempla.  
natoriae characteristicae in numeratione cyphra-  
rumprehendimus. Adsunt enim signa numero-  
rum primitiva 1, 2, 3, 4, 5, 6, 7, 8, 9, 0,  
quae certis legibus combinantur & variantur,  
quales sunt: ut cyphra in primo ad dextram lo-  
co denotet unitates, in secundo tot decades, quot  
in ultimo unitates, in tertio tot centenarios, in  
quarto tot millenarios, cetera. Hinc ut annum,  
quem a nativitate Servatoris jam numeramus,  
millesimum, septingentesimum, quadragesimum  
sextum exprimam, pro legibus modo dictis signa  
primitiva ita erunt combinanda 1746. Deprehen-  
dimus exempla alia in nominibus modorum in  
Logica Scholasticorum. Nam postquam A propo-  
sitionis universaliter affirmantis, E universaliter  
negantis, S conversionis simplicis, signum consti-  
tuerunt, & Consonans initialis nominum modo-  
rum in secunda & tertia figura indicare debet,  
C 2 syl-

### 36 Meditatio Philosophico-Critica

syllogismum illius figurae & modi reducendum esse ad modum primae figurae, ab eadem consonante incipientem: signa haec primitiva combinentur in voce CEIARE, quae conditionem totius Syllogismi exprimit; scilicet, 1. Majorem & Conclusionem universaliter negantes, Minorem universaliter affirmantem, 2. Syllogismum ad modum CEIAREnt in prima figura reducendum, 3. Et Majorem simpliciter convertendam esse. Habemus exemplum aliud in figuris syllogismorum. Nam si per Artem characteristicam ponatur, ut M termini majoris, m minoris,  $\mu$  medii signum sit, per Artem characteristicam combinatoriam quatuor figurae ita poterunt exprimi:

Fig. I.	Fig. II.	Fig. III.	Fig. IV.
$\mu$ M	M $\mu$	$\mu$ M	M $\mu$
m $\mu$	m $\mu$	$\mu$ m	$\mu$ m
<hr/>	<hr/>	<hr/>	<hr/>
m M	m M	m M	m M

#### THEOREMA VII.

Quid per illam formari possit? §. 96. Per Artem characteristicam combinatoriam signa derivativa essentialia possunt formari.

#### DEMONSTRATIO.

Si signis primitivis certi significatus sunt tributi, ex illis signis derivativa componi possunt, quae imaginem vel essentiam rei ante oculos ponant, liquidem quodlibet essentialia peculiare signum primitivum potest indicari. Sed ejusmodi signum essentialia dicitur (§ 86). Unde ex combinatione signorum primitivorum derivativa essentialia possunt oriri. Quia vero illa combinatio fit per artem characteristicam combinatoriam (§ 92), per eandem signa derivativa essentialia rerum possunt formari.

SCHIO.

# De Perfectione Linguae. 37

## SCHOLION.

§. 97. Exemplum ejusmodi signorum derivati-  
vorum essentialium habemus in nominibus modo-  
rum Syllogismorum, uti paullo ante est osten-  
sum. Exemplum.

## THEOREMA VIII.

§. 98. Ope Artis characteristicae com-  
binatoriae cogitationes nostras cum aliis  
communicare possumus sine verbis. Quid illa  
praestet?

## DEMONSTRATIO.

Per Artem characteristicam combinatoriam  
signa rerum certa lege conjunguntur & varian-  
tur ( § 92 ). Jam si alteri vel signa rerum,  
potissimum primitiva, jam sint perspecta, vel  
significatum eorum facile possit hariolari, prae-  
tereaque regularum, quibus combinatio signo-  
rum perficitur, non sit ignarus, dubium non  
esse potest, quin ex signis combinatis mentem  
scribentis sine verbis possit cognoscere.

## SCHOLION.

§. 99. Idem rursus exemplis Mathematicis po-  
test ostendi. Cum enim in Cyphris Arithmeticeis  
exemplum Artis combinatoriae characteristicae ha-  
beamus ( § 95 ), evidenter patet, ope illarum  
nos alteri, qui ipsam Cyphrarum significationem  
& modum eas combinandi habet perspectum, nu-  
merum certum significare posse absque verbis.  
Possunt etiam alia in Astronomicis exempla for-  
mari. Sic Solem in primo Arietis gradu versari,  
ita exprimunt ☉, ☿ ♈; pariter conjunctionis  
sextilis, quadrati, trigoni, oppositionis Planeta-  
rum signa sunt ☿ \* ♀ ♁ ☿; unde quadra-  
tum Saturni ♄ Jovis ita exprimitur ♄ ♁ ♃.  
Taceo Algebram, ubi plura ejusmodi exempla oc-  
currunt. Pertinet huc etiam formulae Medicami-  
num preparandorum, a Medicis consignari soli-  
ta. Quin processus chemici etiam per certorum  
cha-

Exempla

38 *Meditatio Philosophico-Critica*  
*characterum combinationem possunt exprimi, e. g.*

*⋈ 4 2 2 6 9* denotabit: *Libra sulphu-*  
*ris distilletur in retorta diem & noctem.*

# THEOREMA IX.

§. 100. *Ars combinatoria characteristica constituit speciem scripturæ universalis.*  
**DEMONSTRATIO.**

*Scriptura universalis dicitur, quam omnes omnium Linguarum gentes possunt intelligere (§ 82). At si quando in Arte combinatoria characteristica cogitationes certis signis, quæ vel jam sunt recepta, vel quorum significatus facile potest conjici, exprimimus, quilibet mentem signorum combinatorum intelligit, quacunque alias lingua utatur. Hinc Ars combinatoria characteristica speciem Scripturæ universalis exhibet.*

## SCHOLION.

**Exemplum.** §. 101. *Sic si scribam ⋈ 200. Ω, quilibet Mathematicum peritus, in sua Lingua potest legere. Et similis Cyphrarum ratio deprehenditur.*

## COROLLARIUM.

§. 102. *Quia Ars combinatoria characteristica ostendit speciem scripturæ universalis (§ 100.), eatenus etiam speciem Lingue universalis nobis offert (§ 82).*

## SCHOLION.

**Monitum.** §. 103. *Quia Ars characteristica combinatoria adhuc in desideratis est, licet vestigia illius quædam cernamus (§ 93 seqq.), mirum non est, Linguam & Scripturam universalem etiam nobis adhuc deficere. Et quia nostri instituti non est, illam fusiùs pertractare, maxime cum ill. Chrif. Wolffius in Psychol. Empir. § 297 seqq. plura de illa asserta demonstraverit, ad tractationem nostram specialem potius de Lingue perfectione progredimur.*

C A P U T II.

De Linguae perfectione in Specie.

SCHOLION.

§. 104. Dum de Linguae perfectione acturi sumus, non id nobis negotii datum esse, arbitrati sumus, ut quanam ex variis Linguis, quibus vel homines actu utuntur vel usi fuerunt, perfectissima sit, investigemus, sed Criteria potius Linguae perfectae eruere, & quomodo illa comparata esse debeat, demonstrare, intendimus.

DEFINITIO XXVI.

§. 105. Consensus variorum in ente dicitur *Perfectio*. Consensum autem h. l. dicimus tendentiam plurium ad commune aliquod præstandum. Perfectio quid sit?

COROLLARIUM I.

§. 106. Quo magis igitur varia in ente consentiunt, eo est perfectius, & in quo maxime consentiunt, id est perfectissimum (§ 105). Gradus Perfectionis.

COROLLARIUM II.

§. 107. Omne igitur medium ad finem eo erit perfectius, quo plenius finis, & quo facilius ille breviusque, & quo minori cum molestia obtinetur. Nam eo magis varia media in fine præstando consentiunt (§ 106). Perfectio Mediorum unde iudicanda?

THEOREMA X.

§. 108. Finis Linguae est, ut nos invicem intelligamus. Quisnam sit finis Linguae?

DEMONSTRATIO.

Cum vocabula (§ 19), & hinc etiam sermo (§ 24), qui per linguam formatur (§ 25), cogitationum signum debeat esse, exser-

#### 40 *Meditatio Philosophico-Critica*

mone, per linguam formato, alter, scilicet audiens, vel legens, quas loquens, vel scribens sibi in mente cogitationes formet, debet cognoscere (§ 3), convenienterque finis linguæ est, ut audiens, vel legens easdem sibi cum loquente, vel scribente notiones formet. Quia vero in hoc ipso ponitur, ut loquentem audiens, vel scribentem legens intelligere dicatur (§ 21), finis Linguæ est, ut nos invicem intelligamus.

Idem ita concipitur. Finis est, quod per alterum volumus obtinere. Cum autem per Linguam id obtinere velimus, ut cum alio cogitationes nostras communicemus, adeoque nos invicem intelligamus, idem est Linguæ finis.

#### COROLLARIUM.

Et ad quid nam fit Medium? §. 109. Quia Medium dicitur, quod rationem existentiae finis in se continet, id autem finem respicit, Lingua ad hoc, ut nos invicem intelligamus, debet esse Medium (§ 108).

#### THEOREMA XI.

Facilitas intelligendi est Linguæ perfectæ requisitum. §. 110. Quo facilius per Linguam nos invicem intelligere possumus, eo est perfectior.

#### DEMONSTRATIO.

Quo plenius per medium obtinetur finis, eo est perfectius (§ 107). Sed finis linguæ est, ut nos invicem intelligamus (§ 108), quemadmodum ipsa lingua est hujus medium (§ 109). Cum igitur quo facilius nos invicem per linguam intelligimus, eo plenius meliusque finis linguæ obtineatur, quo facilius nos invicem per linguam intelligimus, eo perfectior erit lingua.

#### COROLLARIUM.

Continuatio. §. 111. Per linguam perfectissimam igitur facillime nos invicem debemus posse intelligere. (§ 110).

THEO.



THEOREMA XII.

§. 112. In Lingua perfectissima quælibet res nomen suum peculiare debet habere.

Illa respuit  
plures unius  
nominis si-  
gnificatus.

DEMONSTRATIO.

Per linguam perfectissimam debemus facillime nos invicem posse intelligere (§ 111). At vero si res diversæ eodem nomine denotentur, impeditur facilis intelligentia, siquidem tunc, nomine audito, variæ ideæ in mente excitandæ sunt imaginationis ope (§ 23), & ex comparatione earum, cum contextu circumstantiisque demum, quænam genuina & a loquente intenta notio sit, investigandum est; id quod interdum ne quidem certo potest inveniri. Hinc in Lingua perfectissima non res diversæ eodem, & hinc quælibet res suo peculiari nomine denotanda est.

DEFINITIO XXVII.

§. 113. *Vocabulum æquivocum*, vel *homononymum*, dicitur, quod res diversas denotat.

*Vocabulum æquivocum*  
quid?

SCHOLION.

§. 114. Tale vocabulum in Latinorum Lingua est *jus*, *legem* & *offam* denotans, unde Tycho de Brahe per jocum cecinit:

*Jus legum & patinæ sunt nomine jura sub uno,  
Grandia condunt & grandia jura vorant.*

Quod autem ex æquivocis vocabulis sensus sæpe oriatur dubius, ex eo exemplo, dum Romulus lupa nutritus dicitur, potest cognosci, dum, utrum Lupa brutum, an vulgato corpore lupa, intelligenda sit, non satis est exploratum. Vid. Liv. libr. 1, c. 4. Plutarchus in Romulo c. 11. & Plinius Hist. Natur. libr. 8, c. 17. libr. 15, c. 18.

CO-

## 42 *Meditatio Philosophico-Critica* COROLLARIUM.

Lingua perfecta illa §. 115. Ex Lingua perfectissima exulare debent vocabula æquivoca ( § 112, 113 ).  
excludit.

### DEFINITIO XXVIII.

Commune §. 116. *Commune ab uno ad unum* dicitur vocabulum, quod uni primario, alteri secundario & propter respectum ad prius competit.

### SCHOLION.

Exemplum. §. 117. *Ejusmodi est vocabulum sanus, quod primario de animali, secundario etiam de cibo, vel medicamento, quatenus ad sanitatem animalis, eam conservando, vel restituendo, respectum habet, predicatur.*

### COROLLARIUM.

Talia a §. 118. Quia per communia ab uno ad unum res diversæ denotantur ( § 116 ), a lingua perfecta debent abesse.

### SCHOLION I.

Quo sensu §. 119. *Ex dictis datur colligere, quomodo intelligendum sit, cum vulgo pro criterio Lingue perfectæ, ut verbis dives sit, habetur; quemadmodum Cicero lib. 1, de finibus Bonorum & Malorum ad Brutum scribit: Latinam Linguam non modo non inopem, sed etiam locupletiore esse, quam Græcam. Scilicet hoc ita intelligendum est, ut nulli rei peculiare nomen deficiat ( § 112 ); adeoque ab æquivocis & communibus ab uno ad unum possit abstineri ( § 115, 118 ).*

### SCHOLION II.

Exempla §. 120. *Patet autem simul imperfectio Lingue Linguarum imperfectarum. Germanica, Latina, Græca, dum in omnibus his multa dantur æquivoca, qualia sunt Krebs, Cancer, morbum & brutum, populus multitudinem hominum & arborem, Lupus piscem, plantam & animal quadrupes, λογος rationem & sermonem de-*

## De Perfectione Linguae. 43

denotans. Nec ipsa Lingua Hebraea ab hac imperfectione immunis est, dum verba simplicia habent etiam significatum compositiorum, & particula in admodum variis significatibus solent adhiberi. Non equidem ignoro, Virum Clar. M. Georg. Nath. Kistmacher in Dissert. de Ebraicae prae ceteris linguis omnibus praestantia, Jene 1719 defensa, in eo esse, ut illam reliquis linguis omnibus palmam praeripere ostendat. At quamvis lubenter perfectiones, quae Hebraica insunt linguae, agnoscamus, & in sequentibus ostensuri simus: non tamen ejus argumenta ad omnimodam linguae Ebraicae prae reliquis omnibus praecellentiam probandam sufficere videntur. Provocat is, 1) ad Linguae Hebraicae Antiquitatem prae omnibus reliquis, quam praeter argumenta minus valida, ab aliis mutuata, inde, quod primi homines in Paradiso loquuti sint, probare nititur. At vero nec semper verum est, quod quicquid antiquissimum est, optimum sit, nec necessario Lingua antiquissima debet esse optima, nec ex eo, quod in horto parentes primi loquuti sint, sequitur, eos Hebraice loquutos esse, unde & major & minor argumenti dubiis majores non sunt. Provocat is 2) ad Elogia hujus linguae, dum Rom. 1, 2. αἷα γράφει & 2 Tim. III, 15. ταῖς ἱερὰ γραμματὰς appelletur. Verum nec desunt, quae huic apponantur. Non enim ipsa Hebraea lingua in se, sed sacra Veteris Testamenti scriptura, Hebraeo idiomate consignata, his magnificis titulis ornatur. Nec sequitur, si ita concludas: Lingua Hebraea dicitur sancta ob consignatam in illa voluntatem Dei. E. est omnibus reliquis praestantior. Nam ex eodem fonte etiam Graeca linguae prae omnibus reliquis praestantia posset derivari. Provocat is 3) ad puritatem, venustatem & facilitatem discendi, dum, quod ad ultimum attinet, non admodum multae radices omnium reliquarum vocum fontes sint. At quanquam quidquid ex his perfectionis inest Linguae Hebraicae, nesci-

An Lingua  
Hebraea sit  
perfectissima?

44 *Meditatio Philosophico-Critica*  
*neutiquam ei denegatum volumus; non tamen in-*  
*de sequitur, eam omnibus numeris absolutam, &*  
*omni respectu omnibus reliquis linguis præstantio-*  
*rem esse.*

### THEOREMA XIII.

In Lingua  
perfecta li-  
cet *ὁρματίζε-*  
*σθαι*.

§. 121. In Lingua perfectissima, necessi-  
tate postulante, nova nomina licet forma-  
re & peregrina adoptare.

### DEMONSTRATIO.

1. Si res nova inveniatur, vel nova rei con-  
sideratio instituat, illa aut novo nomine de-  
notanda, aut nomen, quod certum jam habet  
significatum, etiam ad novam illam rem signifi-  
candam, transferendum, aut illa res sine nomine  
relinquenda est. At vero nomen, quod certum  
jam habet significatum, illi rei non est impo-  
nendum, quia inde oriretur Æquivocatio evi-  
tanda (§ 115); nec sine nomine est relinquen-  
da, quia alias non possumus eam rem aliis de-  
notare. E. novum nomen erit in hoc casu for-  
mandum.

2. Si peregrina res, quæ in alia lingua no-  
mine adhuc caret, reddatur cognita, aut pere-  
grinum nomen rei adoptandum, aut novum no-  
men formandum erit. Cum autem in peregrina  
lingua jam habeat nomen, non opus est for-  
matione novi, adeoque illud adoptare, vel ci-  
vitate donare licet.

### SCHOLIUM.

Consensus  
Horatii.

§. 122. Eandem, ubi opus est, novorum for-  
mandorum vocabulorum licentiam jam olim Ho-  
ratiis Latinis concessit libro de Arte Poet. v. 50  
seqq. ubi inter cetera:

— — — Licuit semperque licebit,  
Signatum, præsentem nota, producere no-  
men.

CO.

## COROLLARIUM.

§. 123. Non igitur est, cur Philosophis a Criticis vitio vertatur, si novos subinde terminos philosophicos, ad abstractiones, de quibus Latini vetustiores non cogitarunt, & hinc nec terminis denotarunt, significandas, formant, quales sunt: Identitas, Prioritas, Distinctitas, ceteri [ § 121 ]. Quamvis enim eadem res sine ejusmodi termino sæpe purius possit exprimi; negari tamen nequit, eorum ope breviorē sæpe & magis perspicuam elocutionem fieri. Vid. Jo: Pici Mirandulæ epistolam continentem, quid de Stylo Scholasticorum sit sentiendum? quæ præfixa est Armandi de bello visu Explicationibus terminorum Theologicorum, Philosophicorum & Logicorum. Witteb. 1623.

Quid de novis terminis philosophicis sit statuendum?

## SCHOLION.

Monitum.

§. 124. Peto autem, ne quis hoc ita intelligat, ac si barbarum loquendi morem probatum irem. Laudo enim potius & approbo puritatem Styli, ubi, salvo rerum sensu genuino potest adhiberi.

## THEOREMA XIV.

§. 125. Uni rei unum tantum nomen vel vocabulum respondere debet in Lingua perfectissima.

Perfectio linguæ excludit plura unius rei nomina.

## DEMONSTRATIO.

Multitudo nominum, uni rei in eadem lingua competentium, efficit, quo minus facile intelligant se invicem loquentes. Nam facile potest contingere, ut unus hoc, alter alio, tertius iterum alio nomine eandem rem denotet; unde fiet, ut se invicem non intelligant, quia, nomine audito, debita idea in mente non producit ( § 21 ). Hinc in Lingua perfectissima non debet res eadem diversis vocabulis denotari [ §. 111 ]; adeoque uni rei unum tantum vocabulum respondere debet.

DE.

## DEFINITIO XXIX.

Synonyma  
quid?

§. 126. *Vocabula diversa, in eadem lingua rem eandem denotantia, dicuntur Synonyma. Et si plane eadem notio utrique vocabulo respondeat, dici possunt perfecte Synonyma; si ex parte tantum, respectiva talia.*

## COROLLARIUM.

Eadem ex-  
cludit Syno-  
nyma perfe-  
cte talia;Sed non re-  
spectiva ta-  
lia.

§. 127. Hinc Synonyma perfecte talia ex lingua perfectissima debent abesse [§ 125, 126.]

## SCHOLION I.

§. 128. *Dico studiose: Synonyma perfecte talia. Nam si in vocabulis, quae Synonyma videntur esse, diversitas tamen respectus, vel gradus, vel alius circumstantiae connotatur, adeoque non sunt perfecte talia, tantum abest, ut perfectioni linguae obtineat, ut potius adesse debeant (§ 112) Sic Gratia & Misericordia licet synonyma videantur esse, diversus tamen in utroque vocabulo respectus adest, dum in Gratia ad id, quod gratis & sine merito bonum, in Misericordia autem ad id, quod misero conferatur, respicitur; adeoque non sunt Synonyma perfecte talia.*

## SCHOLION II.

Monitum.

§. 129. Cum una res uno nomine tantum sit denotanda (§ 125), saepe ex crebra ejusdem vocabuli repetitione sedium aliquod oriri, negandum non est, quod autem per perspicuitatem majorem compensatur.

## DEFINITIO XXX.

Quid Diale-  
ctus?

§. 130. Diversitas pronunciationis & constructionis verborum in certa lingua constituit *Dialectum*.

## SCHOLION.

Exempla.

§. 131. Sic in Lingua Graeca IV Dialecti, Attica, Ionica, Dorica, Aelica, satis sunt per-  
vulgata, & neminem diversitas Dialecti Linguae Ger-

*De Perfectione Linguae.* 47

*Germanica, quae in Saxonia superiore & inferiore obtinet, fugit.*

THEOREMA XV.

§. 132. A Lingua perfectissima diversitas Dialectorum debet abesse.

Perfectio  
Linguae ex-  
cludit di-  
versitatem  
Dialecti.

DEMONSTRATIO.

Diversitas Dialectorum in eadem lingua impedit facilem intelligentiam. Nam licet audiens sonum audiat verborum, non tamen in mente, quia vel sonus, vel modus verba ita construendi non satis est cognitus, & ipse aliter eum efferre, vel verba construere solet, ideam producet convenientem [§ 21]. Cum vero per *Linguam perfectissimam* facillime nos invicem debeamus posse intelligere [§ 111]; diversitas dialectorum ab ea abesse debet.

DEFINITIO XXXI.

§. 133. *Nomen rei essentiale* dicitur, quod in se essentiam rei exprimit, quod non, *accidentale*. Quid essentia rei sit supponitur ex Metaphysica.

Quid no-  
men rei es-  
sentiale &  
accidentale?

SCHOLIUM I.

§. 134. Sic nomen *Jehova*, quod ipse sibi soli Deus vindicavit Ps. LXXXII, 19; Jel. XXXXII, 8; est nomen Dei *essentiale*, quia vi derivationis Grammaticae denotat eum, qui fuit, est, & erit cum emphasi, h. e. per existentiam absolute necessariam; quo ipse *essentiale Dei*, quod sit ens a se, indicatur. Vid. nostrum Tr. S. t. Revelat. S. S. Trinit. Mysterium § 37, Sch. 1. Par ratio est nominis *Jesus*, quod, quia per Angelum interpretationem Matth. 1, 21, & derivationem Grammaticam a *γω* salvavit, Salvatorem denotat, Servatori meritissimo *essentiale* est. Vox latina *Tonitru* & Germanica *Donner* sunt nomina *essentia*, quia ipsum nomen sonum rei denotata offert. E contrario *Mensa* est nomen non *essentiale*, sed *accidentale*.

Exempla.

SCHIO.

## 48 Meditatio Philosophico-Critica SCHOLION II.

Casus alius. §. 135. Possunt etiam nomina rerum essentialia ex compositione signorum primitivorum, quibus arbitrarie certus significatus est impositus, constitui. Qualia habent Logici, in nominibus modorum syllogisticorum, ubi, assumpto quod A propositionem universaliter affirmantem denotare debeat, vox bArbArA essentiam Syllogismi exponit, scilicet, quod tres habeat propositiones, & omnes sint universales eaque affirmantes. In nominibus modorum secunda & tertia figura idem clarius elucet, uti supra exemplo jam est ostensum [§ 94].

### THEOREMA XVI.

Perfectio linguae potestulat nomina rerum essentialia. §. 136. Lingua perfectissima plurimis instructa esse debet nominibus essentialibus.

### DEMONSTRATIO.

Nomina rerum essentialia, quia in se essentiam rei ante oculos ponunt (§ 133), non solum facillime memoria retinentur, sed etiam, quod maximum, facilitatem intelligendi mirum in modum promovent [§. 21]. Hinc dum per linguam perfectissimam facillime debemus nos invicem posse intelligere [§ 111], in eadem nominibus rerum essentialibus admodum est standum.

### COROLLARIUM.

Reiectis accidentalibus. §. 137. A nominibus igitur accidentalibus in ea, quantum fieri potest, abstinendum est [§ 136, 133].

### SCHOLION I.

Consensus Borrichii. §. 138. Idem praclare perspexit, quem laudavimus supra. Ol. Borrichius in Diatribe de Casibus diversis. Linguarum § 3. Ex, inquit, voces nobiliores censenda, quae non casu velot improviso res notant, sed adhibita, quantum fieri potest, ratione naturam rerum intuentur. Quemadmodum enim imago illa laudatissima, quae rem melius reddit: ita voces ex [quippe ima-



## De Perfectione Linguae. 49

imagines rerum] convenientissimæ, quæ ad ipsam naturam rerum exprimendam propius accedunt. II. § 8, p. 19.

### SCHOLION II.

§. 139. Ex hoc capite reliquis linguis Hebræa, Præstantia  
*utpote nominibus essentialibus, vel ad essentialia* Linguz  
*proxime accedentibus fertilissima, palmam præ-* Hebrææ.  
*pere videtur. Nominum Jehova & Jesus jam an-*  
*te facta est mentio [ § 134 ]. Adam denotat ex*  
*terra factum, qualis Homo erat, Gen. II, 7; E-*  
*va vivificatricem, qualem per sobolis procreatio-*  
*nem se gerebat, Gen. III, 20; Abrahamus mul-*  
*tatum gentium patrem, Gen. XVII, 5, qualis*  
*futurus erat; Jacob Suppressorem, qualem sese*  
*exhibebat, Gen. XXVII, 36; ערומי a r. ער*  
*occultavisti, virginem, utpote quæ membrum geni-*  
*tale gessit adhuc occultatum. Taceo innumera alia*  
*exempla. In aliis linguis rariora quidem sunt ejus-*  
*modi exempla; attamen ibi potissimum, ubi cer-*  
*ti soni denotandi sunt, occurrentia, siquidem so-*  
*nus verbi ipsius rei sonum referre solet. Qualia*  
*verba sunt: Balare, Boare, Cicada, Clangere,*  
*Coaxare, Flere, Gruonire, Hinnire, murmurare,*  
*Sibillare, Lallare, Ululare, cetera, & in*  
*Lingua Germanica, Guckuck, Gluckhenne,*  
*Donner, cetera.*

### SCHOLION III.

§. 140. Solet etiam interdum accidere, ut ab Convenientia  
*eadem de re ipsa formato sono, sed a diversis* Lingua-  
*gentibus diversimode accepto & pronunciato, res* rum in no-  
*eadem nomina, pro diversitate linguarum disse-* minibus es-  
*rentia, attraxerit sono similia acceperit. Sic Ger-* sentialibus.  
*manorum Guckuk est Gallorum Cocu, Latinorum*  
*Cuculus, Græcorum Κοκκυζ, Italorum Cucco, quæ*  
*nomina omnia a sono Cuculi ortum acceperunt.*  
*Patiter Germanorum Heulen, Latinorum Ejulare,*  
*Græcorum Οἰκωζεν, ab ejusdem Ejulatus*  
*sona oriri, non difficulter cognoscitur.*

# 50 Meditatio Philosophico-Critica SCHOLION IV.

Lingua essentialis est possibilis.

§. 141. Cum res nominibus essentialibus possint exprimi, uti partim ipsa Lingua Hebraea immul-tis, partim alia exempla docent [§ 139], non videtur esse impossibile, quod Ol. Borrichius Tr. cit. § 18, p. 45 seqq. defendit, ut detur Lingua receptis perfectior, & exintima cognitione consensuum dissensuumque rerum naturalium deduc-ta. Utrum vero per illam, accommodato rebus rhythmo, Harmonia, Elocutione, non homines tan-tum, sed & bestiae flecti possint in obsequium, terri, fisti, allici, in stuporem dari, certis mo-tibus bilis acidique corporis agitatatis sanari, cete-ra, res altioris indaginis videtur esse.

## SCHOLION V.

An Adamus illam pos-sederit?

§. 142. Nec, cum Auctore laudato, defenden-dum suscipimus, Adamo, præter linguam ad po-steros derivatam, illam cognitam fuisse ita, ut illius beneficio regie imparaverit animalibus, & omnia bruta, solo sono illorum naturæ conve-niente edito, & nulla assuefactione præcedente, ad obsequium flectere potuerit. Quamvis enim plane singulare quid in tarantulis deprehendamus, ut sono Musico, natura tarantule, quæ hominem veneno suo infecit, convenienti, ab illo homine audito, hic saltare & sanari incipiat: non ta-men certo inde, Adamum imperium in bruta so-lis verborum sonis exercuisse, concludi potest. Nam cum Noacho filiusque ejus Deus dominium in bru-ta eadem, quin majori cum solennitate tradide-rit ac Adamo, Gen. VIII, 2, 3; 1, 28, idem de Noacho & filiis ejus esset etiam affirmandum; quod nemo facile crediderit, siquidem quæ ratio-ne Noachus & filii imperium in bruta exercue-runt, eadem sine dubio ad posteros est propaga-tum. Posteros autem hac facultate carere, expe-rientia testatur. Nostri enim verba non, nisi me-diante assuefactione, bruta in obsequium flectunt.

SCHO.

De Perfectione Linguae. 51  
SCHOLION VI.

§. 143. Dum de nominibus rerum essentialibus regimus, nec illud reticendum est, nonnullis eruditis, secretam vim naturalem litteris quibusdam inesse, videri. P. Socrati in Cratylo Platonis φαίνεται ὡς περ ὄργανον ἕκαστος τῆς κινήσεως, quod ostendit per vocabula πῦρ, ἕρῃ, τρομος, τραχὺς, χροῦν, δράνῃ, ἰρῆνῃ, δράτῃ, κερματίζῃ, ῥεμβῃ, I adhibetur ad tenuia quaeque, φ, λ, σ, ζ, sunt spiritus vehementioris, λ & σ compressionem denotant. Et sane cum omnis ira vehementiorem corporis animique commotionem involvat, mirum non est, R esse ira signum; unde Virgil. L. 4. Aeneid. de fama optime ita:

Vis Litterarum quadranda secreta.

Illam terra parens ira iratata Deorum  
Progeniit;

ubi omnes, praeter primam, voces hanc ira consonantem continent. Pertinet huc quoque meditatio Nigidii apud Gellium L. X, c. 4 dum in voce VOS & TIBI nos spiritum quasi protrudere, & versum ad eos, quibuscum sermocinamur, intendere; in vocibus NOS & MIHI autem spiritum & labia quasi intra nosmet ipsos coercere, docet. Possem etiam hoc loco de eo, quod per ipsam vocum compositionem rei quasi imago representari possit, loqui, uti e. g. Maro velocissimum equi cursum meris dactylis descripsit ita:

Quadrupedante putrem tonitu quatit ungula campum.

nisi hoc magis ad pulchritudinem orationis naturalem, de qua elegantissime scripsit Jo: Guilielmus Berger in tractatu de Pulchritudine Orat. naturali, pertineret.

THEOREMA XXVII.

§. 144. Res similes similia nomina in lingua perfectissima debent habere.

DEMONSTRATIO.

Quidquid facit ad facilem intelligentiam, ei in similia.

Perfectio Linguae posulat rerum similium nomina in similia.

## 52 Meditatio Philosophico-Critica

in lingua perfectissima est studendum (§ 111). Jam vero si res similes similibus nominibus exprimentur, non solum ipsa rerum nomina facilius memoria retinentur, sed etiam, cognito nomine uno, & genio linguæ, facilius significatus alterius eruitur; uti e. g. si quis novit, quid sit *mutatum*, vel *determinatum*, facile inde colligit, quid sit *mutabile*, vel *determinabile*. Hinc in Lingua perfectissima res similes similia debent habere nomina.

### DEFINITIO XXXII.

**Abstractum** & **Concretum** quid? §. 145. *Abstractum* dicitur, quod denotat qualitatem rei sine subjecto, cui inest. *Concretum* qualitatem rei cum subjecto; cui inest, denotat.

#### SCHOLION.

**Exempla.** §. 146. Sic e. g. Pietas, Eruditio, *termini abstracti*, Pius, Eruditus, *concreti* sunt.

#### COROLLARIUM I.

**Habent similitudinem.** §. 147. Quatenus igitur tam Abstractum quam Concretum certam rei qualitatem denotant (§ 145), eatenus habent similitudinem.

#### COROLLARIUM II.

**terminis fere similibus debent denotari.** §. 148. Abstractum igitur & Concretum terminis fere similibus, licet pro genio linguæ atque tenus, quatenus Abstractum & Concretum sunt, differentibus (§ 112), debent denotari (§ 145, 147).

### DEFINITIO XXXIII.

**Vocabulum primitivum, derivativum, &c. quid?** §. 149. *Vocabulum*, quod ab alio oritur, *derivativum* appellatur; quod a nullo alio, *primitivum*, & quatenus derivativa ab eodem oriuntur, *radix*; Relatio radicis ad sua derivata *cognatio vocabulorum* appellatur.

SCHO-

SCHOLION.

§. 150. Sic in lingua Latina Amo est voca- Exempla-  
bulum primum, & respectu vocum Amicus,  
Amicitia, radix.

THEOREMA XVIII.

§. 151. Per cognationem vocum faci-  
litas intelligendi linguam promovetur.

Cognatio  
vorum facit  
ad faciliem  
intelligen-  
tiam.

DEMONSTRATIO.

Quæcunque voces sunt similes, earum una  
occasione alterius facile propter imaginationis  
regulam potest memoria retineri. Cum igitur  
vocabulorum, quæ cognationem inter se ha-  
bent, sit similitudo soni, quandoquidem una  
ab altera descendit (§ 149), unum illorum,  
nempe derivativum, occasione alterius scil. ra-  
dicis facile memoria retineri potest. At vero si  
vocabula facile memoria retinentur, promove-  
tur facilitas intelligendi, quia, si semel idea de  
re cum vocabulo in mente conjuncta est, eo-  
dem vocabulo audito iterum, facile idea rei  
debita reproducitur (§ 23). Hinc per vo-  
cum cognationem facilitas intelligendi linguam  
promovetur.

Idem inde etiam apparet, quod, dum voces  
cognatæ res quoque cognatas solent denotare,  
idque ratione non invita (§ 144), sæpe co-  
gnito vocabulo uno & analogia linguæ, signi-  
ficatus alterius vocabuli inde queat colligi. In-  
venta autem notione, cum voce conjungenda,  
dicimur intelligere (§ 21).

SCHOLION I.

§. 152. Non equidem ignoro, in significatione  
vocabulorum genuina eruenda, ad usum potius, vocabulo-  
quem penes arbitrium est & vis & norma rum signifi-  
loquendi, catu inve-  
niente ad  
teste Horatio de Arte Poet. u. 72., quam ad de-  
rivationem esse attendendum, quia non raro solet  
accidere, ut a derivatione diversus significatus ciendum sit?

## 54 Meditatio Philosophico-Critica

obtineat per loquendi usum. Attamen & hoc mihi concedendum esse arbitror, in vocabulis tam raro occurrentibus, ut ex usu loquendi vera significatio nequeat cognosci, ad derivationem & significatum radicis aque ac aliarum vocum cognatarum consugiendum esse. Nihil enim tunc aliud, ex quo significatus eruatur, restat. Exemplo potest esse vox *Εἰςωτος*, qua Christus panem, a Deo in oratione Dominica exorandum, denominavit, Matth. VI, 11; Luc. XI, 3. Hæc enim dum nec alibi in S. Codice, nec in scriptoribus profanis occurrit, non potest ejus significatus ex usu loquendi derivari. Nihil igitur S. Scriptura interpretibus restat, nisi ut ex etymologia vocis eruant significationem, quæ quo magis reliquis circumstantiis erit conveniens, eo majori se probabilitate commendabit. Dum igitur hæc vox *Εἰςωτος* ab *Εἰ* super & particip. *semin. ὥρα*, quod est ab *Εἰμι* sum, vel *Εἶμι*, vado, succedo, ad formam vocis *Εἰςωτος*, spontaneus, commode derivari potest, & panis naturalis donis spiritualibus, primario a Deo exorandis, superpondii loco nobis advenire debet vi promissionis Christi Matth. V, 33, non male *Ἀπὸς ἰνῶτος* verti poteris panis supervenientis, vel accessorius.

### SCHOLION II.

Quid juvet vocabulorum cognatio? §. 153. Huc etiam referri debet, quod, dum multarum vocum in Lingua Gallorum & Italorum origo a lingua Latina vocibus pendet, facile lingua Gallica & Italica discantur ab eo, qui Latina gnarus est: Par est Lingua Batavorum & Germanorum ratio.

### COROLLARIUM I.

Perfektio ling.æ postulat crebras vocabulorum cognationes, §. 154. Quia, quidquid facilitatem intelligendi promovet, ei in lingua perfectissima studendum est (§. 111), crebriores etiam vocabulorum cognationes in ea debent obtinere (§. 151).

COROLLARIUM II.

& deriva-  
tiones.

§. 155. Hinc in lingua perfectissima a paucioribus radicibus plura derivativa vocabula debent descendere. ( §. 154, 149 ); ex quo capite Hebraeae linguae prae aliis laus sua non deneganda est. Maxime autem ubi cognatio rerum est, cognatio etiam vocum debet esse ( §. 144 ).

THEOREMA XIX.

§. 156. Inter singula verba in lingua perfectissima, si scribendo adhibeatur; spatium est relinquendum.

Perfectio  
linguae po-  
stulat distin-  
ctionem vo-  
cabulorum.

DEMONSTRATIO.

Quidquid facilitatem intelligendi promoveret, ei in lingua perfectissima est studendum ( §. 111 ). Sed facilitas intelligendi adprime promovetur, si inter singula verba spatium relinquatur; quia alias & non sine tardio verba a se invicem distinguuntur, & interdum potest fieri, ut duo verba habeantur pro uno, adeoque plane dispar & a mente scribentis alienus sensus prodeat. Hinc in lingua perfectissima ita scribendum est, ut inter singula vocabula spatium relinquatur.

SCHOLION.

§. 157. Quantum intersit perspicuitatis causa, Exempla ut inter singula verba spatium relinquatur; ex notabilia. nonnullis versionis LXX Interpretum locis potest cognosci. Nam cum olim Judaei Codicem V. T. in una serie scripserint, non relicto inter vocem & vocem spatiolo, siquidem ipse Buxtorffius se ejusmodi Codicem vetustum possidere, testatus est, & Judaeorum doctores olim lege sanciverunt, ut, si quis Codicem describere vellet, spatium inter vocem & vocem relinqueret: factum est, ut LXX Interpretes interdum duo verba textus Hebraei pro uno habuerint, & hinc geminum non fuerint assequuti sensum. Tale exemplum deprehendimus

### 36 Meditatio Philosophico-Critica

memorable 2 Reg. II, 14, ubi in verbis Elise  
הוא אלהים אלהיו אלהי i. e. Ubi Jehova  
Deus Elie, etiam ille (vel idem, qui Elie ad-  
stitit) ex אלהי fecerunt nomen Dei proprium,  
vertentes: Ποῦ ὁ Θεὸς Ἠλίου, ἀπερ; Similem la-  
psum commiserunt, ne de multis aliis locis di-  
cam, Gen. XXVIII, 19, ubi ex verbis אלהים  
לך & olim Luz erat nomen urbis a principio  
pariter unum nomen proprium καὶ ὀλαμλου fecerunt.  
Sed eadem indistincta scriptio effecit etiam,  
ut interdum conjungenda dividerent. Sic Psalm.  
LXXV 2, pro וקרו בשםך nam prope est no-  
men tuum, ב adsequens vocabulum referendo le-  
gerunt וקרו בשםך vertentes: Καὶ ἐπωνομασθήσε-  
ται ὄνομα σου. Miram etiam divisionem Zeph. 3  
19 in voce כל susceperunt, ב ad praecedens, γ  
ad sequens referendo, dum pro אכל מעניך i.  
e. omnes, qui te affligunt, legerunt למעניך אכל  
vertentes: Ἐρ σοὶ ἐνאני σου. Plura jam addere,  
non est opus.

### DEFINITIO XXXIV.

Signa distin-  
ctionum  
quid?

§. 158. Signa, per quae certa quaedam  
sensus qualitas indicatur legenti, dicuntur  
distinctionum signa.

### SCHOLION I.

Exempla.

§. 159. Talia signa apud nos sunt 1) Pon-  
ctum, per quod sensum plenum & absolutum,  
2) Colon: , per quod eum dimidium, adeoque  
minus plenum, 3) Semicolon; , per quod eum  
dimidio minus plenum, 4) Comma, per quod  
phrasin unam ab altera in eadem periodo, vel  
periodi parte distinguendam esse, 5) Signum  
interrogandi ?, per quod questionem, 6) Si-  
gnum exclamandi !, per quod affectum, excla-  
matione exprimendum, adesse, indicatur.

THEO.



## THEOREMA XX.

§. 160. Signis distinctionum opus est in lingua perfectissima.

Perfectio  
linguae po-  
stulat signa  
distinctio-  
num,

## DEMONSTRATIO.

Quidquid facilitatem intelligendi promovet, ei in lingua perfectissima est studendum (§ 111). Sed signa distinctionum facilitatem intelligendi mirum quantum promovent. Nam per eadem ex ipso signo addito cognoscitur sensus qualitas, utrum ille exclamatorius, an interrogativus, an assertivus sit; & si assertivus, utrum plenus, an minus plenus, utrum vox certa ad phrasin antecedentem, an ad sequentem, referenda sit (§ 158, 159)? Unde facile, quam scribens sibi mente formaverit notionem, cognosci, adeoque ipse facilius intelligi potest (§ 21). Hinc signis distinctionum opus est in lingua perfectissima.

## COROLLARIUM.

§. 161. Et dum distinctiones, vel majores eaque sunt, vel minores, prouti sensus vel magis, versa; vel minus plenus est (§ 159); pro hac diversitate distinctionum diversis etiam signis est opus (§ 160).

## SCHOLION I.

§. 162. Quamvis autem signa distinctionum sunt adhibenda, eaque diversa pro diversitate conditionis sensus (§ 160, 161); non tamen opus est, ut necessario illa signa, quae in nostris linguis recepta sunt & adhiberi solent, adhibeantur. Quomodo enim litterarum signa sunt arbitraria (§ 46, 13); sic idem de distinctionum signis est pronuntiandum. Quod facile inde etiam colligitur, quod in diversis linguis idem ratione rei signum diversimode exprimitur. Sic Germani, Galli, Itali, signum interrogationis ita ?, Graeci ita; solent pingere. Apud nos. apud Syros\* signum sensus pleni est. Et cum nobis deficiat signum,

licet non  
necessario  
nostra.

## 58 Meditatio Philosophico-Critica

gnum, per quod una materia ab altera discernatur, Syri eodem, quod ita \* : pingere solem, sunt instructi; uti ex perfectione N. T. Syriacis est perspicuum.

### SCHOLION II.

Exempla.

§. 163. Quantum ad perspicuitatem ejusmodi faciant signa, ex nonnullis Codicis S. V. T. locis apparet, quæ propter defectum signi interrogandi, seorsim ponendi, quale in Hebræa lingua deficit, sine difficultate non deprehenduntur; licet sensu assertive in interrogativum mutato, omnis difficultas cesset. Ejusmodi exemplum habemus Jel. IX, 2, ubi, si verba: לא הנלתי השמחה assertive accipias, hic prodit sensus: Multiplicasti populum (fidelium) & non magnum fecisti gaudium; gaudebunt coram facie tua &c. Qui cum non satis coherere videatur sensus, alii ad פ"ל confugiant, ut sensus sit: & ipsi magnum fecisti gaudium. Sed omnis difficultas cessat, si verba dicta accipiantur per interrogativum modum: Multiplicasti gentem fidelium, & nonne (ita) magnum fecisti gaudium? Gaudebunt coram facie tua, cetera. Similem locum deprehendimus Ex. VI, 3. Nam cum Abrahamus jam usus fuerit nomine Dei proprio Jehova, Gen. XXII, 14; quin etiam ipsa Eva, Gen. IV, 1, non adparet, qui Deus Mosi dicere potuerit: ושמך יהוה לא נודעת לי להם & nomen meum Jehova non patefeci illis; quæ difficultas cessat, si interrogative: & nonne nomen meum Jehova etiam illis patefeci? vertatur.

### SCHOLION III.

Exempla  
alia alio-  
rum ca-  
sum.

§. 164. Nec ignota res est, ut pro diversitate signi distinctionis plane diversus oriatur sensus. Tale exemplum reperimus, Rom. IX, 5, ubi si post verba καὶ αὐτῶν ponatur comma, sequentia se referunt ad Christum, adeoque excellentissimum divinitatis Christi testimonium in hoc effato Paulino deprehendimus. Quod si vero ibi punctum ponatur, verborum sequentium is tantum sen-

## De Perfectione Linguae. 59

sensus est, quod ille, qui Deus est super omnia, benedictus in secula esse debeat, nec quidquam de divinitate Christi ibi reperitur. Sed priorem lectionem luculenter satis defendi in Mylterio SS. Trinitatis revelat. §. 37, n. 4. Nec est silentio involuendum, pro diversitate loci, qui distinctionis signo datur, diversum saepe oriri sensum. Memorabile ejusmodi exemplum deprehendimus

Gen. XLIX, 10. Hic si <sup>^</sup> ponatur, uti Judei volunt, ad vocem <sup>וְיָ</sup>, hic prodit sensus: Non recedet Sceptrum a Juda, & Legislator ex semine ejus natus in aeternum, quando veniet Schiloh; adeoque Messiam jam venisse ex hoc loco probari nequit; quod potest inde probari, si

<sup>^</sup> ut in codicibus nostris est, ad vocem <sup>וְיָ</sup> sit positus. Tunc enim hic sensus est: Non recedet Sceptrum a Juda & Legislator ex semine ejus natus, donec veniat Schiloh.

### SCHOLION IV.

§. 165. Potest etiam ex superioribus colligi, an in distinctionum signis exprimentis antiquitas necessario sit imitanda? Nempe cum perspicuitas scribendi praeferenda sit mori antiquitatis, siquidem longe majorem usum praestet, scribere perspicue, quam cum aliis, religioni non ducendum esse arbitramur, si cum ratione a modo scribendi veterum discedamus. Sic quamvis veteres in fine sermonis non posuerint punctum, nihil tamen, quin eodem utamur obstat, ut nihil in sermone deficere, sed plenum & absolutum esse indicemus. Pariter licet veteres libros suos non in capita dividerint, nobis tamen id licet majoris perspicuitatis causa.

An antiquitas necessario in distinctionum ligais sequentia?

### EXPERIENTIA III.

§. 166. Non raro accidere videas, ut in una eademque sententia sensus ambiguitas inde oriatur, quod vocabulum quoddam tam ad antecedentia, quam ad sequentia, vel in antecedentibus

Diversa vocabuli ad reliqua relatio saepe parit sensus diversitatem

## 60 *Meditatio Philosophico-Critica*

bus tam ad remotius, quam ad propius possit referri. Sic si in vernacula nostra dicam ex Joh. XVII, 3. *Got der Vater ist allein wahrer Got*, Deus Pater est solus verus Deus, ambiguitas sensus in hac propositione latet, quia utrum particula *allein*, *solus* ad subjectum, an ad prædicatum referenda sit, est dubium, & illa tam hunc sensum, *quod Pater, exclusis omnibus aliis, Deus sit*, quam hunc, *quod Pater sit Deus & nihil aliud*, u. g. homo, potest generare. Vide quæ de hoc loco a nobis dicta in Mysterio S. S. Trinit. revel. § 30, Schol. 1. Par ratio est, si dicam: *loquor bonum in corde meo*. Hæc enim propositio tam ita: *loquor bonum, quod in corde meo est*, quam ita: *loquor in corde meo id, quod bonum est*, potest intelligi.

### THEOREMA XXI.

Perfectio  
linguæ signa  
diversa, ad  
diversam  
vocum re-  
lationem  
indican-  
dam, posu-  
lar.

§. 167. In lingua perfectissima, si scribendo adhibeatur, de quolibet vocabulo per additum certum signum indicandum est, utrum ad præcedentia, vel ad sequentia, & pariter, utrum ad remotius, vel ad propius referendum sit.

### DEMONSTRATIO.

Quidquid ad summam intelligendi facilitatem facit, ei in lingua perfectissima est studendum (§ 111). Cum igitur facilitas intelligenti admodum hoc ipso promoveatur, si de quolibet voce indicetur per certum aliquod signum adjectum, utrum ad præcedentia, an ad sequentia, & si ad præcedentia, utrum ad proxime, an ad remotius præcedens referenda sit; siquidem defectus ejusmodi signorum non raro sensus ambiguitatem parit (§ 166), in lingua perfectissima ejusmodi signis, singulis vocibus adijciendis, opera est danda.

# De Perfectione Linguae. 61

## COROLLARIUM I.

§. 168. Signa igitur ejusmodi, utpote eorum tam sensus qualitatem indicantia, erunt species signorum distinctionum (§ 167, 158).

## COROLLARIUM II.

§. 169. Hinc tam figura, qua illa signa pingenda sunt, quam nomina, quibus exprimenda & denotanda, ab arbitrio hominum pendebunt (§ 168, 162).

## SCHOLION I.

§. 170. Quia autem aliis etiam distinctionum signis, qua puncti, coli, semicoli, commatis valorem habeant, in lingua perfectissima opus est (§ 159 seqq.); consecutio vel series certa ejusmodi signorum, quibus in tota periodo distinctiones majores pariter ac minores, ut & conjunctiones vocum indicentur, formari, vel consilui potest ita, ut in eadem utraque species signorum, de quibus dictum (§ 160, 167), contineatur.

## SCHOLION II.

§. 171. Luculentissimum hujus rei exemplum nobis praebeat Accentus in Lingua Hebraea. Hi enim dum non solum distinctiones sensuum majores & minores per imperatores, reges, duces, sed conjunctiones singularum vocum etiam cum consequentibus per servos actu sales (interdum enim & conjunctivi accentus distinguunt, habita ratione dominorum, & prouti sunt vel vicarii, vel legasi,) indicant, ad sensum Scriptoris facti in Codice V. T. exactissime inveniendum ita facientes, memorabili perfectionis Lingua Hebraea documento sunt. Sic Gen. II, 19, ex consecutione Accentuum evidenter patet, Deum non bestias agri tantum, sed aves cali etiam ex terra creasse, quod in versione LXX. vitiorum minus est evidens, dum in phrasibus: *Και ἐπλάσθη ὁ Θεὸς ἐκ τῆς γῆς πνεῦμα καὶ ζωὴν ἐνέσφησε ἐν τῇ γῇ, καὶ πάντα τὰ πνεῦμα καὶ ζωὴν ἐνέσφησε ἐν τῇ γῇ, καὶ πάντα τὰ πνεῦμα καὶ ζωὴν ἐνέσφησε ἐν τῇ γῇ* vocabula ex *τῆς γῆς*, ex terra, ad sola bruta terrestria, avibus exclusis, sine sensus inconvenientia trahi

Talia signa sunt species signorum distinctionis, & hinc arbitrarie.

Exemplo sunt Accentus Hebraeorum,

## 62 Meditatio Philosophico-Critica

trahi posset. Et sane si curate summum Accentuationis Hebraica artificium perpendimus, quale in nulla, vel paucis aliis linguis deprehenditur, ingenii divini, aut maximi humani res videtur esse.

### SCHOLION III.

quorum divina origo in S. Codice defenditur.

§. 172. Fac autem, accentuationem Hebraicam in se inventum humanum esse, non tamen inde, accentus in S. Codice non ab ipsis Viris inspiratis profectos, sed ab aliena manu additos esse, sequitur. Non enim argumenta, qua contra divinam Accentuum in S. Codice originem opponuntur, debita soliditate gaudent, dum, qua illis reponantur, non deficiunt. Opponunt

1. Scriptum fuisse olim sine distinctione vocum; prouti Buxtorffius testatur, se possidere partem Bibliorum ita descriptam, & idem colligi potest, cum ex D. Hieronymi praefationibus ad Iosueam, Iesaiam, & Ezechielem, tum ex versione LXX, qui saepe voces separandas junxerunt & contra (§ 157), denique ex lege sequiori ætate ab Hebraeis lata, ut si quis vellet in posterum describere Codicem Hebraicum, spatium inter vocem & vocem, instar unius litteræ, relinquat. Cum vero Accentus distinctivi distinguant, v. g. Silluk cum Soph Pasuk, Segolta, Sakephkaton ceteri, Accentus olim Codici S. non additos fuisse, concludunt. Non autem sequitur hoc argumentum. Non enim Accentus distinctivi verba textus, qua verba, debent distinguere, i. e. ita ut spatium inter verba relinquatur consignata, quia alias Accentus conjunctivos verba textus, qua verba, conjungere debere, adeoque inter verba, Accentibus conjunctivis instructa, spatium relinquendum non esse, sequeretur, quod oppido inconveniens est; sed qua sensum, ut utrum vox qua sensum ad antecedentia vel ad sequentia referenda sit, per eosdem indicetur. Hac autem vocum qua sensum distinctio, verbis licet non cum distinctione sed in una serie

con-

De Po

signatis, saltem  
non distinctivis  
Sola Hebraei  
in consignatis  
us, singulis vocibus  
in vocem diversam  
non Hebraei lute  
nec verborum C  
m, an hæc in  
verba a se invice  
tate. Nec ex eo  
ab Accentibus  
recentiori  
tum enim potest  
nec, locis, abu  
verba recedit, m  
m, ut adeo  
distante nolimus  
in assequi; ut  
nem vocalium  
tamen nolun  
2. Opponunt  
sile efficeret  
Bibliorum  
non raro  
Prædicatum  
siquid human  
At vero, cur  
mentum origine  
mentum adparet  
et iterum pr  
ne, vel propter  
tate, si adduc  
affine.  
3. Ubi nota  
to accommoda  
orem in textu  
nales non su  
um Accentua  
Sed ut taceat

consignatis, salva manet, & hinc etiam per Accentus distinctivos potuit indicari. Quin potius si Codex Hebraeus olim sine spatio inter voces relicto consignatus fuit, eo magis opus fuit Accentibus, singulis vocibus addendis, ut ex Accentu addito vocem diversam esse cognosceretur. Quamvis enim Hebraei litteras finales, terminationes personales verborum & nominum habuerint, merito tamen, an hæc in omnibus casibus suffecerint, ad voces a se invicem distinguendas, dubitandum videtur. Nec ex eo, quod versio LXX interpretum sæpe ab Accentibus Hebraei textus recedat, concludi potest, recentiori ætate demum eos additos fuisse. Fieri enim potest, ut in illis Codicum; quibus usi sunt, locis, ubi versio Græca ab Accentibus Hebraeis recedit, minus curate distincteque positi fuerint, ut adeo, si vel maxime de diligentia eorum dubitare nolumus, non potuerint tamen omnia satis assequi; ut taceam, ex eodem principio novitatem vocalium etiam afferendam esse, quod multi tamen nolunt dissentientium.

2. Opponunt, non ubivis Silluk cum Soph Pasuk efficere distinctionem absolutam, nec versus Bibliorum accurate per Accentus distingui, dum non raro in uno versu Subjectum, in altero Prædicatum deprehendatur; id quod sapiat aliquid humani.

At vero, cur id, si verum est, divinam Accentuum originem in S. Scriptura tollere debeat, nondum adparet. Deus enim vel emphaseos gratia, vel interdum propter evitandos versus nimis longos, vel propter alias rationes in casibus singularibus, si adducantur, investigandas, ita potuit inspirare.

3. Ubi nota adest masorethica, ibi Accentuatio accommodatur ad litteras, in margine, non autem in textu positas. Sed annotationes marginales non sunt a Deo inspiratæ. E. nec earum Accentuatio.

Sed ut taceam, omnium notarum marginalium

## 64 Meditatio Philosophico-Critica

originem meriti humanam nondum in solis mensa positam esse, dum nec eorum sententia, qui multas ex lectionibus Codicum vetustiorum variantibus forsari, Judaeis utramque lectionem conservare volentibus, ortum traxisse putant, omni probabilitate caret: accidit sapissime, ut Accentus lectionis in textu *Q* in margine posita, hoc est *no Kri Q* Chhibb coincidant. Et si fiat forte, ut Accentus in textu positus non ad Chhibb, sed potius ad Kri quadret, Kri autem illud non ex inspiratione sit; id tantum sequitur, Accentum hujus verbi non esse ex inspiratione; unde ad totam Accentuationem Biblicam concludere, est a particulari argumentari, Taceo, *xet' avdporov* idem argumentum, mutatis mutandis, contra inspirationem vocalium, quae tamen a pluribus conceditur, urgere posse.

4. Duplicatio accentuum in Decalogo duplicem respicit Decalogi modulationem, unam Sabbathicam, alteram praeceptorum tempore solennium Pentecostalium in memoriam legis late adhibendam. Haec modulandi consuetudo autem est a Judaeis recentioribus excogitata.

Fac autem, Accentuationem praeceptorum a Judaeis recentioribus esse excogitatam *Q* additam, nihil tamen obstat, quin Accentuatio versuum sit a Mose addita. Sed utraque etiam Accentuatio potest a Mose addita esse ita, ut una esset versuum pro serie contextus sui, altera praeceptorum, quam in talibus lapideis a Deo scriptis habuerunt. Cum igitur Accentus in Codice S. Hebraeo recentius additus esse solide probari nequeat, mutatio autem, qualis haec esset, si S. Codex olim sine Accentibus, deinde illis ornatus *Q* instructus fuerit, non praesumenda, sed probanda sit; Accentus illos potius semper ibi adfuisse, adeoque ab ipsis Viris inspiratis esse profectos, credendum est. Sed haec obiter.



EXPERIENTIA IV.

§. 173. Potest interdum accidere, ut ex di- Ambiguitas  
versa vocis suppositione oriatur Sensus Ambigui- saepe oritur  
tas. Sic in propositione: *Vox tantum sonum ha-* ex supposi-  
*bet*, pro suppositione materiali vel formali vo- tione vocis  
cis: *tantum*, plane diversi oriuntur sensus. Pa- diversa.  
riter dum eadem vox, v.g. *וַיְהִי* in lingua He-  
braea, jam in sensu appellativo, jam in proprio  
sumi potest coll. Hof. VI, 7, pro diversitate ac-  
ceptionis plane diversi sensus oriri possunt, ad-  
eoque latet ambiguitas.

THEOREMA XXII.

§. 174. In Lingua perfectissima utilissi- Perfectio  
mum est, si eadem litteræ diversis signis linguæ po-  
pingi possint. stulat diver-  
sum unius  
litteræ pin-  
gendi mo-  
dum.

DEMONSTRATIO.

Si eadem litteræ diversis figuris pingi pos-  
sunt, ope diversitatis picturæ earum diversitas  
suppositionis vocabuli potest indicari, utrum e.g.  
*formaliter*, an *materialiter*, *proprie*, vel *appella-*  
*tive*, accipiendum sit; unde alias sensus ambi-  
guitas potest oriri (§ 173). Cum autem quid-  
quid ad summam perspicuitatem facit, ei in lin-  
gua perfectissima studendum sit (§ 111); di-  
versitas signorum, quibus litteræ eadem pingan-  
tur, in lingua perfectissima erit utilissima.

SCHOLION.

§. 175. In Lingua Latina aliisque Occidenta- Exemplum,  
libus ejus rei exemplum deprehendimus, dum ma-  
jusculis aque ac minusculis litteris, prouti per-  
spicuitas sensus, vel aliæ rationes postulant, ea-  
dem vox potest designari.

## THEOREMA XXIII.

Perfectio linguarum postulat commoditatem & brevitatem. §. 176. Quidquid ad brevitatem ac commoditatem in loquendo & scribendo facit, ei, quantum potest fieri, in Lingua perfectissima est studendum.

## DEMONSTRATIO.

Quo facilius breviusque & minori cum molestia finis obtinetur per medium; eo illud est perfectius (§ 107). Cum igitur lingua sit medium ad hoc, ut nos invicem intelligamus (§ 109): quo brevius commodiusque in loquendo & scribendo mentem nostram exprimere possumus; eo perfectior erit lingua. Ut igitur Lingua sit perfectissima, ei, quod maxime ad brevitatem & commoditatem in loquendo & scribendo facit, erit opera danda, quoad fieri potest.

Idem inde cognosci potest, quod Canone trito, per plura fieri non debere, quod per pauciora obtineri potest, recte dicitur. Mediis enim prolixioribus effectui dare, quod paucioribus acque bene poterat, sapientiæ repugnat.

## DEFINITIO XXXV.

Quid Syllaba, Vox monosyllabica & polysyllabica? §. 177. Sonus, vel sola vocali, vel diphthongo sola, vel adjectis simul consonantibus una pluribusve constans, dicitur *Syllaba*. Vocabulum unica syllaba constans, dicitur *Monosyllabicum*; pluribus autem constans *Polysyllabicum*.

## THEOREMA XXIV.

Perfectio linguarum excludit voca- §. 178. A vocabulis nimis polysyllabici in lingua perfectissima abstinendum est.

## DEMONSTRATIO.

Quidquid brevitati & commoditati in loquen-  
do & scribendo obest, ab illo in Lingua per-  
fectissima est abstinendum (§ 176). Sed voca-  
bula nimis polysyllabica & brevitati & com-  
moditati in loquendo & scribendo adversantur;  
dum nemo potest dubitare, vocabulum brevius  
facilius commodiusque pronunciari & litteris  
consignari posse, quam longius; uti e. g. *Con-*  
*stantinopolis*, difficilius dicitur & scribitur, quam  
*Stambul*, quo nomine Turce eandem urbem de-  
notant. Hinc a vocabulis nimis polysyllabicis  
est in lingua perfectissima abstinendum.

bula nimis  
polysylla-  
bica,

## COROLLARIUM.

§. 179. Vocabula igitur in Lingua perfectis-  
sima debent esse tam brevina, ac fieri potest  
(§ 178).

& postulat  
brevis.

## SCHOLION I.

§. 180. Dico: ac potest fieri. Nam cum qua-  
libet res nomine peculiari denotanda sit (§ 112);  
sequitur, ut, si ex nimia vocabulorum brevitate  
confusio oriretur, ut res diverse eodem nomine ef-  
sent denotanda, ab illa brevitate abstinendum sit.  
Dabimus etiam in sequentibus rationem aliam,  
cur non omnia vocabula nimis brevina esse de-  
beant.

Monitum.

## SCHOLION II.

§. 181. In hoc aliis linguis palmam præcipi Exemplum.  
Hebraea, dum in ea quælibet radix ordinarie tri-  
bus tantum constat litteris radicalibus, duabus-  
que syllabis, nec multa nimis longa vocabula in  
illaprehendantur, quod fecus se habet in  
Chaldaea.

# 68 Meditatio Philosophico-Critica

## DEFINITIO XXXVI.

Quid vocabulum compositum & simplex?

§. 182. *Vocabulum compositum* dicitur, cui plures notiones simul sumendæ respondent: e. g. *Θαυδπατος*; cui non, *simplex* e. g. *Θις*, *αυδπατος*.

## SCHOLION.

Differentia vocabuli compositi ab æquivoco.

§. 183. *Studiose dico*: Plures notiones simul sumendæ, ut *vocabulum compositum* ab *æquivoco* distinguatur. Nam *vocabulo æquivoco* etiam plures notiones respondent quidem (§ 113), sed non illa simul in eadem verborum syntaxi sumenda sunt, dum illa potius, quæ conveniens est illi, reliquis est preferenda.

## THEOREMA XXV.

Perfectio linguæ postulat vocabulorum contractionem.

§. 184. In Lingua perfectissima vocabula simpliciora, quoad fieri potest, in unum sunt contrahenda.

## DEMONSTRATIO.

Contractio vocabulorum plurium in unum facit ad breviteratem commoditatemque in loquendo pariter ac scribendo, dum unum vocabulum brevius faciliusque, quam plura, efferri posse, dubitari nequit. Cum autem brevitati ac commoditati in loquendo & scribendo in Lingua perfectissima sit studendum (§ 176), in eadem vocabula simpliciora, quoad potest fieri, in unum sunt contrahenda.

## SCHOLION I.

Monitum.

§. 185. *Dico*: quoad fieri potest. Nam si ex contractione vocum simpliciorum orirentur vocabula nimis longa, vitio id esset vertendum, tanquam obstat commoditati (§ 176).

## SCHOLION II.

Exemplum.

§. 186. In hoc quoque singulare quid in lingua Hebræa aliisque cognatis præ Occidentalibusprehendimus, dum Hebræi 1) Pronomina ipsis nominibus in fine adiiciunt, 2) Præpositiones cum principio nominis vel verbi solent conjungere; unde

## De Perfectione Linguae. 69

de fit sape, ut, quod in aliis linguis tribus vocabulis exprimendum est, illi exprimant unico. Quo pertinet etiam, quod ipsas conjunctiones cum nominibus vel verbis in unum vocabulum soleant contrahere.

### COROLLARIUM.

§. 187. Dum in in lingua perfectissima vocabula simpliciora, quoad fieri potest, in unum contrahenda sunt (§ 184); in eadem etiam pluribus vocabulis compositis opera danda est (§ 182).

Perfectio  
postulat vo-  
cabula com-  
posita.

### SCHOLION I.

§. 188. In hoc lingua Graeca, compositorum verborum fertilissima, pra multis excellit aliis, dum c. g. *Σταδρῶπος*, *φιλοσοφία*, *Θεολογία*, bene & concinne dicitur. Morem ejus imitatur vernacula nostra, quando c. g. *Gottesgelahrtheit*, *Weltweisheit*, *Herzenstreund* *Geldstraffe*, cetera dicere solemus.

Exempla.

### SCHOLION II.

§. 189. Potest huc etiam referri, si nomini vel verbo praenitur particula certa, ad significatum vel intendendum, vel imminuendum, vel significatui aliquid addendum. Qualia verba in Graeca, Latina & vernacula nostra deprehendimus, c. g. *Ἀνομία*, *Ἀδύς*, *πρῶτος*, *subtilis*, *revoco*, *contravenio*, *Aufgehen*, *Heimkommen*, *untadelhaft*, cetera.

Casus alius.

### SCHOLION III.

§. 190. Facile autem patet, cum vocabula propter compositionem multiplicatam nimis longa pronuntiatio difficilia sint, ab illis esse abstinendum (§ 176).

Monitum.

### THEOREMA XXVII.

§. 191. Si potest fieri, ut uno vocabulo non notio primaria tantum, sed accessoria ingrediens simul denotetur, illud est faciendum.

Notio prima-  
ria & ac-  
cessoria uno  
vocabulo  
exprimen-  
da.

DEMONSTRATIO.

Nemo non perspicit, si uno vocabulo non notio primaria tantum, sed accessoriz ingredients simul denotentur, brevitatem loquendi scribendique mirum quantum hac ratione promoveri. Hinc, quia isti in lingua perfectissima studendum est (§ 176), id quod dictum est, etiam, si fieri potest, est faciendum.

SCHOLIION.

### Exempla .

§. 192. In Latina aliisque linguis huc pertinet, 1) quod nomen adjectivum in comparativum & superlativum flecti queat, utpote quo gradus diversus notionem primariam ingrediens, connotatur. 2. Quod ex nominibus substantivis soleant formari diminutiva, utpote quibus & notio primaria & parvitas vel exiguitas rei indicatur, e. g. ex Pagina pagella, quæ parvâ paginam, ex Circulo circellus, qui exiguum Circulum denotat. Memorabile hujus rei exemplum præbent etiam Conjugationes in Lingua Hebræa, dum Conjugatio Kâth actum simplicem, Piel actum cum industria & studio susceptum, Hiphil actum transitivum jussionis vel permissionis, vel declarationis, Hithpaël denique actum reflexum ad se ipsum denotat, uti apud hujus lingue cultores in confesso est.

THEOREMA XXVIII.

§. 193. In verbis linguæ perfectissimæ  
vocales consonantibus crebro debent esse  
permixtæ.

### DEMONSTRATIO.

Si solæ continuæ vocales, non intercedentibus consonantibus, pronunciari debeant, non id fit, teste experientia, sine difficultate & molestia propter continuam gutturis agitationem. E contrario solæ consonantes sine vocalibus nequidem pronunciari possunt (§ 13); nimis autem cumulate pariter difficilem reddunt pronunciationem. Quia autem in lingua perfectissima com-

Perfectio  
linguz po-  
stulat cre-  
briorem vo-  
calium &  
consonan-  
tium per-  
mixtionem.

mo-

## De Perfectione Linguae. 71

moditati in loquendo studendum est (§ 176); sequitur, in eadem vocales consonantibus crebro esse intermiscendas.

### SCHOLION.

§. 194. *Vitio consonantium nimis cumularum Exemplum.*  
laborare linguam Polonorum, non ignotum est. E contrario in lingua Hebraea, ubi plures consonantes concurrunt, & pronuntiatio dura videri posset, deficiente vocali vera, substituunt spuriam, h. e. Scheva, idque vel simplex, vel pro re nata compositum.

### DEFINITIO XXXVII.

§. 195. *Consonans dicitur pronuntiatio facilis, si sine nimia organorum loquelæ distortionem potest exprimi.* Quando Consonans pronuntiatio facilis?

### THEOREMA XXIX.

§. 196. In Lingua perfectissima Consonantes debent esse pronuntiatio faciles. Perfectio linguae requirit Consonantes pronuntiatio faciles.

### DEMONSTRATIO.

In Lingua perfectissima commoditati in pronunciando est consulendum (§ 176). Cum vere Consonantes, quæ pronuntiatio faciles sunt, sine nimia organorum loquelæ distortionem exprimi possint (§ 195), adeoque illi in loquendo commoditati conformes sint: in Lingua perfectissima consonantes pronuntiatio faciles debent adesse.

### SCHOLION I.

§. 197. *Equidem negandum non est, Consonantes etiam in se pronuntiatio difficiles, per usum loquendi crebriorem reddi faciliores. Sic pronuntiatio Anglica m th, Germanis insolens, usu & exercitatione redditur facilior. At tamen nonnullas consonantes pro diversitate linguarum aliis in se pronuntiatio difficiliore esse, teste experientia, negari nequit.* Monitum.

## 72 *Meditatio Philosophico-Critica* SCHOLION II.

Monita alia  
de brevita-  
te & com-  
moditate.

§. 198. Denique ad brevitatem commoditatem-  
que scribendi in lingua perfectissima etiam refer-  
ri potest, 1) ut præter litteras, quibus res desi-  
gnentur, etiam compendii causa adsint signa alia,  
ad res denotandas apta, qualia in Arithmetica  
sunt Cyphrae 1, 2, 3 cetera, in Astronomia ☉ ☿  
reliquis, de quibus supra jam actum est (§ 45)  
Quæ quidem signa eo erunt perfectiora, quo me-  
lius essentiam rei denotata expriment (§ 86 seqq.).  
Pertinent huic etiam abbreviati scribendi modi,  
quibus totum vocabulum, vel syllaba, littera uni-  
ca exprimitur, qui, cum Tachygraphiam ac-  
modum promoveant (§ 45), si universali con-  
sensu recipiantur, nec ulla inde sensus ambigui-  
tas vel obscuritas oriatur, laudandi & adpro-  
bandi (§ 176); si minus, propter ipsam inde or-  
tam sensus obscuritatem potius reiiciendi sunt  
(§ 111). Unde potest intelligi, sapienter Justinia-  
num Imperatorem de conceptione digg. ad Tribon.  
§ 13, de confirmat. digg. § 22, it. de emenda-  
Codicis § 5, sub pœna sanxisse, ne, notis seu  
signis quibusdam, quæ siglas vocant, & com-  
pendiosis anigmatibus, qui libros corporis Iuris  
Justiniani describere vellent, uterentur. Bene  
eum previdit fore, ut inde varia antinomia &  
sensus legum dubii orirentur, qui omnibus tametsi  
obscuritatibus carere debent. Varia etiam vitii  
versioni LXX ex scriptura compendiarie, a scri-  
bis non satis intellecta & hinc in sinistrum ver-  
sa, irrepisse, notavit M. Geret in Dissert. 2 de  
Causis discrepantiarum Versionis LXX a textu  
originali p. 9. 2) Ne scribantur littera super-  
flue, i. e. quæ in pronuntiatione omittuntur; quo  
vitio nimis laborare linguam Gallorum pervulga-  
tum est. 3) Vitio etiam vitendum videtur esse,  
si eadem littera in diversis vocibus diversa pro-  
nuntiatione gaudeant, quod in lingua Anglica de-  
prehenditur. Deficit enim consensus debitus, i. e.  
perfectio.

THEO-

§. 199  
bere det  
tatis, cu

Quia p  
xii nostra  
§ 108, si  
derent e  
quod nob  
lum atque  
fere nostr  
do, abili  
ne, rela  
linam li  
tate au

§. 20  
tabula  
ysylla

In L  
tuentis  
§ 176,  
nossyllab  
& loque  
omur,  
tur, loq  
experien  
semper  
in ling  
nossyllab  
labenda

§. 2  
uat ac  
to &  
uri C



THEOREMA XXX.

§. 199. Lingua perfectissima ita se habere debet, ut, abstrahendo a rebus denotatis, cum jucunditate audiatur.

Perfectio linguae requirit, ut cum jucunditate audiatur.

DEMONSTRATIO.

Quia per linguam, ore prolaram, cogitationes nostras cum audiente communicare volumus (§ 108, 21), in perfectione linguae diiudicanda ad audientem etiam est respiciendum, Sed dum quidquid nobis tedium creat, id nos vocamus malum atque imperfectum, quia non consentit cum fine nostro (§ 105), lingua etiam, quae cum tædio, abstrahendo licet a rebus significatis, auditur, relative est imperfecta. Hinc ad perfectissimam linguam requiritur, ut in se cum jucunditate audiatur.

THEOREMA XXXI.

§. 200. In Lingua perfectissima nec vocabula mera monosyllabica, nec mera polysyllabica debent esse.

Hinc respicitur vocabula mera monosyllabica & mera polysyllabica.

DEMONSTRATIO.

In Lingua perfectissima & commoditati loquentis & jucunditati audientis est consulendum [§ 176, 199]. At vero vocabula vel mera monosyllabica, vel mera polysyllabica cumulari, & loquentis commoditati, quod experientia docemur, & audientis jucunditati admodum obstat, siquidem, quod ad posterius attinet, teste experientia, varietate animus delectari, & hinc semper sibi homogenea ægre ferre soleat. Hinc in lingua perfectissima vocabula nec mera monosyllabica, nec mera polysyllabica sunt adhibenda.

SCHOLION.

§. 201. Sic e. g. quis cum radio non pronunciat ac audit hos duos versus sequentes, qui salvo & metro & sensu 39916800 vicibus combinari & variari possunt:

Exempla.

Lex,

## 74 Meditatio Philosophico-Critica

Lex, rex, grex, res, spes, rus, thus,  
sal, lol, (bona) lux, laus,  
Mars, mors, fors, fraus, sex, styx, nex,  
crux, pus, (mala) vis, lis?

*Simile fere exemplum præbet versus Ebelii, qui  
645120 vicibus variari potest:*

Dux mihi tu, mihi tu lux, tu lex, Jesule, tu rex,  
Jesu, tu pax, tu fax mihi, tu mihi vox.

*Ubi maxime in priori exempto tedium non potest  
non ex cumulatis nimis monosyllabicis vocabulis  
& variationis defectu pendere; quemadmodum et-  
iam crebra abruptio soni in pronuntiatione diffi-  
cultatem parit. Pariter non sine aliquo tedio au-  
diuntur atque pronuntiantur v.g. hæc verba: Con-  
stantinopolitanis Imperatoribus interterminalibus  
felicitatibus fruendum est; propter vocabula me-  
ra polysyllabica.*

### COROLLARIUM.

Eademque §. 202. In Lingua igitur perfectissima voca-  
bula mono- & polysyllabica sunt permiscenda  
(§ 200). Ita enim propter varietatem tedium  
avertitur.

### SCHOLION.

Exempla. §. 203. Hanc perfectionem in omnibus, vel  
plerisque saltem linguis orientalibus aque ac oc-  
cidentalibus deprehendimus.

### DEFINITIO XXXVIII.

Tonus  
quid? §. 204. Intensionem soni unius syllabæ  
vel verbi præ reliquis vehementiorem di-  
cimus hoc loco *Tonum*.

### SCHOLION I.

Exemplum. §. 205. Sic e.g. in voce Germanica: Gebet,  
tonus vel est in ultima, vel in penultima sylla-  
ba, prout in latina lingua vel precationem,  
vel dare, denotat, quia pro hac diversitate sup-  
positionis vel ultime, vel penultima syllabæ so-  
nus intenditur.

SCHO-

# De Perfectione Linguae. 75

## SCHOLION II.

§. 206. Tonus autem per intensiorem soni vehementiorem definitur, non mirabitur, quisquis pendet naturam intensi, quod in illo partes non extra, sed intra se invicem contenta h. e. gradus diversi, quorum superior inferiores includit, deprehendantur ita, ut usque ad ultimum gradum eius ejusdem essentia maneat; de quo subtilius in Dissert. de Gradatione virtutum naturalium § 4 disputavi. In sono autem, Et sic etiam in tono, prouti motus aeris tremulus vel vehementior, vel remissior est (§ 6), diversos gradus deprehendi, experientia est conforme.

Cur per intensiorem  
tensionem  
definiatur?

## THEOREMA XXXII.

§. 207. In Lingua perfectissima Tono est studendum.

Perfectio  
linguae ex-  
igit varia-  
tionem  
toni.

## DEMONSTRATIO.

Variatio soni ratione intensiōis tam syllabarum in voce qualibet, quam integrarum vocum facit ad jucunditatem audiendi, quia varietas animi delectare solet. Quia igitur quidquid ad jucunditatem audiendi facit, et in lingua perfectissima studendum est (§ 199), variationi soni opera est danda ratione intensiōis ejusdem. Tono igitur est in Lingua perfectissima studendum (§ 204).

## DEFINITIO XXXIX.

§. 208. Intensio soni omnium syllabarum & vocum æqualis dicitur *monotonia*, quid?

Monotonia

## COROLLARIUM I.

§. 209. In monotonia igitur nullus adest tonus, quia intensio soni unus syllabæ vel vocis illa tonus; præ reliquis vehementior ab illa abest (§ 208, 204).

Deficit in  
tonus  
monotonia

## COROLLARIUM II.

§. 210. Unde prono sequitur alveo, in lingua perfectissima maxime in loquendo a monotonia esse abstinendum (§ 207, 209).

unde e lin-  
gua perfe-  
cta exulare  
debet.

## SCHO.

## 76 Meditatio Philosophico-Critica SCHOLION.

**Consensus.** §. 211. Scilicet quanto radio monotonia mentem afficere soleat audientis, exemplo Oratorum Ecclesiasticorum interdum docentur auditores; Optime Quintilianus l. II, 3 in pronunciando vitandam esse ait unam quandam spiritus ac soni intentionem, quæ Græce *μωτορία* vocatur.

### DEFINITIO XXXX.

**Accentus quid?** §. 212. Signum Toni vocamus hoc loco *Accentum*.

### SCHOLION I.

**Differentia inter Tonum & Accentum.** §. 213. Scilicet inter Tonum & Accentum hoc jam putamus interesse, quod tonus sit ipsa syllaba vocalive præ reliquis elevatio, qua loquendo ac pronunciando fit; Accentum autem dicimus signum, vocabulo adjectum, quo in qua syllaba tonus ponendus sit, indicatur.

### SCHOLION II.

**Definitio illa usui loquendi est conveniens.** §. 214. Nec ab usu loquendi hæc nostra definitio recedit, nisi quod in lingua Hebræa Accentus vocibus adjecti, non tam elevationis & depressionis soni syllabarum, quam conjunctionis potius & separationis vocum ratione sensus instituenda, signum sint, licet a nonnullis pro modulationum signis habeantur; de quo a Philologis copiosius præcipitur. Exemplo Accentuum autem in lingua Græca definitio nostra potest illustrari.

### THEOREMA XXXIII.

**Perfectio linguæ Accentibus.** §. 215. In Lingua perfectissima opus est Accentibus.

### DEMONSTRATIO.

In lingua perfectissima quidem opus est tono (§ 207).

## De Perfectione Linguae. 77

( § 207 ). At vero si singulis vocibus etiam Accentus adiiciantur, facilius, in qua syllaba ponendus sit tonus, cognoscitur, quam ubi propter defectum Accentuum, vel ex mero usu illud discendum, vel ex contextus sensu colligendum est. Major igitur, ubi præter tonum accentus etiam adscribuntur, adest consensus, & hinc perfectio ( § 105 ). Unde in lingua perfectissima Accentibus est opus.

### SCHOLION I.

§. 216. Exemplum hujus perfectionis ex parte Exemplum.  
in lingua Græca invenimus, utpote ubi in qua vocabuli syllaba tonus ponendus sit, accentu addito solus denotari; licet 1 ) id ibi superfluum sit, quod vocabulis monosyllabicis, u. g. Καί, δὲ, Accentus etiam addi soleat, siquidem in ejusmodi vocibus elevatio unius syllaba præ reliquis non & hinc eatenus nec tonus ( § 204 ), nec Accentus ibi locum habere potest ( § 212 ). 2 ) nec per Accentus Græcorum id obtineatur, ut in quo præ reliquis vocabulo tonus collocandus sit, indicetur.

### SCHOLION II.

§. 217. Fieri autem posse videtur, ut ejusmodi inveniantur signa, quæ, pro diverso pingendi modo simul & in qua vocis syllaba præ reliquis & in qua præ reliquis voce tonus ponendus sit, indicent, cui major adhuc perfectio accederet, si conjunctio vel separatio vocum, de qua supra est actum ( § 160 seqq. ), eadem opera per Accentus illos denotaretur. Et sane si in Hebræa lingua moris esset, ut Accentus in ea syllaba semper, ubi tonus est, ponerentur, possent simul duplici officio, scilicet & conjunctionis separationisque vocum & significationis toni, fungi.

Quid per eadem signa simul præstari possit?

SCHO.

78 *Meditatio Philosophico-Crisica*  
SCHOLION III.

Transitus. §. 218. *Data hac occasione de longitudine & brevitate syllabarum, ut & moris paucis agemus.*

DEFINITIO XXXI.

Quid Longitudo & Brevitas syllabæ? §. 219. *Longitudo syllabæ est diuturnior, vel major soni syllabæ præ reliquis productio; Brevitas ejus est productio minor; Unde æqualitas syllabarum erit productio soni syllabarum æqualis.*

SCHOLION.

Quomodo longitudo syllabæ a tono differat? §. 220. *Patet hinc differentia inter syllabe tonum & longitudinem, dum ille ad soni syllabæ intensionem (§ 204), hæc ad ejus productionem tendit (§ 219).*

THEOREMA XXXIV.

An Syllabarum inæqualitas ex tono oriatur? §. 221. *Tonus non infert necessario syllabarum inæqualitatem.*

DEMONSTRATIO.

Quidquid non infert, ut una syllaba reliquis sit longior, illud non infert syllabarum inæqualitatem (§ 219). At vero tonus non infert, ut una syllaba reliquis sit longior. Nam quamvis per tonum sonus unius syllabæ præ reliquis intendatur (§ 204), non ideo opus est, ut præ reliquis producat (§ 219), quia intensio & productio soni non sunt necessario connexa. Hinc tonus nec infert syllabarum inæqualitatem.

SCHOLION I.

Confirmatur thesis a posteriori. §. 222. *Idem a posteriori apparet inde, quod, si tonus necessario inferret syllabarum inæqualitatem, & syllabam, in qua deprehenditur, teneris longiorem faceret, in vocabulis, ubi omnes syllabæ æquales sunt, e. g. auditu, nullus posset esse tonus; nec in syllabis brevibus interdum, e. g. redi-*

## De Perfectione Linguae. 79

redimo, sonus esse posset; quod experientia tamen est adversum.

### SCHOLION II.

§. 223. Per exemplum linguae Hebraica etiam Idemthesis nostra confirmatur, utpote in qua tonos syllabarum dari, nemini peritorum ignotum est, licet aequalitas syllabarum admittatur & doceatur.

### SCHOLION III.

§. 224. Ne autem sinistre intelligamur, id tantum asserimus, sonum non inferre necessario syllabarum inequalitatem. Fieri enim interdum posse, ut toni causa etiam producatursyllaba, adeoque ex illo per accidens syllabarum inequalitas oriatur, non poterit negari.

### COROLLARIUM.

§. 225. Posito igitur licet in certa syllaba tono, illo non obitante, syllabae tamen possunt esse aequales (§ 221). Quid non impediatur tonus?

## DEFINITIO XXXII.

§. 226. Duratio temporis, ad proferendam litteram, ( aut si mavis, sonum ), necessaria, dicitur hoc loco Mora. Quid Mora?

### SCHOLION.

§. 227. Scilicet hoc termino jam ita utimur, uti a Grammaticis solet adhiberi. Monitum.

### COROLLARIUM I.

§. 228. Dum ad quamlibet consonantem simplicem pariter, ac vocalem ore proferendam duratio certa temporis opus est, licet brevissima interdum, cuilibet consonanti simplici aequae ac vocali mora est tribuenda (§ 226). Sed quia duas vel plures consonantes simplices, immediate concurrentes, uno conatu solemus proferre ita, ut durationes temporis, cuilibet simpliciori tributas non distinguamus, potest etiam pluribus simplicibus consonantibus, immediate concurrentibus, una mora tribui; in non- Quaeritur littera habet moram, & interdum plures Consonantes unam.

80 *Meditatio Philosophico-Critica*  
 nonnullis linguis etiam duæ vel plures conso-  
 nantes uno charactere exprimuntur, e. g.  $\Psi$   
 pro Sch,  $\Psi$  pro Pf,  $\chi$ , pro Ch,  $\xi$ , pro Kf.

## COROLLARIUM II.

Vocalis vel §. 229. Pariter dum vocales, vel per sonum  
 simplicem, abbreviatum, vel per prolongatum solent pro-  
 nunciari, e. g. Das, That, licet non in omni  
 vel multi- lingua diversa vocalium longarum & brevium  
 plicatam signa, uti in Hebræa, reperiuntur; vocali cui-  
 moram ha- libet vel mora simplex, vel duplicata, vel tri-  
 bet. plicata potest tribui (§ 226).

## DEFINITIO XXXIII.

Quid voca- §. 230. *Vocalis brevis*, quæ simplicem  
 lis longa & habet moram; quæ vero duplicatam, vel  
 brevis? triplicatam, *longa* vocari potest.

## EXPERIENTIA V.

Quando vo- §. 231. Solemus plerumque, si syllaba termi-  
 calem pro- netur vocali, sonum hujus producere, vel, quia  
 ducamus, in minimis dijudicandis non sumus admodum  
 vel abbrevi- solliciti, duplicare, adeoque duas moras ejus-  
 viemus? modi vocali tribuere (§ 226), ut longa red-  
 datur (§ 230); e contrario sonum vocalis con-  
 trahimus plerumque, si syllaba finiatur conso-  
 nante, e. g. *Va-ser*, *Schal-len*, *la-trat*.

## SCHOLION.

Ratio asser- §. 232. *Nec difficilis inventu est hujus rei ra-  
 ti.* tio, utpote ex ipsa pronuntiatione petenda. Ab-  
 breviatio vocalis, in quam syllaba terminatur,  
 non sine difficultate effertur, cum, teste experien-  
 tia, productio illius sit facilior. E contrario si  
 syllaba consonante terminetur, abbreviare solemus  
 vocalem, quia ad consonantis sequentis pronun-  
 cia-



## De Perfectione Linguae. 81

ciationem properamus. Fateor etiam, usu & consuetudine, quæ non raro ipsam rationem supprimit, interdum contrarium receptum esse; sed de illo jam quæstio non est, dum rem in se consideramus. Ut saceam, in illo casu, ubi vocalis syllaba, in consonantem terminata, producitur, illam per fictionem duarum instar considerari posse.

### THEOREMA XXXV.

§. 233. Quælibet si in lingua syllaba incipiat a consonante una vel pluribus, & nullæ in ea diphthongi sunt, quælibet syllaba habebit minimum tres moras.

Quando quælibet syllaba tres moras habeat?

### DEMONSTRATIO.

Si quælibet syllaba incipiat a consonante una vel pluribus, illa vel illæ constituent unam moram (§ 228). Jam vero vocali sequente vel syllaba terminatur, vel non. Si ea terminatur, erit producenda, ut adquirat duas moras, (§ 231), adeoque tota syllaba habebit minimum tres moras; si non, sed sequitur consonans finalis, erit abbrevianda (§ 231), ut unam tantum moram adquirat, tertia autem consonanti uni vel pluribus in fine competat (§ 228), adeoque iterum tres minimum in tota syllaba deprehendantur moræ.

### SCHOLION I.

§. 234. Dico: minimum. Nam posset fieri, Monitum. ut propter unum syllabæ ad crescentem accederet nova mora, adeoque essent quatuor; quemadmodum etiam defectum tertia mora interdum supplere potest. Nam quia potest syllabæ productionem inferre (§ 224), potest vocali aliquam productionem addere.

F

SCHO.

## SCHOLION II.

Cur in lingua Hebraea quælibet syllaba minimum tres moras habeat?

§. 235. Cum lingua Hebraica habeat requisita dicta, scilicet ut omnis syllaba incipiat a consonante una vel pluribus, & diphthongi ex illa exulent, prætereaque, quod in linguis Occidentalibus non deprehendimus, vocales in ea in veras & spurias dividantur, verarum autem tam longatum quam brevium characteres peculiare sint, denique in ea, si syllaba vocali brevi terminetur, nec tonus adsit, Metegh ad tertiam moram supplendam soleant addere, quo longæ vocalis characterem proprie adesse debere, indicatur: Philologis non fuit difficile observatu, quod in lingua Hebræa quælibet syllaba minimum tres moras habere debeat, nec, si præcedentia principia prius ponderassent, illud esset temporis recentioris inventum.

## SCHOLION III.

Monitum de principio Grammaticæ Hebraicæ.

§. 236. Ita autem ope præcedentium principiorum primum Grammaticæ Hebraicæ principium, de tribus cuilibet syllabæ assignandis moris, quod a Philologis per modum hypotheseos vel experientie assumi solet, dedi demonstratum. Hinc quin solidas conclusiones ex eodem derivare queant, dubium esse nequit.

## SCHOLION IV.

Quid de numero morarum in syllabis aliarum linguarum sentiendum?

§. 237. In aliis linguis res difficilior videtur esse, tum quia sæpe syllabæ incipiunt a vocalibus, tum quia sæpe sola vocalis totam syllabam constituit, e. g. ire, tum quia diphthongi, a lingua Hebræa alienæ, in illis solent sæpius occurrere. Perpendent autem qui ejusmodi meditationibus delectantur, curatius, annon, his non obstantibus, tamen in qualibet lingua alia res cuilibet syllabæ mora possint tribui. Nempe si re-

De P  
de attendamus  
in anstet, vel  
1. Sola voca  
2. Sola diph  
3. Consonan  
vocali.  
4. Consonan  
diphthongi.  
5. Vocali,  
vocali.  
6. Diphthongi  
pluribus.  
7. Consona  
tio vocali &  
tum claudenti  
8. Consona  
tio diphthongi  
syllabam finit  
[am 1] f  
res mora er  
anantem se  
nantur (§  
§ 234);  
metegh subit  
tum conson  
res mora, p  
quis promunc  
admodum for  
2) Si syl  
les vocalis e  
productionem  
tum supplea  
3) Si syl  
bus, sequente  
hanc anava  
efficit (§ 23  
4. Si con  
diphthongi  
melibet voca  
5. Si con

## De Perfectione Linguae: 83

*Ne attendamus, in nostris linguis quolibet syllaba constet, vel*

1. Sola vocali,
2. Sola diphthongo,
3. Consonante una vel pluribus, sequente vocali.
4. Consonante una vel pluribus, sequente diphthongo.
5. Vocali, sequente Consonante una vel pluribus.
6. Diphthongo, sequente Consonante una vel pluribus.
7. Consonante una vel pluribus, posita in medio vocali & Consonante una vel pluribus syllabam claudentibus.

8. Consonante una vel pluribus, posita in medio diphthongo, & consonante una vel pluribus syllabam finientibus.

*[am 1 ) si syllaba sola vocali constet, facile tres morae eruantur. Vocali propter deficientem consonantem sequentem duas morae, ut longa sit, tribuantur (§ 230), & tertia suppleatur per tonum (§ 234); vel si tonus non adsit, tertia mora per metegh subintellectum suppleatur & propter defectum consonantis antecedentis vocali tribuantur tres morae, praesertim cum vocalis sola soleat longius pronunciari, & in minutis dijudicandis non admodum solliciti esse soleamus.*

*2 ) Si syllaba diphthongo constet sola, qualibet vocalis efficiat moram, tertia per tonum, vel productionem soni compositi & metegh subintellectum suppleatur.*

*3 ) Si syllaba constet consonante una vel pluribus, sequente vocali, consonans una vel plures constituent unam moram, vocalis autem sequens duas efficiat (§ 231).*

*4. Si consonante una vel pluribus, sequente diphthongo, consonans una vel plures una, & quolibet vocalis suam moram constituat.*

*5. Si constet vocali, sequente consonante una*

## 84. Meditatio Philosophico-Critica

vel pluribus, videndum, annon tertia mora in tono, vel productione vocalis mediante metegh quæri queat.

6. Si diphthongo & consonante una vel pluribus; res se habebit, uti n. 4.

7. Si consonante una vel pluribus in principio & sine positis, & vocalem inter se continentibus, vocalis intermedia unam, & consonantes initiales & finales duas alteras moras constituunt.

8. Si diphthongus in medio consonantium sit posita, consonantes initiales & finales duas, diphthongus autem, ut unus sonus compositus, tertium moram potest efficere; ut taceam trino majorem morarum in syllaba numerum nec in ipsa lingua Hebræa excludi, sed minorem. His assumptis, annon in aliis linguis etiam tres cuilibet syllabæ mora tribui possint, videndum erit; licet forsitan quadam adhuc regulæ pro triphthongis, in quibusdam linguis receptis, essent addenda. Nolo autem ulterius huic ingeniis lusui indulgere, doctrinam de tribus syllabarum moris in lingua Hebræa, longe majorem, quam in aliis linguis utilitatem prestare, siquidem permutatio vocalium, quæ in aliis linguis non æque ac in Hebræa reperitur, ea nititur, non ignorans.

## DEFINITIO XXXIII.

Quid Oratio ligata & prosaica?

§. 238. Oratio, in qua syllabæ ad certam mensuram componuntur, dicitur ligata, in qua non, prosaica.

## THEOREMA XXXVI.

Perfectio linguæ postulat verba quædam soni similis.

§. 239. In lingua perfectissima verba similis ex parte soni debent esse.

DE-

DEMONSTRATIO.

Verba similis soni, sine affectatione conjuncta, in elocutione tam prosaica, quam ligata in animo audientis voluptatem producant; quo pertinent etiam rythmi, in orationibus ligatis usitati. Talia enim verba conjuncta ingenium ostendunt oratoris vel poetæ, quod perfectio animæ est; ex cognitione perfectionis autem oritur voluptas [ per princip. Psychol. ]. Cum vero in lingua perfectissima jucunditati audientium sit consulendum (§ 199), in eadem etiam verba similis soni debent esse.

SCHOLION I.

§. 240. *Pertinent huc Epitaphia, in quibus* Exemplum,  
*verba similis soni non sine elegantia interdum cumulantur, u. g. si dicatur:*

Lege Viator & lege  
Fata ad Vota  
Viri

Nomine magni & omine, vetera.

*At vero opera est danda, ne ex sonorum similitudine oriatur confusio evitanda.*

SCHOLION II.

§. 241. *Verba similis soni interdum, pariter ac* Monitum.  
*equivoca, ad jocum excitandum facere possunt. Quia autem jocus ( loquor de modesto, non de obscuro ) facit ad voluptatem animi licitam, eatenus etiam verbis similis soni in lingua perfectissima debet esse locus; licet ab equivocis rectius absteineatur (§ 115).*

# 86 *Meditatio Philosophico-Criticæ*

## THEOREMA XXXVII.

Perfectio  
linguæ po-  
stulat, ut  
ad oratio-  
nem liga-  
tam apta  
sit.

§. 242. *Lingua perfectissima ad orationem ligatam construendam debet esse apta.*

### DEMONSTRATIO.

Oratio ligata, ex regulis artis composita, quia ingenium poetæ, tanquam perfectionem mentis prodit, voluptatem in mente audientis æque ac legentis excitat. Quia autem ei, quod ad jucunditatem audiendi facit, in lingua perfectissima opera est danda (§ 199), ad orationem ligatam debet etiam esse apta.

### SCHOLION I.

An oratio  
ligata sup-  
ponat di-  
versam syl-  
labarum  
longitudi-  
nem ac bre-  
vitatem.

§. 243. *Quæri potest hoc loco: an ad orationem ligatam necessario diversitas syllabarum, qua longitudinem & breviterem, requiratur? Et quamvis id quidem, uti ex prosodia tyronibus cognitum est, credatur vulgo, dum ipsa syllabarum longarum ac brevium certa variatio metrum solet constituere, nobis tamen longitudo syllabæ & intensio soni illius, quæ sunt diversa (§ 220), confundi videntur. Nam si ope distinctarum rejectis confusis notionum rem curatius perlustremus, metrum non tam a longitudine & brevitate syllabarum, quam ab intensione, vel elevatione ac depressione soni syllabarum varianda, hoc est, a variatione toni, pendere videtur. Sic e. gr. si ex hymno ecclesiæ sumantur verba prima: O Got, du frommer Got, du Brunquell guter Gaben, nemo qui prosodiam primis tantum labiis degustavit, versum ea constituere negabit, licet omnes syllabæ, secundum id, quod supra § 237 dictum est, examinatas, in moris æquales inveniantur. Unde patet, a variata intensione soni syllabarum potius versum pendere. Eodem modo in poesi Latina se res habet. Nam si assumam versum tritum.*

Omnis

## De Perfectione Linguae. 87

Omnia si perdas, famam servare memento, cuiuslibet syllabae tres mora secundum superiora poterunt assignari (§ 237), & nihilominus verus est.

### SCHOLION II.

§. 244. Errant igitur, qui ab aequalitate syllabarum in lingua Hebraea ad negandam orationis ligatae possibilitatem concludunt (§ 243). Si autem hac in re contrarium videatur aliis, uti opiniones radicatas mente eicere plus quam Herculeus labor est, quid per longitudinem vel brevitatem syllabarum intelligatur, distinscte erit explicandum.

An lingua Hebraea orationis ligatae impatiens?

### SCHOLION III.

§. 245. Si quaecunque in superioribus de lingua perfectissima demonstrata sunt, perpendantur renerales de Ele, ad tria principia generalia 1) facilem intelligentiam; 2) commoditatem brevitatemque in loquendo & scribendo; 3) iucunditatem in audiendo, rem redire, patefcet (§ 111, 176, 199).

Fontes generales de perfectione linguarum.

### DEFINITIO XXXV.

§. 246. Impugnatio propositionis, a diversa vocis acceptione orta, dicitur Logomachia.

Logomachia quid?

### SCHOLION.

§. 247. Sic si quis aternitatem essentiarum re- rum impugnet, & intelligat essentias existentes, cum sermo tamen sit de possibilibus, committit Logomachiam.

Exemplum.

### COROLLARIUM I.

§. 248. Logomachiae igitur pendet a verborum equivocationibus (§ 113, 246).

pendent ab equivocationibus;

### COROLLARIUM II.

§. 249. Hinc cum a lingua perfectissima equivocationes verborum abesse debeant (§ 115), ex eadem etiam exulare debent Logomachiae.

absunt a lingua perfecta.

88 *Meditatio Philosophico-Critica*  
COROLLARIUM III.

Perfectio  
linguæ pro-  
moveret fa-  
cilitatem  
intelligen-  
di.

§. 250. Pariter dum in Logomachia unus non intelligit alterum (§ 246, 21), in lingua perfectissima autem Logomachiiis locus non est (§ 249), facilitas nos invicem intelligendi non potest non per illam promoveri.

SCHOLION.

Finis.

§. 251. Equidem de Lingua perfectissima plura forsitan adhuc alia, nec sine utilitate, dici possent. At quia novarum veritatum, cujuscunque sint generis, inventio non simul, sed successive fit, quæ adhuc dicta sunt in presenti, sufficiant lectori benevolo, cujus judicium æquum ad alia tractanda reddet me alacriorem. Deo autem, in cujus gloriam lingua quoque mortalibus concessa, lingua licet imperfectiore laudem dicimus æternam.

VA

P

M.

SCH

DI-



DISSERTATIO PRIMA  
DE  
VARIIS LINGUARUM  
PERFECTIONIBUS  
CONSCRIPTA  
A  
M. GEORGIO CHRISTIANO  
HALLBAVERO  
SCHOLÆ SENATORIÆ JENENSIS RECTORE:



V



per e  
aliame  
aliame  
concl  
esse c  
nais  
abell  
guaru  
ex p  
perfe  
datio  
perfe  
malve  
nemu  
quib  
fedi



D E

# VARIIS LINGUARUM PERFECTIONIBUS

DISSERTATIO PHILOLOGICA.

**L**inguarum aliam alia esse antiquiorem, recentiorem, locupletiore, pauperiore, graviorem, elegantiore, faciliorem aliam ut pronuncietur aut discatur, aliam magis perspicuam ut per eam cunctæ res clare atque distincte significentur, aliam inter cultiores gentes magni, aliam parvi fieri, aliam ubivis sonare, aliam patrii tantum soli angustis conclusam terminis, atque adeo aliam alia perfectiorem esse contendunt, qui de earum differentiis aut prærogativis disputant. Quod sicut generatim dictum a vero non abest, siquidem humanarum rerum omnium, hinc & linguarum ea est fors atque conditio, ut nihil earum omni ex parte absolutum dici queat; ita si in alicujus linguae perfectione dijudicanda, aut in idiomatis cujusdam emendatione suscipienda caute agere velimus, opus est, ut de perfectionis genuina prius conveniat notione, ne plus minusve, quam par est, cuidam tribuentes idiomati, aberramus a vero, quod fieri vulgo constat, quum fere suam quilibet vernaculam, vel cui maxime operam dedit, perfectissimam venditare soleat.

§. II.

## §. II.

Est autem Philosophis perfectio rerum diversarum in uno consensus, seu quum plura ad finem quendam communem, suum conferunt. Qua propter in linguis erit perfectio, si, quæ in illis occurrunt, vocabula ad significandas bene rerum cunctarum notiones, qui est finis eorum communis, conjunctim concinunt.

## §. III.

Quicquid enim præstantiæ perfectionisve lingua habet, id non extra ipsam, in aliis rebus, ut antiquitate, auctoritate & applausu plurimorum hominum, sed in ipsa natura essentiaque ejus querendum, quæ in eo consistit, ut rerum vel, quod idem est, cogitationum præstet signa per vocem articulata: unde simul, quis linguarum sit finis, apparet, cogitationum nimirum significatio, cujus medium est ea, quam diximus, vox articulata seu loquela. *Namque loquendi, AUGUSTINUS recte ait, omnino nulla causa est, si quod loquimur, non intelligunt ii, propter quos, ut intelligant, loquimur, L. IV. cap. 10. doctrinæ Christianæ. Quum vero, quo magis fini suo obtinendo aptum est medium atque accommodatum, eo perfectius sit; lingua quoque eo præstantior ac perfectior est habenda, quo meliora rerum signa complectitur, quorum ope vel nobismet eas repræsentare, vel aliis hominibus impartiri possumus.*

## §. IV.

Etenim dum rerum cogitationumve significationem constituimus finem loquelæ, istas vero vel nobis ipsis repræsentemus per vocabula, vel aliis, duplex emergit sermonis finis, ac potius unius ejusdemque diversus ad personas, quibus res per verba repræsentantur respectus. Istum quidem, qui ad alios pertinet, quibuscum socialiter vivimus, negare ausus fuit nemo unquam, quin plerumque cum unicum loquendi scopum admiserunt. Ceteros ut taceamus, ipse SAMUEL PUFENDORFIUS subdubitat, num alius præter jam dictum esse possit, *hujus, inquit, facultatis loquendi extra socialitatem inter homines vix ullus usus intelligi potest L. IV. c. I. Jur. Nat. & Gentium. Est sane, est eximius hic linguæ fructus, in consociandis conciliandisque inter se mortalibus. Loquuntur enim, ut*  
alius

*De variis Linguarum Perfectionibus. 93*

alius alii consultant dubiis in rebus, ut opem petant ferantque, quum in discrimine versantur, ut moneant incautos, rudes doceant, innocentes defendant, ut consentiant in idem, promittant, paciscantur, ut conjunctis viribus imperium in totum terrarum orbem exercent, maria traiciant, in intima telluris viscera penetrent, reconditosque in iis thesauros suos faciant, ut domos, urbes, mœnia exstruant, adeoque ex indigentissimis imbecillimisque, qui absque loquela forent, hujus adminiculo evadant omnium rerum copia affluentes, summaque rerum & imperio potiti.

§. V.

Non tamen minoris faciendus est is, quem intellectui & rationi excolendæ capimus ex sermone, fructum. Nam quicquid in tota hac universitate est, quod cognoscere nostra refert, id sive externos sensus afficiat nostros, sive non afficiat, ope certorum signorum demum menti clare atque distincte repræsentari potest. Etenim nonnisi obscuras accipimus per sensuum organa rerum imagines, ideo quia omnia, quæ in iis conjuncta ac commixta sunt, sensibus simul offeruntur atque una, hicque confusas & obscuras necessario menti sistunt ideas. Quas si claras volumus distinctasque concipere, necesse est, ut cogitando separemus characteres, seu qualitates singulas, quæ rei insunt, quæve mente distingui possunt, atque ut eas seorsim consideremus primum, tum in ea, qua sensibus sistunt complexione. Hasce qualitates, quoniam in mundo seorsim non existunt, sed tantum in mente nostra ab objectis, quibus adhærent, separatæ concipiuntur, conjungere oportet singulas cum singulis signis, quibus in mentem revocatis, ipsæ abstractæ rerum ideæ cum signis combinatæ, menti una exhibeantur. Ceterarum vero rerum, quæ externos non feriunt sensus, multo magis eam esse conditionem, ut absque signis subire mentem ac distincte cognosci nequeant, non est qui dubitet.

§. VI.

Signa vero, quibuscum homines suas cogitationes ac rerum ideas copulare consueverunt, sunt voces articulatæ, seu vocabula, quorum complexus linguæ nomine venire solet. Ex quo liquido apparet, linguæ seu sermonis beneficio

ficio homines non minus clare distincteque cogitare, quam animi sensa cum aliis communicare, socialemque, quam indigentia nostra requirebat, colere posse vitam.

## §. VII.

Jam vero quum quodlibet medium eo perfectius sit habendum, quo melius promptiusque finem consequitur suum, ita & perfectior censenda lingua, quo magis rebus omnibus perspicue & promte repræsentandis idonea. Hinc in virtutibus linguæ perfectioris ponitur, primum, ut cunctas res, dein, ut clare & perspicue, postremo, ut promte menti eas exhibeat, ope vocum articulatarum.

## §. VIII.

Itaque laus prima linguæ est, ut singularum rerum singula signa contineat. Si ita se habeat, is qui eam callet, non solum omnium hujus universi rerum ideas, sibi per eam lingua repræsentare, & quoties vult contemplari, sed cum aliis hominibus communicare valet ita, ut his eisdem, quos ipse habet rerum conceptus, ingeneret, quum omnes rei qualitates suo quamlibet vocabulo notatas, alteri enumerare, atque ita notionem rei claram, distinctam, adæquatam, prouti ipse habet, exhibere possit. E contrario haud levis est idiomatis alicujus defectus, quando rebus, aut notionibus quibusdam desint voces, quibus ceu signis indicentur. Tunc enim quam plurimæ res aut nostram effugient plane cognitionem, aut si qua earum idea per sensus, vel per imaginationem mentem subit, sine nomine mox evanescet, aliisque multo minus hominibus significari poterit. Ex quo jam facile intelligere licet, quænam lingua dives quæ contra pauper, jure suo dici queat.

## §. IX.

Exemplo nobis jam erunt, ut rem illustremus non nihil, celebriores quædam linguæ, tres quidem, quæ in suis gentibus vernaculæ esse desierunt, *Hebræa*, *Græca vetus*, *Latina*, & tres, quæ adhuc sunt *Gallica*, *Italica*, *Germanica*. Prima, qualem quidem hodie habemus, vocabulorum inopia valde laborat, antiquis tamen temporibus satis locuples, præsertim aureo SALOMONIS, regum sapientissimi disertissimique, *cujus*, teste Scriptura Sacra I Reg. IV, 30 sq. *major erat sapientia quam sapientia*

om-

*De variis Linguarum Perfectionibus: 95*

*omnium orientalium, & quam omnis sapientia Ægyptiorum: qui sapientior omnibus hominibus eloquutus est tria millia sententiarum, & quinque millia carminum: loquutus præterea de plantis a cedro, quæ est in Libano usque ad hyssopum, quæ egreditur de pariete; item de bestiis & volucris & reptilibus & piscibus: adeoque de eorum proprietatibus, usibus, finibus aliisque rebus hujus universi, ut admirarentur eum omnes, qui audirent, verba fecit. Ex quo quam uber quamque copiosa tum fuerit vernacula, quam loquebatur, lingua Hebræa, in aprico est positum.*

*Græca autem veteri nec hodie quicquam deest, ad copiæ laudem præ multis aliis sibi vindicandam, adeo, ut vel aliarum linguarum penuriæ, ex suis divitiis suppetias tulerit jam olim, hodieque adhuc ferat. Ad quam Græci idiomatis affluentiam, cum litterarum artiumque studia atque commercia, quæ inter eos maxime florebant, multum contulerunt, quoniam, quod recte CICERO adfirmat, rerum copia verborum quoque copiam gignit; tum plurimum facit, idiomatis ipsius ea conditio atque aptitudo, ut compositæ ex simplicibus voces formari facillime ac pereleganter queant, fecundissima infinitarum dictionum parens, quæ semper sufficit novas novorum inventorum notas, detestandarumque recens aut detegendarum in posterum etiam notionum signa nova.*

*Ad Latinam pergimus, quæ facundam opulentiam, quam imprimis JULII ET AUGUSTI CÆSARUM ævo florentissima adepta est, conservare haud diu potuit, cum spoliū prædaque exterarum paulo post fieret gentium. Quam vero fuerit locuples ante fatalia hæc tempora, eo magis persuasum nobis est, quo plures in ea expolienda, augenda, atque ad summum, si qua fieri posset, perfectionis cacumen evehenda, omnem collocarunt operam uno fere tempore, & conjunctis velut viribus, viri in quovis litterarum genere præstantissimi disertissimique, JULII CÆSAR, ES, CICERONES, NEPOTES, VIRGILII, OVIDII, VARRONES, FLACCI, SALLUSTII, CURTII. CICERONIS judicio si eam æstimamus, græcæ etiam orationis copiam superasse, dicendum esset, qui ad BRUTUM, de finibus bonorum & malorum, verba facturus, sub initium*  
*Lib.*

Lib. I. dicit : *ita sentio , & saepe differui Latinam linguam non modo non inopem , ut vulgo putarent , sed locupletiore etiam esse quam Græcam .* De tanti testis fide quicquam derogatum nolumus , utpote qui utraq; optime callebat , eaque qua ambæ adhuc florebant , degebat ætate . Id tamen dissimulare non possumus , neque Græcos neque ceteros quoque *Latinas* idem cum CICERONE hac in re sensisse , qui non nihil forte gloriosius de ea prædicavit , vel quia patria erat lingua , vel quia ipse princeps in ejus facultate habebatur , vel quia cives suos eo magis in amorem studiumque ejus accendere volebat , quod nobis videtur . Neque ipse noster eum , quem diximus , aliorum a se dissenfum , negare potest , Lib. III. ejusdem , *de finibus operis ; etsi , inquit , quod saepe diximus , & quidem aliqua cum querela non Græcorum modo , sed etiam eorum , qui se Græcos magis , quam nostros haberi volunt , nos non modo non vinci a Græcis verborum copia , sed esse in ea etiam superiores .* Contra quæ paulo post is , ad quem CICERO hic loquitur , CATO disputans : cum ZENO , ait , *uteretur in lingua copiosa ( græca sc. ) factis tamen nominibus ac novis , quod nobis in hac inopi lingua ( latina ) non conceditur , quamquam tu hanc copiosiore etiam dicere soles .* Profecto non possumus non CATONI accedere in eo , quod nova facere nomina in *Latina* minus , quam in *Græca* concessum sit . Namque *Græcam* longe aptiorem putamus novis verbis , facili negotio , ex primitivis , uti formandis , ita facile intelligendis , hincque ab omni linguæ hujus non ignaro approbandis . Contra ea in *Romana* quam difficile fuerit , *Græcam* hac in re imitari , vel ex *Latinis* Scriptoribus ipsis discimus . Dabant hi , vernaculæ facundia studiosissimi , omnem quidem operam , ut non ex græco sermone aliqua mutuari cogerentur , sed frustra sæpe , cum aut inviti , quod nollent , facere , vel in domestico idiomate pluribus unam rem circumscribere verbis necesse haberent . De TIBERIO , qui IO. WILH. BERGERO , *naturalem orationis pulchritudinem explicanti* , morosus latinittis exactor , elegantiaque in dicendo perdiligens nominatur , c. SVETONIUS in vita illius cap. LXXII. hæc tradit : *abstinuit sermone græco maxime in senatu , adeo quidem , ut monopolium nominaturus , prius veniam postularet quod ,*



*De variis Linguarum Perfectionibus. 97*

quod sibi verbo peregrino utendum esset, atque etiam in quodam decreto patrum, cum ἱερὰν λέγειν recitaretur, commutandam censuerit vocem, & pro peregrina nostratem requirendam, aut si non reperiretur, vel pluribus & per ambitum verborum rem enunciandam. Plus tamen valuit inopiadomesticorum, necessitasque peregrina adoptandi, quam vel TIBERII CÆSARIS mandatum. Namque monopolii vocem & ante & post id temporis a latinis usurpatam constat. De monopolis in senatu jam actum fuisse, idem SVETONIUS cap. XXX. testis est: post eum PLINIUS Lib. VIII. c. 37. aliique eo utuntur nomine, titulusque de monopolis interscriptus Lib. IV. Codicis Justiniani legitur. C. I. CÆSAR græca plerumque circuitu exprimit latino, & ἀδύτα, ab ipso Marone aliisque frequentata, exponit per loca occulta ac remota templi, quo præter sacerdotes adire fas non est, L. III. de B. G. Attamen idem CÆSAR purioris venustæque latinitatæ observantissimus malaciam, harpagones, ballistas, ephippia, ephippiatores equites, plura alia græcæ originis passim adhibet. Jam CICERONEM ipsum, eloquentiæ Romanæ principem, audiamus, qui Lib. III. de bonorum & malorum finibus: equidem, ait, soleo etiam, quod uno greci, si aliter non possum, idem pluribus verbis exponere, & tamen puto concedi nobis oportere, ut græco verbo utamur, si quando minus occurrat latinum, ne hoc ephippiis & acratophoris potius, quam proegmenis & apoproegmenis concedatur. Quapropter ipse hic TULLIUS plurima a Græcis mutuata verba, iis præsertim in libris, in quibus philosophatur, usurpat, consiliique sui rationem loco, paulo ante citato, hanc reddit: quamquam ea verba, quibus ex instituto veterum utimur pro Latinis, ut ipsa philosophia, ut rhetorica, dialectica, grammatica, geometria, musica, quamquam latine ea dici poterant, tamen, quoniam usu percepta sunt, nostra ducamus. Noster quod Græcis, civitate latina jam donatis, pro Latinis utitur, recte omnino; sed quum affirmat, etiam latine ea dici potuisse, quid huic assevo opponi queat, supra monuimus, testimoniisque probavimus. Cognitio jam quod Latina, etiam cum maxime tingeret, opus tamen habuerit explere, quæ sibi deessent, vocibus Græcis; mirum jam nemini debet esse, eam hodie,

die, ex quo vernacula dudum esse desiit, ex scriptis tantum monumentis hauriendam, post tot naufragia, tot librorum iacturas, quas fecit, atque post spolia, quæ barbaris perpeffa est seculis, carere nullo modo posse peregrinarum vocum auxilium, nisi in rerum, per domestica vocabula, expositione, multis verborum ambagibus res obscurare magis quam declarare velis.

## §. X.

Ad *Gallicam* hodiernam jam progredi tempus, cui *Italicam* adjungimus valde affinem, utramque *Latine* filiam. De quibus idem fere adserere debemus, quod de matre. Neutiquam inficias imus, quod omnes scientias ac disciplinas, divinas æque ac humanas, & voce & scriptis egregie tractent suo, quod dicunt, idiomate; præsertim *Galli*, facundissima doctissimaque natio, ita, ut in eo omnia, quæ sciri possunt, felici successu discant & doceant, idque potissimum post indefessam *Academia Gallica* operam, suasu *RICHELII* Cardinalis, auctoritateque regia anno 1635. hunc ipsum in finem conditæ, uti in diplomate regio legitur, *pour rendre le langage François non seulement elegant, mais capable de traiter tous les arts & toutes les sciences*. Vid. *relation contenant l'histoire de l'Academie Francoise*. At vero nemo, his litteris vel leviter tinctus, ignorat, quod *Gallica* & *Italica* Græca themata non minus in subsidium vocare necesse habeant, quam latina, communis earum parens, ubi domestica desunt, in tractandis præcipue litterarum studiis. Namque quam plurimas rerum notiones aut per circuitum expriment, aut Græcas, mutata paululum terminatione adoptare coguntur, ac dicere, *cardialgie*, *apoplexie*, *pleuresie*, *logique*, *physique*, *pneumatique*, *theologie*, *astronomie*, *eclipse*, *zodiaque*, *diametre*, *geometrie*, *geographie*, *genealogie*, *hydrographie*, *chirurgien*, & reliqua.

## §. XI.

Ad *Germanicam* ultimo accedimus, quæ primo nominanda fuerat loco. Cujus qui copiam negare audeat, vel ejus

## De variis Linguarum Perfectionibus. 99

ejus plane ignarus, vel osor, ac prærogativæ, quæ ipsi debetur, invidens sit, oportet. Namque ubertatem quoque linguæ *Græcæ*, quam aliis superiorem in ea probavimus, non æquat sed superat *Germanica*, infinitæ vocabulorum ex primitivis, fere monosyllabicis, compositioni ac derivationi longe accommodatior; quod ex iis, quæ paulo post dicemus, clarius etiam fiet. Audimus sane legimusque hodie, (potuissent vero & olim, si suæ linguæ vim atque virtutes expendere voluissent nostrates) videmus, inquam, in vernacula lingua *Germanos* cunctas artes, omnesque scientias docere, discere, scriptisque tradere libris elegantissimis, ita quidem, ut dubites, utrum sit alia, quæ æque possit suis, seu domi natis, vocabulis cunctas omnis doctrinæ partes tractare. Quacunque in materia versentur, theologica, medica, philosophica, mathematica, militari, æconomica & reliquis, non defunt iis signa rerum, quæ ibi occurrunt, propria vel usu jam vulgata, vel pro rei præsentis indole, ex primitivis facile fingenda. Quæ nostri dicunt, Vernunftlehre, Naturlehre, Gottesgelahrtheit, Sternsehékunst, VVeltweisheit, Rechenkunst, Feldmesskunst, Erdbeschreibung, Baukunst, Kriegsbaukunst, Durchmesser, Winkelmesser, Erdbeben, Feuerzeichen, Nebensonne, Sonnenfinsternis, Thierkreis, Lustroehre, Lungenblutader, Gekroelsdrusenast, Seitenstechen, Kopfweh, Augenweh, *Logica*, *Physica*, *Theologia*, *Astronomia*, *Philosophia*, *Arithmetica*, *Geometria*, *Geographia*, *Architectura civilis*, *Architectura militaris*, *Diameter*, *Instrumentum Goniometricum*, *Terræ motus*, *Meteorum igneum*, *Parhelium*, *Solis defectus*, *Zodiacus*, *Arteria aspera*, *Vena pulmonaria*, *Succus pancreaticus*, *Pleuritis*, *Cephalalgia*, *Ophthalmia*, sexcenta alia, nec *Galli*, nec *Itali*, neque ipsi *Latini* singulis nominibus vernaculis exprimere possunt, sed aut ambitu describunt, aut ex *Græcia* accersunt rerum nomina, domi suæ non obvia.

### §. XII.

Accedit, quod quotidie res antea incognitæ in lucem prodeunt, aut novæ rerum qualitates atque usus, studio

& experientiis hominum, deteguntur, quibus adeo nova quoque nomina debentur. Ergo quantumvis dives aliqua sit lingua, tamen pauper evadet brevi, si facto artium disciplinarumque augmento, notionibus rerum recens inventis nova signa non construuntur. Quapropter liceat & eruditis, & quarumvis artium magistris, ipsis præsertim novitatum inventoribus, si desint rebus vocabula, nova producere, qua tamen fieri potest circumspectione, habitaque semper analogiæ ratione. *Si enim, ait CICERO, fines bonorum & malorum tradens, libro III, Zenoni licuit, cum rem aliquam invenisset inusitatam, inauditum quoque ei rei nomen imponere, cur non liceat Catoni?*

## §. XIII.

Quæ licentia potissimum iis in linguis concedenda, in quibus consuetudinis est, non tam nova, quam ex horum, quæ usu jam vigent, apta conjunctione, rerum novarum condere signa, quæ adeo a quocunque ejus sermonis gnaro, vel sine interprete intelligi statim possunt, quia simplicium, e quibus componuntur, notiones jam perspectæ sunt. Cujusmodi linguas, ut ex supra dictis patet, *Græcam*, & magis adhuc *Germanicam* censere debemus. Ad reliquas quod attinet, quarum mentionem fecimus, res omnino difficilior hucusque credita, nec omnibus probata fuit. Quemadmodum vero nihilominus in quavis gente viris doctrina eminentibus singulis, & multo magis societatibus eorum, propter eum, qui tum adest, plurium consensum, ista libertas est permittenda in vernaculo minimum sermone; ita vix in peregrino hoc tentandum existimaverimus, nisi tali, qui compositorum, ex primitivis signis arbitrariæ formationi æque favet ac *Græcus* vel *Germanicus*, in quibus vel exteri tentare quid possunt. Sic ipsum *CICERONEM*, qui Romanus erat, in *Græco* etiam idiomate id fecisse constat, qui *Tuscul. Quæst. L. III. omnis innocentia*, inquit, *quæ apud græcos usitatum nomen nullum habet, sed habere potest ἀβλαβευς*.

## §. XIV.

s. XIV.

Quodsi ergo loqui aut scribere in lingua volumus, quam vocant mortuam, seu quæ genti vernacula hodie non est, v. gr. *latina*, nomenque rei in scriptis monumentis non reperiatur: consultius foret, opinamur, vel ex alia signum, si quod ei jam impressum est rei, adoptare atque pro genio linguæ aliter finitum in alteram transferre; vel ex *Græco*, communi onomatopoeiæ fonte, haurire primitiva nomina, ex quibus concretam formare pro rei denotandæ indole queamus vocem. Quapropter in latinum quoque sermonem invectæ a philosophis, docendi causa, voces ipseitatis, hæcceitatis, aseitatis aliæque, quum multis displiceant, probatis quippe autoribus non usitatæ, bene fortassis ageretur, si rei, apud *latinos* nomine carenti, ex *ARISTOTELE* aliisve *Græcis* scriptoribus nomen, si quod forte jam extet, quæratur, vel ex primitivis *Græcis* novum conderetur. Quo facto, nulla Philosophorum terminis obici barbaries possit ab his, qui religiosius latini sermonis puritatem volunt custodiendam. Illam, quam diximus licentiam, permittit, hanc tamen cautionem præcipit ipsis etiam civibus romanis *HORATIUS FLAGGUS* de A. P. v. 48. seq.

*Si forte necesse est*

*Indiciis monstrare recentibus abdita rerum,*

*Fingere cinctutis non exaudita Cethegis!*

*Continget, dabiturque licentia summa pudenter.*

*Et nova fictaque nuper habebunt verba fidem, si*

*Græco fonte cadant, parce detorta.*

s. XV.

Nostram vero *Germanicam* peregrina nequaquam egere ope, manifestum est, utpote ex qua, velut nunquam exhauriendo fonte, infinita numero nova nomina derivari posse, experientia constat. Nam quum superiori tempore, insigniter aucta artium scientiarumque familia, *microscopia*, *telescopia*, *antliam pneumaticam*, *barometra*, *hygro-*

*metra, pyroboliam, pyrotechnicam*, aliaque quam plurima *Græca* originis nomina, tum in *Latinam*, tum *Gallicam* & *Italicam*, deficientibus vernaculis, suscipere eruditi necesse habuerint, *Germani* econtrario hæc & alia signis indicant domesticis, *Vergrößerungsglas* / *Ternglas* / *Luftpumpe* / *Luftmesser* / *Brennspiegel* / *Gefoertrichter* / *Sprachrohr* / *Wetterfager* / *Wetterwage* / *Wetterglas* / *Luftdruckwerk* / *Geschützfunst* / *Feuerwerkerfunst* / *Microscopium*, *Telescopium*, *Antlia pneumatica*, *Manometrum*, *Speculum ustorium*, *Infundibulum acusticum*, *Tuba stentorea*, *Hygrosopium*, *Barometrum*, *Thermometrum*, *Instrumentum ad aerem comprimendum inferviens*, *Pyrobolia*, *Pyrotechnia*, cetera, quæ cum recens inventis rebus statim nata sunt, hodieve adhuc proferuntur nova verba.

## §. XVI.

Secunda perfectioris linguæ virtus in eo continetur, ut clare atque perspicue res, quarum signa sunt vocabula, repræsentet. Claritas vero atque perspicuitas illa duabus maxime a causis pendet: Prima, si una res uno etiam verbo, non pluribus indicetur, quia si per ambages semper enuncianda est, non solum ipsa objecti notio, quæ repræsentatur sæpe obscurior fit, sed in nexu cum aliis posita, contextum etiam multitudine vocabulorum obruit atque intricat. Quam ob causam in Philosophica rerum tractatione, ubi non ornatum, sed idearum claritatem sequimur, viri eruditi non abhorruerunt voces, barbariei vitio ab aliisdamnatas, quod succincte ac præcise, absque verborum ambitu, rem exprimere mallerent. At uberius hoc non persequimur, quia jam §8 & 14 quædam huc pertinentia diximus. Maxime autem sermonis perspicuitatem juvant vocabula essentialiter significantia, h. e. quæ rerum essentias vel attributa manifestant, quæque duorum hic ponimus generum. Primum, si sit naturalis vocum cum rebus signatis convenientia; dein, si vocabula sint quidem ex instituto humano profecta, ipsas tamen rerum qualitates ac naturam nobis exponant per signa primitiva, e quibus componuntur.

## §. XVII.

## §. XVII.

Prioris generis perfectissimam linguam invenisse sibi visi sunt *Hebraeam* nonnulli viri celeberrimi, FRANC. MERCUR. v. HELLMONT in *Alphabeti vere naturalis Hebraici delineatione*: JO: CHRISTOPH. VVAGENSEIL in *synopsi historiae universalis*: CASP. NEUMANN in *Genesi linguae sanctae*, & in *clavi domus Heber*: qui hanc, quam laudant vim, rerum naturaliter significandarum *Hebraea* tribuunt linguae, ita quidem ut non minus ipsa primitiva signa, seu litteras, quam derivata vocabula, cum rerum natura convenire, hominique connata arbitrentur. Id quod paucis tamen persuadere potuerunt. Ipsos equidem litterarum sonos naturales hominique connatos facile largimur; sed vero naturalem cum rebus hujus universi nexum habere, cumque harum qualitatibus convenire litterarum vel sonos vel figuras animo complecti haud possumus. Neque etiam est, quod nobis opponas voces eas, quae sono, quem res nonnullae edunt, quodammodo respondent. Primo enim non nisi pauca ejusmodi esse possunt, post non magis in *Hebraea* quam aliis reperiuntur, deinceps nec ipsam rei naturam declarant, sed sonum modo, neque hunc satis clare aut certo, cum a diversis populis diverso is concipiatur modo, v. g. *τοῦτον*, *ἁρπάζειν*, *TONTU*, tuono, *tonnère*, Donner. FRAGOR, fracasso, *fracas*, Knall. *ὀλοαῖζεν* ULULARE, urlare, Heulen. LATRARE, abbajare, *abbayer*, Bellen, aliarque, quae nihil fere cum rerum natura commune habent, praeter accidentale soni alicujus confusi & indistincti; hinc parum etiam ad linguam perfectissimam & quidem naturalem faciunt. Placent quae JAC. PERIZONIUS hunc in modum differit: in primitiva lingua facile largior commoda vocabula animalibus ab Adamo imposita, nec tamen ita, ut ipso sono, sed ut derivatione, & proinde significatione ex aliis jam vocabulis petita, naturam eorum aliquo modo declaraverint. Ceterum sic tamen essent, non φύσιν, sed διὰ, seu non ab natura, sed ex instituto; not. ad SANCTII *minervam*, Lib. IV. c. 14. Et profecto, si in rerum natura esset lingua naturalis, unde, quaeso fit, ut surdi adultio-

res facti, quum ab usu loquelæ libero ac naturali non per imitationem aliorum avocentur, cur, inquam, *Hebraeam*, vel quæcunque naturalis sit, non loquantur ultro omnes.

## §. XVIII.

Sed videamus jam, quem naturaliter cum rebus ipsis non habent nexum verba, utrum ab instituto hominum habere ita quidem possint, ut rerum proprietates indicent. Id quidem est, quod omnino affirmamus, atque ex eo aliam perfectiorem, aliam perfectissimam nominamus, quo magis id commodi præstat, aut minus.

## §. XIX.

*Perfectissima* lingua est, in qua prima etiam elementa, simplicissimi nimirum vocis humanæ soni, sive litteræ constituuntur notionum simplicium, aut quæ in alias resolui ab intellectu nostro nequeunt, signa primitiva. Quo facto, porro construi possunt ex illis litteris, quatenus notionum simplicium signa sunt, vocabula essentialiter significantia, hoc est, quorum singulæ litteræ singulis rei, quam repræsentare volumus, characteribus, quibus illa ab omnibus aliis rebus discernitur, respondeant. Quum igitur ejusmodi litterarum in una voce conjunctio, rei characteres ipsamque ejus naturam manifestet, lingua, quæ hujusmodi constat verbis, appellari jure meritoque suo potest *philosophica*; item *universalis*, quia omnes cunctarum nationum ac linguarum homines, cognito signorum primitivorum, quæ perpauca forent, significatu, intelligere facillime se invicem possent, ut opus non haberent, particularem alius gentis propriam, multo cum laboris & temporis impendio, ediscere. Hinc *perfectissimæ* quoque nomine dignam hanc esse, nemo non videt; tum quod cuncta, quæ in illa occurrunt, ipsaque etiam ejus prima elementa, ad finem perfectissimum, qui est, ut homo distincte non minus per eam cogitet, quam animi sui sensa aliis prodat, omnium optime conspirant; tum, quod rerum abdita interioraque recludens, scientiarum etiam vicem subire queat, instillando animis, per ipsa



ipsa nomina, rerum distinctam & completam notionem. Si hanc quæras, ubi sit gentium, quam tantopere laudavimus (neque tamen satis laudare possumus) in desideratis eam hæcenus esse, fatemur. Quod vero, si eruditi tantæ rei operam suam dicare velint, esse omnino possit, nemo inficiatus fuerit, qui modum, quo exillere queat, secum reputet. Posse enim rerum notionibus simplicioribus simplices vocis determinationes, seu litteras, tribui tanquam signa, quis negaverit? jam vero, cognitis rei alicujus, quæ ab ipsa involvuntur, notionibus simplicioribus, harum signa, nempe litteræ, si inter se decenti modo copulentur, in promptu esset vocabulum, quod per singulas suas litteras, singulas rei proprietates ac characteres, adeoque essentialiter significaret; ac hujusmodi vocabulorum complexus foret ea, quam desideramus, lingua philosophica, universalis, perfectissimaque. Quo de argumento legi meretur, præter GOTFR. VVILH. LEIBNIZIUM, JO. PET. REUSCHIUS, *System. Logic.* c. 4. §. 192. seq.

§. XX.

Aliquam hujus quasi imaginem deprehendere passim licet in reliquis, quæ sunt, linguis. Habent enim certas vel litteras, vel syllabas, quæ vocabulis adjunctæ, horum significationem, qua jam gaudent, varie determinant, atque alterant; dum rerum, voce indicatarum, aut unitatem aut pluralitatem, genus diversum, comparativarum qualitarum diversos gradus; in verbis actionem aut passionem, præsentem, futuram, præteritam, diversosque agendi & patiendi modos, imperando, permittendo, optando; varias etiam vocum alias ad alias relationes, ut in casibus nominum; itemque ejus, quod verbum dicit, contrarium, arguere consueverunt. Quæ singula hic recensere, aut diversitatem eorum diversis in linguis ostendere, nimis foret longum. Attamen in usu linguarum, vel intelligendarum vel loquendarum, sedulo ad ea animus attendere fas est. Namque v. g. in *Hebræa* lingua negligendum haud est punctum, quod ventri medix radicalis impressum in *Piel* & *Pual*, illic actionis, hic passionis intensiorem ac frequentationem innuit; sicut litte-

ra ה radicalibus præmissa causam moralem ac impulsivam, actionis quidem in *Hiphil*, & passionis in *Hophal*; Syllaba תת vero præposita actionem reciprocam, seu in ipsum, qui agit, reflexam, litteraque (י) futuritionem denotat. Ad quæ, qui non respexerit, nominis Dei essentialis יהוה vim non assequetur, quam S. JOHANNES *Apocal.* I. v. 4-8. hunc in modum exponit, *ὁ ὢν; καὶ ὁ ᾔς, καὶ ὁ ἰρρῶμενος*; quæ triplicis temporis distinctio, eminenti ratione, de Dei absoluta existentia, ceterorum entium causa, per litteras & puncta nominis יהוה indicatur. De quo videatur JO: ANDR. DANZIUS in *præfat. Paradigm. Hebraeor.* Nec minus in *Græco* idiomate attendendum v. g. utrum α, vocem incipiens, ad ipsum pertineat thema, an vero aduentitium sit, quo casu, vocem ea, quam habet alias, significatione exiit atque privat; cui respondet Latinorum, in un nostras, Italicum S privativum, & Gallorum *des & mes*, v. g. *ἀλογος*, irrationalis, unvernünftig: Sfortunato unglücklich, svestire auskleiden: defarmer entwafnen, defunion Uneinigkeit, melintelligence Mißverständniß.

## §. XXI.

Præter litteras ac syllabas, quæ seorsim sumptæ nihil dicunt, integra perfectioris notæ vocabula invenias, quæ rerum signatarum naturam & indolem, per primitivorum, a quibus derivantur aut componuntur, notiones manifestant; quorum quo plenior est aliqua lingua, eo & præstantior atque perfectior. Plena, præ multis aliis est *Græca*, multo autem magis *Germanica*. Perfectiorum hujusmodi dictionum vim atque præstantiam uno alterove videamus exemplo. *Græca* vox *θεῖον δῶρον*, divinæ humanæque naturæ, in salvatoris persona, unionem egregie docet. *μετάνοια*, mentem animumque peccatoris mutari vult: *πλεονεξία*, avaritiæ characterem, plus habendi cupidinem, prodit. *αὐτάρκεια*, frugalitatem, per eum animi affectum declarat, quo sua sorte contentus est; alia. *Germanica* autem palmas haud ægre dabit, quisquis ejus ingenium norit. In hac enim quis enumerare possit perfectiora substantiarum nomina, quæ ex duorum plurimve

con-

De v  
concreto  
implicat  
pactis, Pl  
affer, Zu  
rhas, Fi  
fimeram,  
substantiv  
um, quo  
ide, Voi  
Verstebec  
mentis,  
en isiden  
um quib  
us. Him  
brodlos,  
Corneus,  
offus acq  
ur, Aeri  
promus,  
se Cast  
librum,  
FRITSC  
uges ve  
hoden,  
rechticha  
sprache,  
ng, ihre  
ad V V  
gleichfar  
lage unli  
nullam  
me voca  
expomat  
pogu el  
dantiam  
langas  
in medi  
quingua  
rel ipsa  
stalis e

# De variis Linguarum Perfectionibus. 107

concretionem, horum notiones conjunctim in aliqua tertia complectuntur, ut *VVasserquelle*, *Kirschblure*, *Glaubenfgenofs*, *Blutfreundschaft*, *Ehrgeiz*, *Heldenthut*, *Regenwasser*, *Zwerchfellsblutader*, *Scaturigo aquarum*, *Flos Cerasus*, *Fidei socius*, *Consanguinitas*, *Ambitio*, *Facinus Heroicum*, *Aqua pluvia*, *Diaphragmatis Vena*. Adjectiva, substantivis jam præfixa, adjungunt iis characterem novum, quo notio generalis in specialem abit, v. g. *Freystadt*, *Vollwort*, *Grossmuth*, *Selbstbetrug*, *Eigenliebe*, *VVeifsbeckerhandwerck*, *Asylum*, *Auctoritas*, *Magnanimitas*, *Sui ipsius deceptio*, *Philautia*, *Ars pistoria*; jam iisdem suffixa, producunt qualitates, per substantiva, cum quibus cohærent, a qualitatibus homogeneis discretas. *Himmelblau*, *Sonnenklar*, *Netzfoermig*, *Sinnreich*, *Brodlos*, *Handfest*, *Trostvoll*, *Lufftleer*, *Ehrenwerth*, *Ceruleus*, *Sole clarior*, *Retis formam habens*, *Ingeniosus*, *victus acquirendi impotens*, *Manu expeditus*, *Solatii plenus*, *Aere vacuus*, *Honore dignus*. Sic de vocis fertig, *promptus*, quatenus cum aliis coalescit, significantiori notione *CASP. STIELERUS*, dictus der Spate, quem inscripsit librum, der bußfertige Sunder, illustri dicans *AHASV. FRITSCHIO*, inter alia inquit, daß kein recht gleichgultiges verstandfertiges *VVort* in den andern Sprachen zu finden, welches das *VVort* bußfertig, ohne Beysatz rechtschaffen ausdrucken moege. Unsere werthe Muttersprache, pergit ille, kan in diesem einigen *VVorte*, fertig, ihre uberreiche und unvergleichliche Reumlich-Red- und *VVechselfertigkeit* sehen lassen, und diegantz *VVelt* gleichsam zum Streit einiger Beschaemung oder Niederlage unbesorgt, kuhn-muth-und heldenfertig ausfordern, nullam in aliis linguis reperiri synonymicam vocem, que uno vocabulo hominem ad penitentiam agendam accinctum exprimat, uti apud Germanos fieri solet. Nostra vernacula, pergit ille, in hoc unico vocabulo, *Fertig*, *paratus*, *abundantiam* & *varietatem præclaram exhibere*, omnesque alias linguas ad certamen intrepide provocare potest, prolatisque in medium, horum vocabulorum, ex magna copia, ultra quinquaginta, negat vel Latinam vel Gallicam vel Italicam vel ipsam Græcam habere, quo illorum sensus atque emphasis exprimi tam presse & sine ambitu queat. Nec

mi-

minus nomina quæcunque, cum præpositionibus adverbis-  
que copulata, notiones novas, ex primitivis facile intelli-  
gendas, efficiunt, ut VViederspiel, Vorbericht, Nach-  
tisch, rechtglaublich, unvollständig, Contrarium, Präsa-  
men, Mensa secunda, Orthodoxus, incompletus. Agn-  
di patientive notionum, cum nominibus vel particulis in  
unum coeuntium, e quibus concretæ ideæ nullo negotio  
concipi possunt, numerum jam inire non audemus, v. g.  
Scheidekunst, Schiefscharte, rathschlagen, splitterrichten, be-  
werkstelligen, einverleiben, entschuldigen, *Chemia, Oslum*  
*jaculatorium, Deliberare, Obstruere, Efficere, incorporare, ex-*  
*cusare*, illud etiam nunc tacemus, hæc & omnia reliqua ver-  
ba, si infinito modo articulus nominum præmittatur, ho-  
rum etiam naturam inducere, per casus adeo flectenda,  
v. g. das VVahrsagen, des, dem *Divinatio, Divinatio-*  
*nis, Divinationi, &c.* das Zeigellstreichen, des, dem *La-*  
*terum coctio, Laterum coctionis, Laterum coctioni, &c.* Sed  
quo melius intelligatur, quid discriminis sit inter celebra-  
tissimas, quas supra memoravimus Europæas linguas, quæ-  
ve alteri antecellat vocabulorum, clare distincteque sive  
essentialiter significantium, copia, liceat jam nobis in me-  
dium proferre exemplum, ut ex uno reliqua nosse possis  
omnia. Fac aliquem, qui vini culturam nesciat, termi-  
nisque eo spectantibus haud sit assuetus, ceterum vulga-  
res alios *Germanici, Græci, Latini, Italici, Gallici* idio-  
matis intelligat, si audiat legatve aliquando vocabula ad  
vitium satum vinique usum pertinentia, in qua quæso ha-  
rum linguarum eum putas, tum citius intellecturum vel  
sine interprete, tum altius memoriæ affixurum ista. Au-  
diamus ipsum *Germanum, Græcum, Romanum, Italum,*  
*Gallum*, quemlibet suo idiomate rem vinariam desi-  
gnantem.

VVein, οἶνος, VINUM, vino, vin.

VVeinberg, ἀμπελὺν, VINEA, vigna, vigne.

VVeinstock, ἄμπελος, VITIS, vite, *sep de vigne.*

VVeinrebe, κλῆμα, PALMES, palmite, *sarment.*

VVeinlaub, δίκταρον, PAMPINUS, pampino, *pampre.*

VVeinblat, οἰνηρὸν φύλλον, FOLIUM VITIGENUM, foglio  
di vite, *feuille de vigne.*

VVein-

*De variis Linguarum Perfectionibus. 109*

- VVeingaeblein, ἱλιξ ἀμπέλου, VITICULUM, viticchio, *tenon de vigne.*
- VVeinblute, οἰνάρη, FLOS VITIGENUS, fiore di vite, *fleur de vigne.*
- VVeinbeer, κόκκος σαφυλῆς, ACINUS, grano d'uva, *grain de raisin.*
- VVeinbeerkoernlein, γίγαρτον, GRANUM VINACEUM, vinnacciuolo, *perin de raisin.*
- VVeinbeerhulic, σέμφυλον, FOLLICULUS VINACEUS, vinnaccia, *marc de raisins.*
- VVeintraube, σαφυλή, UVA, uva, *raisin.*
- VVeintraubenkamm, βότρυς, RACEMUS, grappo d'uva, *grappe de raisins.*
- VVeinpfal, οἰνοτρος, STATUMEN VITIS, palo da vigna, *echalas.*
- VVeingelaender, σιχοὶ ἀμπέλων, ANTES VITIUM, spalliera di vigna, *espalier de vigne.*
- VVeinlaube, ὄρχατος ἀμπέλων, PERGULA VITIGENA, pergola di vite, *treille de vignes.*
- VVeinbau, ἀμπελουργία, CULTUS VINEATICUS, coltura delle vigne, *cultivement de vignes.*
- VVeingaertner, ἀμπελουργός, VINITOR, vignaruolo, *vigneron.*
- VVeinhacke, σκαφεὶον ἀμπελουργικόν, PASTINUM VINITORIUM, sappa di vignaruolo, *houe de vigneron.*
- VVeinmesser, δρέπανον ἀμπελουργικόν, FALX VINITORIA, falce di vignaruolo, *faucillon de vigneron.*
- VVeinlese, τρυγητός, VINDEMIA, vindemmia, *vendange.*
- VVeinleser, τρυγητής, VINDEMIATOR, vindemmiatore, *vendangeur.*
- VVeinbeerbutte, κάλαδος τρυγητικός, QUALUS VINDEMIATORIUS, bigoncia, *botte a potter la vendange.*
- VVeinkaelter, λῆνος τρυγητικός, TORCULAR VINARIUM, torchio d'uve, *pressoir de raisins.*
- VVeinbottig, λῆνος οἰνηρός, LACUS VINARIUS, tinaccio da vino, *cuve a vin.*
- Weinkeller, οἰνεῶν, CELLA VINARIA, cantina di vino, *cave au vin.*
- VVeinfals, πίθος οἰνηρός, DOLIUM VINARIUM, botte da vino, *tonneau a vin.*

VVein-

- VVeinschlauch, ἀσπὸς οἰνηρός, UTER VINARIUS, outre da vino, outre a vin.  
 VVeingefäßs, σκαῦος οἰνηρὸν, VAS VINARIUM, vaso da vino, vaisseau a vin.  
 VVeinhahn, ἐπιστομίον πίθη οἰνοφόρου, EPISTOMIUM DOLII VINARII, cocchiame della botte di vino, robinet d'un tonneau de vin.  
 VVeinglafs, οἰνοφόρος κύλιξ, CALIX VITREUS VINO BIBENDO DESTINATUS, bicchiere da vino, verre a vin.  
 VVeinflasche, οἰνοχολὸν, SERIOLA, fiasco da vino, bouteille a vin.  
 VVeintrinker, οἰνοπότης, VINIPOTOR, bevitore di vino, beuveur de vin.  
 VVeinhaufs, οἰνοπωλίου, TABERNA VINARIA, taverna da vino, cabaret au vin.  
 VVeinmarkt, οἰνοπωλίου, FORUM VINARIUM, mercato da vino, marche au vin.  
 VVeinmeet, οἰνόμετρον, MULSUM, vinomelato, vinmielle.

Sed sufficiat, hæc pauca speciminis causa produxisse; nimis enim multa sunt, quæ restant perfectiora rei vinarie vocabula in lingua nostrate, quam ut omnibus, per diversa idiomata enarrandis, immorari queamus. De reliquis VVeinzeichen, VVeinzoll, VVeinheber, Weingebirg, VVeinkoster, VVeinkaeuffer, VVeineßlig, VVeinhefen, VVeinkahn, VVeinsaeure, VVeingeschmack, VVeinbruhe, VVeinsuppe, VVeinkalteschale, VVeinmuls, VVeinmaafs, VVeinbergfrect, VVeinbergshuterlohn, VVeinbergshaufs, Hedera, VVeitigal vinarium, Siphon, Colles vinearia, Vini Gustator, Vini Emator, Acetum vinale, Fex Vini, Mucor Vini, Vinofitas, Sapor vinosus, Oenogarum, Jus vinarium, Intrita pane e vino, Vini Mensura, Jus decimarum vini, Merces Custodis Vineæ, Casa in Vineæ exstructa, & converso ordine Firnewein, Ehrenwein, Flaschenwein, Lagerwein, Fullwein, Krautervvein, Kirschwein, Muscatellerwein, Moselwein, Speißwein, Vinum annotinum, Vinum honorarium, Vinum lagenis conditum, Vinum per multum temporis spatium se conservans, Vinum ad innovandum vetus aptum, Vi-

## De variis Linguarum Perfectionibus. III

*Vinum medicatum*, *Vinum ex Cerasis confectum*, *Vinum Apianum*, *Vinum Mosellanum*, *Vinum cibarium*, aliisque quam plurimis, quorum velducenta adhuc memorare possemus, si esset otium, viderint exteræ nationes, utrum Germanicæ linguæ vel copiam & ubertatem, vel in notando perspicuitatem suo æquipare idiomate possint, an vero malint admirari tantum, quod imitari nequeant.

### §. XXII.

Quemadmodum autem ex modo dictis obscurum esse nequit, compositas voces, quarum copia abundare vidimus *Græcam*, sed maxime *Germanicam*, eo quod claras suppeditant ideas, magnam perfectionis laudem mereri; ita hoc plenius etiam intelligetur, si observaverimus, quod earum vocum, ex quibus compositum est vocabulum, altera sistat notionis compositæ ideam principem, altera secundariam & accessoriam, quæ istam determinat, sive quod idem est, una genus, altera differentiam specificam exhibeat. Quæ quum ad definitionem rei, ab aliis omnibus distinguendæ, sufficiant, manifestum sit, per huiusmodi vocabula claras distinctasque, suo modo, rerum ideas repræsentari, linguæque haud exiguam ab iis conciliari perfectionem. Quæ major adhuc, si in conjungendo certus & constans notioni genericæ itemque specificæ, suus cuique, assignetur locus, ut vel ex ipso, quem tueretur vox loco, sciri queat, quæ generis quæ differentię notam habeat.

### §. XXIII.

*Germanica* quidem hac, quam eommendamus, pollet virtute, *Græca* non item. Nam *αὐτοκτενία* Selbstmord, & *φιλαυτία* Selbstliebe, differentiam, quæ inter homicidium, itemque inter amorem hic constituitur, habet in voce *αὐτός* selbst, quam *Germani* alteri præmittunt semper, *Græci* vero postponunt etiam indifferenter: & quem nos impietatis postulamus Schadenfroh, hunc *Græci* ἐπιχαίρει-κακοῦ & conversim κακόχαρτον utroque positu damnant, notione τῷ χαίροντος, quæ princeps hic est, primo æque  
ac

ac secundo loco posita. Scilicet composita Germanici idiomatis vocabula omnia, per notionem principalem finiunt, incipiunt per accessoriam, quarum illa genus, hæc differentiam compositæ indicat; adeo quidem, ut eædem voces situm in compositione permutantes, convertant ipsum etiam sensum, atque diversum ab illo ponant. Ex quo Germanica lingua novum, idque amplissimum, adepta ornamentum, & copię & evidentię gloria alias longe antecellit. Faciant periculum vel *Graci*, vel *Latini*, vel *Galli*, vel *Itali*, si qui suam cum nostrate contendere gestiant linguam, experianturque, num æque succincte concinne ac perspicue, ope duarum vocum, quatuor diversas notiones, proprias tamen exprimere absque confusione & homonymię vitio valeant. v. g. ex VVein & Land, enatæ VVeinland & Landwein, *Regio vitifera*, *Vinum indigena*, exhibent cum nomine ipso etiam definitionem huius *vin*i indigenæ, illic *regionis* vitium proventu inclutæ. VVeinlager ponit genus das Lager, differentiam huius a reliquis homogeniis den VVein in eo collocatum: versa vice Lagerwein ponit genus den VVein, & differentiam huius a reliquis das Lager, in quo servatur: Sic etiam VVeinprobe & Probwein: VVeinstein & Steinwein: Meerfalsz & Saltmeer: VVasserbrunn & Brunnwasser: Graßgarten & Gartengraß: Zaunpfahl: & Pfahlzaun: Gartenlust & Lustgarten: VVasserquelle & Quellwasser. Apfelholz & Holzapfel: Dachziegel & Ziegeldach: Steinbruch, & Bruchstein: Kohlbat & Blatkohl: Nelkenstammen & Saamennelken: Flossholtz & Holtzflosse, *Vinum ad cuius normam aliud examinatur*, *Vinum speciminis gratia datum*, *Tartarus*, *Vinum in regione Herbipolitana nascentis*: *Sal marinum*, & *Mare mortuum*, *Fens*, & *Aqua ex fonte hausta*; *hortus herbosus* & *Gramen in horto nascentis*: *Palus* & *Vallum palis munitum*: *Hortorum delicia* & *Adonidis Hortus*: *Scatebra fontis* & *Aqua ex scaturigine hausta*. *Pomi lignum* & *Pomum silvestre*: *Tegula* & *Tectum ex tegulis confectum*: *Lapidina* & *lumentum*: *Brasice folia* & *Brasica levis*: *Caryophylla ad semen producendum inservientia* & *Caryophyllorum semen*: *Navis codicaria* & *Lignum hisce navibus adjectum*, aliaque huius indolis quam plurima. Quam commoditatem nec in

Gra-



## De variis Linguarum Perfectionibus. 113

Græco sermone, vocum compositarum atque essentialiter significantium alias refertissimo, observare meminimus quo fit, ut non solum paucioribus verbis plura notemus objecta, sed id etiam clarius multo & citra homonymi-  
cam implicationem.

### §. XXIV.

Denique in linguæ perfectionibus, promptitudinem ponimus, tam, ut eam facile intelligere & discere, quam loqui expedite queamus. Ad utrumque, plurimum facit litterarum vocalium ac consonantium in cunctis syllabis vicissitudo, item vocabulorum brevitās, & denique eorundem liberior in sermonis usu consociatio. Quæ singula paucis adhuc persequemur.

### §. XXV.

Quemadmodum consonantes, quia non per se, sed a vocalibus animatæ, demum sonant, id nominis indepti sunt, vocalium vero plures, immediate se consequentes, pronunciando difficultatem & audiendo κακονορίαν pariunt; ita exsulet e perfectiori lingua, consonantium vel vocalium concursus, contra vero perpetua omnium litterarum diversi soni sit alternatio. Eminent hic *Hebraus* sermo, in quo alternis vicibus se excipiunt litteræ sonantes mutæque, ita, ut harum nulla sine socia illarum aliqua, vel ejus vicario, schva ponatur. *Græci*, ut mederentur idiomatis sui vitio, adhibebant satis quidem opportune vocalium contractionem, distractionem, apostrophum, & (ν) ἡνδραϊσμός: nec tamen his mediis sustulerunt prorsus, quæ ingrata auribus esse, ipsi intelligebant. *Latini* in miscendis elegantibus litteris, feliciores erant: nisi quod crebriorem paullo litteræ M usum, quæ in omni nomine quartum singularis casum finit, in verbis autem potissimum primæ utriusque numeri personæ formandæ inferuit, QUINCTILIANUM damnare audimus, qui L. XII. c. 10. quid, ait, quod pleraque nos illa mugiente littera M claudimus, qua nullum græcum verbum cadit. Ex hodiernis *Polonisam* præsertim a nimio consonantium concursu, admodum

H

dum

dum difficilem & asperam esse constat. Reliquæ, quarum hic sæpe meminimus, linguæ sonos variant satis bene, nisi paucula quæpiam, non magni momenti, excipias, quæ brevitatis studio jam prætermittimus.

## § XXVI.

Haud mediocre est vel ornamentum vel commodum, quod præstat sermoni, vocum primitivarum brevitās. Verba enim sunt rerum signa, quæ, quo expeditius deprimuntur, quoque promptius res signatas in mentem revocant, eo sunt censenda absolutiora. Qua in re antecellit *Hebræa*, ipsi vero *Germanica*, principem hic tenens locum. Illius quippe voces sunt dissyllabæ, hujus vero primitivæ fere omnes monosyllabæ. Quod radices linguæ *Hebrææ* tribus modo consent consonantibus, quæ cum subscriptis vocalibus binas efficiunt syllabas, non ignorant sanctæ & perantiquæ hujus linguæ cultores. In nostrate autem tantam vides monosyllabicorum vim, ut eorum inire numerum adgressus, ubi incipiendum ubi finiendum sit, non videas. Non solum enim substantiarum & qualitatum nomina, item adverbia atque conjunctiones, verum etiam verba in secunda singulari imperativi, quæ radix est, tantum non omnia, non nisi unica constant syllaba. Exempla ut proferamus, non opus videtur esse, quum, quocunque oculos vel animum vertas, occurrant gregatim. Monosyllaborum nostratium 3000. numerat BERNH. a MOLINCROT in dissertatione *de natura & usu litterarum*; vid. FRID. ANDR. HALLBAVERI *verbesserte teutsche Oratorie*, p. 10. Hæc tamen ipsa tot monosyllaba, inquires, nonne sermoni monotoniam & cacophoniam affricant? minime vero gentium. Etenim quam eleganter, ex *Germanica* linguæ ingenio, plura in unam coalescant vocem polysyllabicam, ex iis, quæ supra diximus, apparet luculenter. Hæc igitur cum monosyllabis alternantes, dici vix potest, quantum orationi concilient cum varietate leporem. Ita autem vocum brevitās, id præterea commodi affert, ut non duæ tres aut quatuor modo, sed plures primitivæ conlescere in unam vocem, absque nimis prolixitatis vitio, queant: quo ipso nostratē linguam aliis

*De variis Linguarum Perfectionibus : 115*

aliis & locupletiore & significantiore, adeoque ad tractandas quoque scientias cunctas, longe aptissimam reddunt : ex pluribus composita sunt Oberamtshauptmann, Oberlandjaegermeister, Reichstagsversammlung, *Præfæctus provincie cujusdam primarius, Venatorum Præfæctus, Comitæ Imperii*, alia, in LAURENT. HEISTERI compendio anatomico plura videbis & nova & essentialiter significantia, ut : Gallenblasengang, Ruckmarksnerve, Lufstroehrzweigblutader, *Meatus fellis in vesicam, Nervus ex medulla spinali ortus, Vena in Arteria aspera exiens*, centena alia etiam alibi.

§. XXVII.

Postremo inter linguarum virtutes referimus liberiores singularum dictionum in loquendo consociationem, atque constructionis ordinem. Non enim uno eodemque semper ordine res cogitamus; ergo nec eodem semper voces, quæ cogitationum sunt signa, proferendæ erant. Scilicet mens nostra sibi res hujus universi repræsentat, jam eo, quo naturaliter existunt ordine, primo causam, dein effectum, & sic porro : jam versa vice cogitat primo effectum, a quo ad causam ejus transit : jam in ea serie contemplatur, qua sistunt se sensibus nostris, aut qua ab idearum associatione ad eas ducimur : alio denique modo vagatur mens, ab iræ, amoris, odii aliisque affectibus commota. At vero cogitationum conditionem, quo magis sequitur sermo; eo est perfectior, & tum ad liberius meditandum, tum ad expeditius animi sensa aliis declaranda, accommodatior. Hac præstantia caret, uti Gallica atque Italica, ita & nostras, cum plurimis aliis, in quibus ordo verborum, inter se contexendorum, adstrictior est, ad certas regulas, per usum introductas, alligatus. Gaudent vero hac prærogativa *Græci & Latini*. Liberrime hos loqui audimus, eo ordine res enuntiantes, quo ipsis videtur, jam naturæ nexum, jam animi impetum, sequuti. v. g. Joh. III, 16. *ὁ Θεὸς ἃν κόσμον, ita dilexit Deus mundum*; decies sexies transponi salvo genio utriusque linguæ potest, una eademque sententia, multiplici tamen cum emphasi, prouti attentius

116 *Diff. de variis Linguar. Perfectionib.*

admiramur ipsum dilectionis affectum , jam hujus intentionem iram , jam amantem Deum , jam qui dilectione indignus erat , mundum. *Germani vero & Galli mutato paulisper ordine ipsum pervertunt sensum , alio hat die Welt Gott geliebet , le monde a tellement aime Dieu .* Quam in rem ingeniose Abbas Verdunensis DANETIUS , on peut dire , inquit , que le latin est un langage de gens passionnes , qui se pressent d'exprimer ce qu'ils sentent d'avantage , et que le Francois est un langage de Philosophes tranquilles , qui tend a faire connoitre les choses telles qu'elles sont en effet , & dans un ordre tout à fait naturel. Dictionnaire Francois & Latin .



DISSERTATIO SECUNDA  
D E  
RECTA LINGUARUM  
DISCENDARUM RATIONE  
*IN LUCEM EDITA*  
A  
M. GEORGIO CHRISTIANO  
HALLBAVERO  
SCHOLÆ SENATORIÆ JENENSIS RECTORE.



R

D



apu  
ret  
pue  
mu  
se  
orp  
qui

y  
ba  
ge  
sa  
me



D E

## RECTA LINGUARUM

DISCENDARUM RATIONE

DISSERTATIO PHILOLOGICA.

## §. I.



Linguae nomine nobis jam venit complexus earum vocum, quae rerum hujus universi ac cogitationum nostrarum de iis, signa sunt. Quoniam autem haec naturalem cum rebus non habent nexum, sed ab hominum arbitrio, quod varium esse potest, profecta, alia apud alios esse possint, ratio diversitatis linguarum apparet; qua de re uberius locuti sumus *dissertatione de Linguarum origine & diversitatis earum causis*. Ex quo simul & illud fluit, hominum nulli ejusmodi linguam esse connatam, veruntamen, quum intellectu gaudeat & organis, edendae voci articulae aptis, eum posse ab iis, qui loquuntur, loqui discere.

## §. II.

Linguam vero discere, est operam dare vocibus, quibus alii homines exprimunt cogitationes suas, vel intelligendis tantum, vel adhibendis etiam ad sua animi sensa indicanda; aut, ut breviores simus, est imprimere menti, quid quaelibet vox in aliqua lingua significet.

H 4

§. III.

Ad discendam autem linguarum aliquam naturali lege iisdem tenemur ex causis, ob quas Deus organa facultatemque loquendi nobis est largitus, nimirum, ut sermonis ope non tantum socialem inter nos coleremus vitam, verum etiam qua pollemus, ratione facultateque cognoscendi uteremur ad parandam rerum hujus universi, atque ex iis conditoris benignissimi cognitionem, nostramque adeo felicitatem: quo de fine egimus *diff. de variis Linguarum perfectionibus* §. 4. 5.

## §. IV.

Quum vero rei uni indicandæ unum sufficiat signum, una etiam lingua, quæ singularum rerum singula contineat signa, homini sufficere omnino potest, ad cogitandum ac loquendum de rebus quibuscunque. Multi etiam fuere populi, qui non nisi suæ seu vernaculæ gnari, multa floruerunt felicitate, ac eruditionis quoque laude inclaruerunt, ut *Græci*, ob id ipsum meliori sorte usi, quod domestica philosopharentur in lingua. Namque, ut eruditionis pars aut requisitum absolute necessarium sit plurium linguarum cognitio, quod nonnulli putent, tantum abest, ut potius meliori doctrinæ magno sit impedimento, eo quod plurimum temporis, magnamque vegetioris ætatis partem, in veri & recti scrutatione potius collocandam subducit, idque efficit, ut adultiores vix discere incipiant, quæ pueri jam scire potuissent, si discendorum vocabulorum multitudo, variæque eorum usum regulæ eos non ab ipsis rebus tam diu abstraxissent. Quæ meminisse juvat, ne a fallu inani inflari se patiatur aliquot linguarum peritiam consecutus: nec eruditionem ipsam ac sapientiam ex Grammatica, aut vocum indice se complexum vana persuasionem arbitretur, velut is, qui gloriam latine & polite scribendi, inter humanos conatus summum tenere locum, seque decrevisse in hac vitam finire, dixisse perhibetur IO. FRANC. BVD-DEO in *selekt. jur. nat. & gent.* pag. 333.

## §. V.

Inficias tamen ire non possumus, pro hodierno nostrarum rerum statu, id quod per se minime necessarium erat, jam fere requiri in vario vitæ genere, vel ad variam



*De Recta Ling. Discendarum Ratione.* 121

riam doctrinam comparandam, vel communitatem cum  
exteris jungendam, variaque vitæ nostræ, commode be-  
neque tractandæ, præsidia consequenda. Est ergo, ubi  
aliorum etiam populorum linguas intelligere aut loqui, e  
re nostra esse videmus.

§. VI.

Cunctarum gentium linguas discere, nec possibile, nec  
opus est. Jam quis æquo ferre possit animo THEODORI  
BIBLIANDRI *Helvetii ostentationem*, qui in *comment. de*  
*ratione communi omnium ling. & liter.* se gratia Dei fæ cultatem  
aliquam scribendi aut loquendi, aut certe judicandi de  
iis linguis, quæ totum terrarum orbem longe lateque  
possident, ipse scribit; quod habet DAN. GE. MORHOFF.  
*Polyhist. T. I. l. 4, c. 4. §. 2.* Quænam vero earum potissimum,  
& quot numero discendæ sint ei, qui ad linguarum stu-  
dium animum appellit, quemlibet sua docebit vel ani-  
mi inclinatio, vel vitæ, cui se dare decrevit, ratio.

§. VII.

Qui docti hominis nomen tueri gessit, non potest,  
quæ hodie rei litterariæ est facies, *latina* linguæ carere  
peritia. Hæc enim communis fere est omnium literato-  
rum inter omnes gentes, qua rerum divinarum humana-  
rumque scientias tractant, qua se mutuo intelligunt, in-  
venta sua invicem communicant, pulcherrimos ingenii  
scætus publico usui consecrant. Quoniamque nulla orbis  
terrarum est pars, nulla fere provincia aut urbs, ubi non  
litteratos invenias, is, qui *latinam* callet linguam, ubivis  
gentium domi est & reperit, quibuscum loqui possit;  
quapropter & iis, qui vel commerciorum vel animi caus-  
sa exteras adire gentes, aut per literas cum illis agere  
cupiunt, perquam utilem esse remur, præsertim quum ipsa  
multarum earumque celebriorum linguarum mater, adha-  
rum intelligentiam expeditam pandat viam. Litterarum  
studiosis cunctis fere haud minori se commendat utilitate  
*Græca* oratio, tum ob oraculorum novi testamenti, tum  
ob alia quamplurima, patrum primitivæ ecclesiæ, histori-  
eorum, philosophorum, medicorum, sacra eximiaque mo-  
numenta, denique propter vocum *Græca* originis multitu-  
dinem, quæ in *latinam* æque ac alias affatim adoptatz  
sunt linguas. *Ebræus* sermo, quo divina veteris instrumen-  
ti

ti effata expressa sunt, scitu necessarius est cunctis, qui ista salutis nostræ fundamenta prima, non ex metaphrasis humanis, sed ex propriis ipsisque virorum *Scripturæ* verbis haurire cupiunt. Reliquarum quas discere operæ sit pretium, itidem ex commodis, quæ quis ex iis habere possit, judicandum. Ante enim quam animum adjungas ad linguæ alicujus studium, expendere omnino par est, an utilitatem, quæ compensare laboris suscipiendi gravitatem queat, ex ea aliquando capere possis; quo cognito alii *Russica* vel *Polonica*, alii *Gallica* aut *Italica*, alii alia condiscenda præ reliquis erit. Namque vel commercia ac negocia cum exteris habenda, vel res aliorum populorum gestæ, ex propriis eorum scriptis eruendæ, vel scientiæ a quadam gente præcipue cultæ, suadebunt modo hujus modo illius linguæ studium.

## §. VIII.

Sed diversus est linguarum discendarum finis. Aut enim ut intelligat tantum peregrinum idioma, aut ut eodem sensu animi explicare ipse queat, expedire sibi aliquis putat. Quæ diversi finis utique habenda est ratio, ne plus temporis & laboris, quam scopus nobis præfixus postulat, idque cum detrimento studiorum magis necessariorum impendamus. Haud itaque probare possumus non nullorum, qui linguas docent, institutum, quo in *Græcum* *Ebraicum* idioma convertenda discitentibus proponunt, quum nullus tamen vel scribendæ vel loquendæ, ejusmodi linguæ usus per totam vitam sperandus sit. Attamen liberæ animi propensioni aut ardori, quo quis flagrat in linguæ alicujus, ultra quam opus erat, consequenda cognitio-  
ne, nihil interdictum volumus.

## §. IX.

Ipsam linguarum discendarum rationem vel *naturalem* vel *artificialem* dicere possumus: istam optime se habere, hanc eo pejus, quo longius a naturali discedit, haud mirum. Quippe natura optima duce vernaculam discimus infantes nullo labore, exiguo tempore, ac tamen bene: reliquas ut plurimum vario artificio ac regulis discruciat, vix longo temporis intervallo, magno cum tædio, plerumque etiam corrupte. Nos, qua fieri potest, naturalis sequemur vestigia.

## §. X.

## §. X.

Scilicet ipsa rei natura nos docet, & facilius & prius esse, ut intelligas, quam loqui velis linguam. Quæ quoniam est complexus vocum, res certas ex usu denotantium, necesse est, ut qui istam intelligere gestiât, vocum singularum significatum, quem ex usu gentis alicujus habent, discat. Quum porro vocabula sint rerum signa, atque cujus rei signum aliquid sit, non melius intelligatur, quam si cum signo ipso conjunctim exhibeatur signatum, etiam vocabuli notio neque celerius neque rectius concipi potest, quam si cum vocabulo ipsa res, quam denotat, sensibus una offeratur.

## §. XI.

Hæc methodus ceteris antecellit non unam ob causam. Est enim primo plane *naturalis*. Nam vocabulum ideo rem significare dicitur, quod cum ipsa, ut ejus signum esset, copulatum, atque adeo cum ea semper conjunctim animo representandum est: id quod, utroque sensibus simul oblato, omnium optime fieri potest. Deinde hac ratione suam quisque, sine ulla regula aliumque libet & cujuscuque nationis, quemve ipse non intelligit, docere potest, ita quidem, ut multorum hominum, qui sibi invicem barbari, alius alii suum impertire idioma, itemque ab uno omnes simul & eadem opera linguam ignotam capere queant. Ad quæ accedit, quod hac methodo cunctarum vocum significatus perspicue atque indubie concipiatur, quoniam exhibita re ipsa cum vocabulo, hujus notio neque obscura neque ambigua esse potest, ut sit alias, quum signum per aliud signum, h. e. vocabulum ignotum per aliud, quod sæpe ipsum est obscurum aut anceps, explicare volumus. Ut res exemplo illustretur; in *Ebraea* discenda per aliam linguam, quid vox מִשְׁכָּן denotet, *Græco* homini exponitur per vocem *κλεις*, *Latino* per clavis, *Italo* per chiave, *Gallo* per clef, *Germano* per Schlüssel, alii per aliud nomen, quod pluribus etiam notionibus convenire potest. E contrario, ipsa re, quæ significatur, cum voce מִשְׁכָּן monstrata, hujus notio omnibus, cujuscunque sint nationis aut linguæ, evidentissime exponitur, omni sublata animi fluctuatione, quæ in vocabulorum per alia vocabula explicatio-

catione, propter horum homonymiam locum non habet. Sic *cardo* & *hamus*, *vicus* & *macula*, *custos* & *pileo*, *cista* *taberna* & *valua*, *amygdala* *tonsilla* & *acerui* *mergitum*, *hirsutus* & *fumus*, *zea* & *colus*, *salix* & *pascuum*, aliaque latinorum plurima Germanice reddita, dubium faciunt sensum, praesentibus autem simul objectis certus ac distinctus concipitur vocum significatus.

## §. XII.

Hunc, quem laudamus, esse facillimum ipsique naturae convenientissimum linguarum discendarum modum, vel ex eo claret, quod non solum majores natu, verum etiam infantes, sensuumque & rationis usu infirmissimi hac ratione linguas discunt ab imperitis regularum artis ac illiteratis, cum quibus sunt, idque breviori tempore minorique (vel nulla potius) molestia, quam alii a magistris linguarum peritis, ope multarum praeparationum, lexicorum, grammaticarum, aliorumque subsidiorum.

## §. XIII.

Quapropter longe felicius discunt linguas in hortis, campis, silvis, variis opificum officinis, quam in Museo semper haerentes: aut quando hac opportunitate non semper frui licet, ipsae rerum, sive a natura sive ab arte effectarum, sculptae pictae aut aeri incisae imagines, ut venationum, piscationum, agriculturae, aucupii, ceterarum rerum oeconomicarum, opificiorum, praestare vicariam operam paremque utilitatem possunt. Huic fini praesertim inserviunt rerum ab orbe condito gestarum, quas Scriptura Sacra vel alii etiam auctores antiqui, & recentiores memoriae prodiderunt, tabulae scite in aes incisae.

## §. XIV.

Altera discendarum linguarum via anfractuosa multum, usu tamen trita est ope vernaculi vel alius cogniti iam nobis idiomatis. Quae quam plerumque multo difficilior fiat eorum, qui ducunt, erroribus; operam dabimus, ut

*De Recta Ling. Discendarum Ratione.* 125

& hæc, qua omnes fere eunt, apertior breviorque reddatur via. Quando ergo, quid peregrina significant vocabula, per rerum ipsarum præsentiam manifestari nequit, fieri illud debet per voces vernaculæ aut alius, quæ nobis satis cognita est. Quod quidem adminiculum nobis præstant *lexica*, quæ extraneæ linguæ verba, ordine aut alphabeti aut derivationis disposita, explicant per vocabula linguæ cujuscumque notioris. Sed quoniam in ipsa etiam vernacula multa occurrunt, quæ nobis obscura, vel ambigui sensus sint, hæc vero declarare exoticas voces non possint, rectius harum significatus discitur ex ipsa statim librorum lectione, adjuncta præsertim viva docentis voce, quam ex lexico aut separatarum vocum indice.

§. XV.

Scilicet non melius verbi alicujus significatio, quam ex sermonis contextu cognoscitur: præterea ratio vocum, pro gentis usu, invicem conjungendarum, seu phrasæ, & loquendi formulæ simul addiscuntur: tum multum interest, continuo ad ipsam rem sine ambagibus accedere, scopumque, qui est intelligentia sermonis peregrini, vel voce vel scripto prolati, statim petere; postea in omni linguarum studio nihil reperies vel jucundius vel facilius, quam cognoscere ab aliis belle scripta, atque ex iis quæ animum oblectent, haurire: denique legendis libris simul vocum ignotarum copia vel inopinanti lectori; atque cum voluptate quadam, se insinuant.

§. XVI.

Facebant ergo sub initium onomastica quæcunque, seu ut dicunt *vocabularia*, tota memoriæ mandanda; faciant hinc *Grammaticæ*, absint longissime *exercitia* vel loquendi vel scribendi linguam; antequam eam intelligas. Rectius ab ipsa statim boni scriptoris lectione facere initium jubent rationes in medium paulo ante prolatae. Multum tamen refert, quo ordine quave methodo in hac verferis, quoniamque in rebus etiam facillimis initium omne grave videtur, præcipua erit cura nostra, ut reddantur, quoad  
jus

jus fieri possit, plana atque expedita omnia. Quod triplici adhibita cautione effici posse confidimus, primo *preparatione*, tum ipsa *lectione* perspicui elegantisque libri, posteaque *repetitione*. Namque decentem ipsorum elementorum seu *literarum* pronuntiationem, earumque inter se conjunctarum, pro more in aliqua gente recepto, legendi rationem nos hic præsumtam habemus.

## §. XVII.

*Præparatio* autem instituenda hoc modo, ut primi capitis seu pensî præcipua vocabula, & quæ in sequentibus sæpius recurrunt, cognita fiant. Quumque illud demum teneamus, quod sæpius, ac, si fieri potest, pluribus oblatum fuerit sensibus, vocabula nec facilius, nec citius mentî imprimi possunt, quam si præeunte docentis voce, ipse discens eadem, litteris consignata, legat, ut per geminos sensus, auditum atque visum simul, se in animum ingerant. Quo facto, eadem aliquoties a discente scribi & ita quidem expedit, ut manum socia semper comitetur etiam discantis vox, seu, ut pronunciet clara voce, quæ scribit, quo iterum per plures externos sensus in mentem introeant vocabula cum sua significatione. Ad *preparationem* hancce primo pauca sufficiant, ipso studii progressu semper augenda, ac tum quidem ita, ut incognitæ legendi capitis voces non simpliciter, sed per casus & numeros, item per tempora ac personas flexæ, & scribantur, & recitentur, præeunte primum magistro, postea secundum tabulam seu schema aliquod, ab ipso propositum. Qua vocum declinatione non modo memoriæ illarum optime consulitur, sed eadem opera cum notione principis, quæ semper manet, accessoria innotescit, quam numerorum casuum temporumque efficit diversitas.

## §. XVIII.

A prævia *preparatione*, continuo ad ipsam *lectionem* properandum, quæ ut expeditior reddatur, docens enarratis breviter, ad lucem præferendam lectioni, iis quæ in capite tractantur; voce præeat ipse singulorum paragrapho-

De R  
phorum  
nem, pro  
a, ut e  
pro lingu  
tum arc  
expellit  
tia per e  
locus ob  
ne excu  
ur, sed  
atio.

Quo fa  
pli fruct  
phos per  
am, inf  
consigne  
Hanc no  
madvert  
gare ex  
effugera  
da ver  
qua der  
tentata  
quæ tan  
lem a  
rum fir  
stium t  
det. Q  
men no  
tione m  
trea ve  
ti infini  
ipius f

Hæ  
orte,

*De Recta Ling. Discendarum Ratione.* 127

phorum lectionem & in vernaculum idioma translationem, primo quidem ut verbum de verbo exprimat; dein, ut eorum in orationis contextu sententiam exponat pro linguæ, in quam transfert, genio. Tum docentem suum arte sequatur discens, ut factam unius paragraphi expositionem imitetur e vestigio, antequam illius memoria per ea, quæ sequuntur, obliteretur. Nullus vero hic sit locus observationibus, vel grammaticalibus vel criticis aliisve excursibus, ne rerum connexarum series interrumpatur, sed sine remora ad finem perducatur totius capitis lectio.

§. XIX.

Quo facto, *repetitio* hac ratione instituenda, quo suus ipsi fructus consistat, ut docens eundo per singulos paragraphos peregrina roget vocabula, a discente per vernaculam, inspecto contextu reddenda, dein ut hic litteris nunc consignet ipse quam a docente percepit capitis versionem. Hanc noster tentabit, ut quæ ex lectione retinuerit, animadvertat, quæque minus aut perperam intellexerit, rogare ex docente queat; nam quæ legentis attentionem effugerant, jam non possunt. Ex quo, quantum scribenda versione attentio discantis excitetur, manifestum est, qua denique relecta post temporis intervallum, vel denuo tentata, quid interea profecerit idem, se prodit. Hanc, quæ tantæ est utilitatis, versionem expedit duplicem, qualem a docente accepit, condere. Alteram, quæ verborum singulorum proprietatem sequendo, cuilibet dictioni statim subjungat, quæ in vernaculo idiomate ei respondet. Quæ, quamvis peregrinum ac asperum sonet, tamen non parum emolumenti adfert, quum haud alia ratione melius linguæ utriusque idiotismi addiscantur, præterea vocum singularum proprius significatus denuo se menti insinuet. Hanc verborum versionem, altera excipiat ipsius sensus, quem omnium partium suadet coherentia.

§. XX.

Hæc primi penk, & aliquot sequentium, translatio forte, quod suspicari possumus, deformis ac illepidæ exierit,

rit, tam parum tamen a cœpto detertere debet, quam verum illud, *qui nunquam male, nunquam bene*. Quo verbo audentior factus, pergensque eo, quem commonstravimus tramite, in dies cuncta lætius efflorescere animadvertet. Ut tamen tædium insueti laboris levetur, consultius putamus cuncta, quæ diximus, primo saltem mense, non nisi præsentis & suppetias ferente magistro facere. Viva enim docentis vox, qua melius capimus omnia, peregrinæ dictionis rectam pronunciationem & interpretationem præstet, ambiguitatem, si qua est, tollit per synonyma, per rei descriptionem, vel per aliquem locum, in quo adhiberi debeat; male vel enuntiata vel scripta, vel perperam intellecta corrigit, inque memoriam, quæ effluxerant, revocat.

## §. XXI.

Tria hæc, inter quæ ipsa lectio atque versio eminet, naviter continuata sufficiunt ad intelligentiam cujuscunque sermonis acquirendam. Quo nomine eam eximie laudat EHRENFRIED WALTHER a TSCHIRNHAUSEN in *medicina mentis & corporis* Part. II. inter alia egregia, *memini*, inquit, *me vidisse puerum annorum circiter decem, qui duorum annorum spatio omnes latinos auctores vulgatos bene intelligendi sibi habitum compararat; tantum inde, quod varios auctores interpretandi consuetudinem sibi habuit commendatam*. Rationem autem rei hanc damus. Legendis interpretandisque assidue libris eadem vocabula sæpe occurrunt, adeoque una cum significatione sua aliquoties repetita tenentur facile memoria, & quotidie augentur numero; quumque non nisi ex vocabulis tota constet lingua, consequitur, qui crebro legit, cum multas voces memoriæ facilius imprimere, qui hoc, cum cito ad intelligentiam linguæ pervenire. Ita, ut manus manum, sic & lectio copiam vocabulorum, hæc lectionem juvat.

## §. XXII.

Sunt tamen pauca adhuc, quæ ad linguæ cujuspiam ocyus meliusque consequendam intelligentiam, monenda,

e re



*De Recta Ling. Discendarum Ratione.* 129

e re esse ducimus. Et ut vocabulorum quidem copia, qua commode fieri possit ratione, breviorique comparatur tempore, præter ipsam lectionem quam plurimum faciunt *Lexica* rite adhibita. Ex his ut promiscue omnia vocabula memoriæ, quod vulgo multa cum carnificina fieri solet, mandentur, auctor nunquam fuerim. Namque vocabula extra connexionem cum aliis posita, nihil de rebus ipsis dicendo, neque intellectum cognitione satiant, neque voluntatem afficiunt, adeoque non sine tædio aliquoties leguntur sæpiusque releguntur, ut memoriæ, vi quasi illata, inculcentur, eoque ipso ægre difficulter retineantur. Taceo, quod hac ratione multa, per totam vitam vix semel aut prorsus non occurrentia, in futuræ oblivionis spem addiscantur.

§. XXIII.

Ad nostrum autem scopum faciunt maxime *Lexica minora Indicesque vocum*, qui derivationis sequuntur ordinem; cujusmodi adornarunt CHRISTOPH. CELLARIUS in *latine lingua libro memoriali*, Jo: ISAC. SCHAZIUS in *Cellarius Francoi*, alii in aliis linguis. Neque vero hæc memoriter totave ediscenda tradimus, sed legenda tantum hac fere ratione, ut eorum, quæ in lectione auctoris aliqujus incognita occurrerint, alia per declinationis aut conjugationis exercitium, ut supra jam dictum, memoriæ mandes, alia in ejusmodi *lexico* quæsitæ, cum omnibus cognatis, ab eadem radice oriundis, perlegas vel in utroque idiomate, vel in uno tantum, alterutro contexto, quod e memoria, promendum aut ex derivationis analogia æstimandum. Namque semel perspecta certarum particularum in compositione vi significandi ac derivationis analogia, quum unum vocabulum noveris, reliqua derivata ac composita omnia noveris, v. g. quum didiceris, quid significet eo *Latinorum*, atque seriem inde derivatorum in *memoriali Cellariano* quæsieris, haud difficulter scies vel suspicaberis, quid ab eo, ad - ante - amb - circum - con - ex - in - inter - intro - ob - per - præ - pro - re - sub - transeo, item quid substantiva abitus, aditus, ambitus, circuitus, exitus, interitus, introitus, obitus, reditus, transitus, & reliqua sibi velint: quod parandæ vocum copiz

egregium compendium fufius tractavit Jo: JOACH. BECHERUS in *methodo didactica*.

## §. XXIV.

*Lexicorum* autem majorum, quæ omnes vocum significaciones etiam rariores complectuntur, ufus efle potefl in ipfa librorum lectione, præfertim quum hæc difficultatis non nihil habere, ex dubia vocum acceptione, forte videatur. Non enim efl lingua, arbitramur, quæ homonymiæ vitio non laboret, unde tot sæpe in auctorum explanatione nodi Gordii, vel a linguæ peritiffimo ægre interdum folvendi. Vix deprehendas vocem, quæ unico & fixo ufurpetur femper in fenfu. Notionem principem & propriam, cui fignificandæ vocabulum primo efl impofitum, ftipant denfo agmine methaphoricæ, metonymicæ, fynecdochicæ, a variis fcriptoribus varie adhibita, ut eas omnes memoria fe tenere nemo gloriari poffit. Quapropter, qui inoffenfo pede in legendis peregrini idiomatis libri verfari velit, haud commode ejus generis *lexicis* carere poterit. Quibus tamen ita utendum in ipfa lectione remur, ne multa nimisvolvendo, ea retardetur, fed tantum ubi dictionum fignificatus, quem tenemus, quadrare non videatur.

## §. XXV.

Neque etiam prætermittendæ hoc loco funt *verfiones* aliorum, vel in vernaculam noflram vel aliam, quam bene cognitam habemus linguam, quas majori etiam nunquam cum fructu, quam ipfa lexica, inter legendum confulere poteris. Sive enim magiflro, qui te doceat, omnino deftitutes fis, five etiam tuas periclitari vires, & absque illius auxilio fcriptorem quemdam legere velis, bene ceder, fi verfionem in fubfidium vocatam, ante capituli vel paragraphi lectionem, infpiciens, fenfum verborum, in peregrino idiomate legendorum, præceperis. Verfionis autem non data facultate, non efl incipienti legendus alius liber, quam cujus materia, & argumentum cujuslibet capituli ipfi fatis fit perfpectum; hoc enim modo

*De Recta Ling. Discendarum Ratione.* 131

do duæ aut tres voces cognitæ sensum reliquarum sæpe manifestabunt.

§. XXVI.

Ex quo etiam, qui libri initio sint legendi, haud difficulter colligere licet. Namque quum a facilioribus esse ordiendum nemo cum ratione negaverit, jam qui libri faciles vocari queant, ante dispiciendum. Facilitas, puta intelligendi, a duabus potissimum pendet causis, tum ab ipsarum rerum, tum ab orationis, qua istæ exponuntur, perspicuitate. Perspicua illa est locutio, quæ verba non quidem plebeja, multo minus barbara aut obsoleta, sed vulgata usuque trita habet, iisque utitur quoque in significatione usitatissima & propria, atque adeo a tropis & figuris vel Grammaticis vel Rhetoricis plerumque abstinet. Res autem ipsæ a nobis hic vocantur perspicuæ, quæ non ad scientiarum artiumve genus pertinent, sed in communi vitæ ratione & consuetudine quotidiana locum tuentur suum. Huc referimus rerum gestarum narrationes sive veras sive fictas, item epistolas, & colloquia familiaria de rebus quotidie occurrentibus.

§. XXVIII.

Primas tenent res gestæ, utpote in quibus etiam aliquis nexus, ut ex antecedentibus intellectis sequentium verborum sensus facilius cognoscatur. Quoniamque varietate sua mirifice discentis delectant animum, qui alias facile lassaretur; consieri etiam necesse est, ut cum oblectatione rerum ipsa vocabula, quibus illæ propinquantur, vividius se menti repræsentent. Quo accedit, quod ipsa historia amet fere eum, quem incipienti commodum diximus stilum planum, vulgarem, atque perspicuum. Ergo commendamus historicos primo legendos, præsertim veteres latinos *Cornelium, Casarem, Justinum, Curtium, Salustium, Suetonium, Paterculum*, itemque fabularum elegantissimarum scriptorem acutum *Phædrum*, non solum omnibus qui *Latina*, sed etiam reliquis linguis operam navant, in quas isti conversi sunt. Sed omnium instar esse possunt in quacunque lingua *Biblia Sacra*, in qui-

bus historia rerum divinarum humanarumque, temporum, personarum, eventuum adiutorum vicissitudo, cum coelesti doctrina nostrisque ad æternam salutem institutione conjuncta, mirum in modum attentum facere possunt lectoris animum. Quorum lectio eo expeditior faciliorque sit, in quocunque idiomate, necesse est, quo magis jam a prima ætate rerum, quæ in sacro Codice leguntur, instillata nobis est cognitio. Sic *Tanaquill Faber* discendæ Latinæ linguæ aliquot Evangelii S. Johannis capita ex ipsa vulgata fundamenti posuit loco. Qua methodo usi *JOBUS LUDOLPHUS*, & *GODOFRED. VOCKERODUS*, celeberrimi polyhistores, eandem cunctis commendarunt; vid. hic in *consultationibus de literarum studiis*.

## §. XXVIII.

Ita quotidie continuata faciliorem scriptorum lectione, brevi fiet, ut habitum legendi & interpretandi externos autores adeptus, pergere jam non modo ad difficiliore, verum etiam peregrinum æque promte ac domesticum legere sermonem possis, hoc est vocabula peregrina immediate statim cum ipsis rebus conjungas, non vero per ambages primo cum vernaculis, & ope harum, cum rebus, quarum sunt signa.

## §. XXIX.

Et tantum profecisse multis in linguis plerumque sufficiet iis, qui alieno sermone loquentes aut scribentes intelligere tantum volunt. Nam qui eo pergere in linguæ alicujus studio in animum induxit, ut possit ipse in ea sua animi sensa exprimere, aut quando aliqua lingua ita est comparata, ut eorum, quæ in illa scripta sunt, genuinam sententiam indubie cognoscere quam plurimum referat, ac contra aliorum sinistras interpretationes tueri necesse sit, tunc grammaticali etiam, eaque accuratiori, linguæ cognitione omnino opus est.

## §. XXX.

## §. XXX.

*Grammatica* enim tradit regulas pure & recte loquendi, non quidem ex proprio ingenio, sed ex observata in linguæ alicujus usu locutionum similitudine conditas: ergo utramque, quam modo indicavimus, utilitatem præstare potest. Nempe in eruendo ac defendendo cum certitudine scripti alicujus vero sensu, quæstio est non solum de simplici vocum significatione, quam lexica suppeditant, sed de consuetis in aliqua gente diverforum generum, graduum, casuum, numerorum, personarum, temporum, conjugationum activæ & passivæ notionis, characteribus, vocumque invicem construendarum diversis formis, ex quibus inter se collatis de totius contextus sententia judicare licet. Quum igitur *Grammaticæ* istas vocum affectiones doceat, inprimis Theologiæ operantibus necessaria est *Grammatica* Hebrææ Græcæque cognitio ob sacri Codicis, primi scientiæ salutaris principii, interpretationem rite instituendam. Quod non minus ad eos quoque pertinet, qui, ut ipsi in idiomate aliquo cogitationes suas expromere possint, statutum apud animum habent, utpote quos ejus gentis, cujus proprium illud est, sequi oportet loquendi usum, quemve *Grammatica*, justis regulis conclusum in compendio exhibet. Quapropter in ista tractanda tres notamus errores, a quibus multi decipi se patiuntur. Primus est eorum, qui ea penitus neglecta se ingenti adminiculo ipsi privant, quando uri noiunt eo temporis & operæ compendio, quod nobis præstiterunt, qui suas de recte loquendi ratione experientias, longo studio ac indagatione multa comprobatas, paucis aliquot regularum verbis expresserunt. E contrario nec melius illi agunt, qui toti atque continuo in *Grammatica* sunt, eoque parcius in legendis imitandisque scriptoribus probatis. Hi omnes voces secundum præcepta Grammaticorum exigentes, quasi ipsi auctores ad horum placita, & non potius hæc ad illos accommodanda essent, longo tempore hærent in uno auctoris capite explicando, ac parvum librum vix multis annis, vel ne totum quidem perlegunt, tantum abest, ut imitari aliquando discant. At verissime

pronunciat Jo. GEORG. VVALCHIUS in *Hist. crit. latinæ linguæ*, optimos Grammaticos latinos ne mediocriter quidem artem latinæ loquendi calluisse, exemplo VAR-  
RONIS, SCALIGERI. Tandem hic etiam peccare nobis videntur, qui statim sub initium discendi alicujus sermo-  
nis ad *Grammaticam* suos ducunt, quasi ad intelligendum sermonem peregrinum, quod primum in omni linguarum studio est, ipsa lectio usulve quotidianus loquentium non longe citius meliusque duceret, teste perpetua ac quoti-  
diana tot hominum experientia, qui vel sola consuetudi-  
ne audiendi legendive exteros, brevissime eo perveniunt. Præter alios multos testes ipse Grammaticæ philosophicæ auctor CASP. SCIOPIUS negat, se ullam didicisse Gram-  
maticam latinam, sed ex quotidiana modo auctorum le-  
ctione usuque loquentis, nominum verborumque declina-  
tionibus memoriæ mandatis, sex mensium intervallo se *Latinæ linguæ* intelligentiam consecutum fatetur. Gravior  
vero iste est error, quando tenera ætas perplexis Gram-  
maticorum præceptionibus discruciat, quum citius hialli-  
quot faciles auctores legendo intelligere, quam *heterogeneo-  
rum, heteroclitorum, deponentium, epicœnorum*, aliorumque  
terminorum, monstra quæ ipsis videntur, capere possint  
sensum. Quem pessimum morem damnat MORHOFIUS *polyhist.* part. I. Lib. 2. cap. 1. Ego quidem, inquit, sic  
existimo, eandem esse Grammatices difficultatem, quæ est  
vel *Metaphysices & Logices*, atque adeo illos ineptos esse,  
qui illius minutis puerorum ingenia torqueant. Nunquam  
ego tam felicitis quemquam puerum ingenti fuisse arbitror,  
qui Grammatices artem illa ætate apprehendere potuerit,  
nam usus & maturior ætas, quæ ad Philosophiam apta  
est, illa demum docebit.

## §. XXXI.

Recte quidem is. Atque ita etiam sentimus, *Gramma-  
ticam* minime negligendam, sed omnino, suo demum tem-  
pore & loco, decentique ratione tractandam. Nimirum  
quando in linguæ studio profecerimus, ut intelli-  
gere loquentes aut scribentes in ea possimus, tunc addi  
potest illius cognitio, leviori opera, nullo cum tædio,  
ubi-

*De Recta Ling. Discendarum Ratione.* 135

uberiorque cum fructu. Duplici autem ratione eam legendam putamus, primo totam, ut cunctarum de linguæ alicujus genio ac puritate observationum aliquod systema ac complexum menti repræsentemus, dein ut, in librorum lectione accuratiori, ubicunque ad sensus veri indagationem facere aliquid *grammaticales* regulæ possunt, eas in subsidium adhibeamus, denique in scribendo, ut ea, quæ ipsi alieno idiomate expressimus, ad analogiam *Grammaticam* exigamus, admissæque a nobis sermonis vitia corrigamus.

§. XXXII.

Hac igitur fida comite, qui eo, quem intelligere didicit, sermone jam etiam sua animi sensa aliis exponere gestit, ad alterum, qui in linguarum studio consequendus est, progreditur finem. Cujus non rectius compos fieri poterit, quam *imitatione* eorum, quorum sermonem suum facere vult. Namque ad scribendum atque loquendum in aliqua lingua necesse est, ut iisdem utamur signis atque eodem etiam modo, ad indicandas res, quo uli fuerunt, quorum ista lingua est domestica. Quo circa aliorum linguam loqui discimus nonnisi imitando eosdem, quemadmodum vernaculam ex sola *imitatione* nostratum didicimus. Quod imitandi negotium cum diversa ratione institui possit, ab ea, quæ facilior, & hic initium capiendum esse, ipsa jubet ratio.

§. XXXIII.

Facilius autem est *imitari* statim auctores, quos jam de aliqua re præcuntes nobis voce sua habemus, idque vel in singulis phrasibus, vel in continuo sermone. Ergo primus *imitandi* modus hic esto, ut jam potiores terli probatique auctoris loquendi formulas, in lecto a nobis capite lincola notatas, atque in sermonem nostratem translatas, rursus in peregrinum convertamus remoto auctore; jam singulos paragraphos, quin tota capita, epistolas, historias, orationes, paullo ante lectas, atque in vernaculam linguam a nobis translatas, itidem statim seposito auctore in peregrinum rursus convertere tentemus, ita quidem, ut iisdem, quibus ipse usus est auctor, verbis & phrasibus eandem rem exponere nitamur. Quæ potissima translatio, quam nobis hic liceat *imitationem* ap-

pellare, quatenus eorum sermones, quos legimus, imitari conamur, non uno se commendat nomine. Primo longe *facillima* est, quum de eadem re verba ac phrasæ, quibus auctor eam expressit, paullo ante lectæ atque in vernaculum conversæ, in recenti adhuc hærent memoria, & ob oculos quasi versantur, neque sic opus habemus querendis in lexico vocabulis ac locutionum formis, quo oleum & opera sæpe perit, diu immorari. Dein *utilissima* etiam est hæc imitandi ratio, dum non, quod alias fieri solet, barbaro, a nobis efficto, aut ex diversi stili auctoribus male confarinato, sed puro & æquali adfuescimus sermoni. Denique & id commodi præstat; quod alia nulla in linguis exercitatio, ut collato rursus auctore nos ipsi corrigere compositionis nostræ vitia, ac meliora ab ipso auctore discere possimus; quam ideo etiam iis maxime commendamus, qui docentis destituti auxilio, proprio, quod ajunt, Marte pleraque facere coguntur.

## §. XXXIV.

Ab hoc imitandi modo non multum abludit, multæque est utilitatis variatio vel singularum phrasium vel totius contextus grammatica, quando cunctæ auctoris voces retinentur quidem, variatis tamen ceteris earum affectionibus & accidentali significatione, ita ut actio verbi in passionem transeat, personarum, modorum, temporumque alia cum aliis, itemque nominum casus varii invicem permutantur, quantum quidem genius linguæ permittit. Quæ ratione toti orationi alia inducitur facies, ut quæ in auctore proposita legimus, relativo stilo efferamus, historicam narrationem in epistolæ colloquiivæ formam redigamus, aut vice versa. Et hoc & illud, quod ante diximus, imitandi exercitium non scripture tantum, sed etiam voce ac narratione institui, adeoque & loquendi extemporalitatis initium, optime fieri potest, quando ea, quæ peregrino sermone legimus, præsertim fabulas atque historias statim voce reddimus, idque, si fieri potest, aliis audientibus; aut stilo relativo, inspecto etiam, si placet, libro; vel eodem, quo auctor usus est, memoriter. Non multo post difficilior etiam tentanda sæpe est imitandi ratio, qua lecta aliqua historia, epistola, oratione, aliam quæ-



*De Recta Ling. Discendarum Ratione. 137*

quærimus materiam vel nonnihil similem vel diversam ; quam phrasibus scriptoris nostri exprimere, operam navamus. Item illa, quum de re quapiam scripturi aut loquuturi, eandem in elegantiori quodam scriptore tractatam legimus ante, ac deinceps quibus ille usus est loquendi modis nos etiam utamur.

§. XXXV.

Tandem progrediendum ad id, quod summum in idiomate plene ediscendo est, scilicet ut de omnibus rebus libere scribere & loqui incipiamus. Quod quamvis arduum sane sit, hac tamen methodo & hoc ordine absque difficultate efficitur, quia ab eo quod facilius erat, per gradus progressi, ea omnia in promptu jam habemus, quibus nobis opus ad extruendum, propria arte, orationis ædificium, nactique sumus per superiores exercitationes, habitum expedite verba ac phrascs inveniendi, quibus auctores probati, quos legendo vertendo imitandoque in succum & sanguinem, quod ajunt, convertimus, usi sunt.

§. XXXVI.

Jam quis satis mirari ac potius detestari potest præposterum docendi discendive linguas modum, qui & antiquitate & communi fere ubivis more, præsertim in Latinæ linguæ studio, adeo invaluit, ut vix alium, saltem non meliorem fingi posse sibi persuadeant multi. Scilicet vix incipientibus prima linguæ discere elementa, & antequam auctorem aliquem perlegerint, dictatur in calamum vernaculo idiomate thema seu exercitium, quod vocant, in peregrinum (imo nimis adhuc peregrinum) sermonem, ut convertant rudes verborum & phrasium, idque ut plurimum privato studio, ne ad carnificinæ nomen promerendum desit aliquid. Quis jam non videt, quam male id elaborent necessario discentes, & quam imprudenter magistri eorum id exigant? Namque ex vernaculo aliquid in alienum transferre idioma cetera omnia præsupponit, quæ ad linguarum studium pertinent: quorum omnium quum imperitissimi sint, qui incipiunt, nihil poterat ab iis postulari aut difficilius aut imprudentius, quam ut faciant, ad quæ prorsus inepti atque inidonei sunt.

§. XXXVII.

Quæ omnia ut paucis complectamur, hanc servandam linguarum discendarum methodum, ratione duce existimamus, ut seposita tantisper Grammatica aut thematum in peregrinum sermonem conversione, initium statim facias ab ipsa *boni auctoris lectione*, ejusque in *vernaculum idioma versione*, quibus dein bene fluentibus ad *Grammaticæ tractationem* pergas, tum si volupe atque e re tua fuerit scribere aut loqui peregrino sermone, *imitari* quos legeris, suscipias, primo quidem reciproca versionis vel *singularem phrasium vel totius orationis in peregrinum idioma translatione*, tum istarum *ad aliam rem ac materiam applicatione*, denique *libero scribendi & loquendi exercitio*, cum continua elegantiorum scriptorum lectione conjuncto.

**F I N I S.**

# INDEX<sup>139</sup>

Rerum præcipuarum in Meditatione  
Philosophico-Critica

## DE PERFECTIONE LINGUARUM CONTENTARUM.

### A

<b>A</b> BSTRACTUM quid	Pag. 52
ACCENTUS quid	76
ejus differentia a Tono <i>ib.</i> requiritur in Lingua perfecta <i>ib.</i> Hebræorum sunt divinæ originis 62 Hebræorum inserviunt ad indicandam diversam vocabuli relationem ad reliqua	
ADVERBIA quid	61
ÆQUALITAS Syllabarum quid	29
ÆQUIVOCA vocabula quæ	78
AMBIGUITAS sensus unde oriatur sæpe	41
ARS CHARACTERISTICA quid 33 combinatoria quid	65
combinatoria cui inserviat 36 combinatoria quid præ-	34
stet 37 combinatoria est species scripturæ universalis	38
combinatoria pertinet ad Linguam universalem	38
AUDIENS quando intelligat loquentem 11 quando falso intelligat loquentem	ibid.

### B

<b>B</b> RUTA voces suas edunt <i>natura</i>	21
BRUTA nulla vocabula, natura duce, sed arte & <i>assuefactione</i> pronunciant	10
BRUTIS non competit vox <i>articulata</i>	9

### C

<b>C</b> ASUS quid & unde	27
CAUSÆ diversitatis Linguarum quænam	13
COGITATIONES alterius non cognoscuntur <i>immediate</i>	5
communicantur per <i>signa demonstrativa</i>	6
COGNATIO VOCABULORUM quid 52 ejus utilitas	53
requiritur ad Linguam perfectam	54
COMMUNE ab uno ad unum vocabulum quid 42 excluditur ad Lingua perfecta	ibid.

CON-

CONCRETUM quid	52
CONJUNCTIONES quid	29
CONSENSUS quid	39
CONSONANTES quid 2 pronuntiatio faciles quænam	71
eædem requiruntur in Lingua perfecta 71 plures pos-	
sunt habere interdum unam moram	79
CONTRACTIO vocabulorum simpliciorum in Lingua per-	
fecta est necessaria	68
CRYPTOGRAPHIA quid 24 num possibilis	ib.
D	
DIALECTUS quid	46
DIALECTI excluduntur a Lingua perfecta	47
DIPHTHONGI quid	9
F	
FACULTATEM LOQUELÆ homo habet <i>natura</i>	18
FINIS quid 40 Lingux quis	39
G	
GENERA NOMINUM quid & unde	27
GRAMMATICA quid 30 quid tractet	ibid.
GRAMMATICA UNIVERSALIS quid <i>ibid.</i> quid ea tra-	
ctet <i>ibid.</i> unde originem suam petat	ibid.
H	
HABITUM LOQUELÆ homo <i>natura</i> non habet	18
HEBRÆA LINGUA num sit perfectissima 43 in	
quonam aliis illa sit præferenda 68 an Orationis liga-	
tz impatiens si illa	87
HOMINES extra societatem educati cur lingua careant	21
HOMONYMUM VOCABULUM quid	41
I	
IMAGINATIONIS REGULÆ ope per verba nos invicem	
intelligimus	12
INTELLIGERE unus alterum quando dicatur 11 Interje-	
ctiones quid	29
L	
LINGUA quid 12 quomodo adquiratur <i>naturaliter</i> 13	
essentialis num sit possibilis 50 imperfecta quæ-	
nam 42 peregrina quid 16 quomodo illa adquiratur	
<i>naturaliter</i> 16 quomodo discatur 18 perfecta quænam 40	
illa respuit plures unius nominis significatus 41 potest	
exerceri per <i>Loquelam</i> ac <i>Scripturam</i>	25

# I N D E X.

141

- LINGUA verbis dives quænam 42  
 LINGUA VERNACULA quid 14 quomodo illa discatur *ib.*  
 LINGUÆ FINIS quis 39 variæ sunt possibiles 12 univer-  
 salis quid 31  
 LITTERA quælibet habet *moram* 79  
 LITTERÆ quid 2 eadem in Lingua perfectissima diver-  
 sis signis pingi debent 65 quædam gaudent *vi secreta* 51  
 LOGOMACHIA quid 87 pendet ab æquivocationibus *ibid.*  
 absit a Lingua perfecta ibid.  
 LOQUELA competit Brutis 13  
 LOQUELÆ habitum homo an natura possideat 18 Loqui  
 quid 12

## M

- M**EDIUM quid 40  
 MODI VERBORUM unde 29  
 MONOTONIA quid 75 illa exulet e lingua perfecta *ibid.*  
 MORA quid 79  
 MORARUM doctrina num in aliis Linguis extra Hebræam  
 queat applicari 82

## N

- N**OMEN Rei accidentale quid 47 essenziale quid *ibid.*  
 NOMINA quid 26 Adjectiva quid *ib.* Appellativa  
 quid *ibid.* Propria quid *ibid.* Substantiva quid *ibid.*  
 NOMINA Rerum accidentalia excluduntur a Lingua per-  
 fecta 48 Renim essentialia requiruntur in Lingua per-  
 fecta *ibid.* ea reperiuntur in Lingua Hebræa 49.  
 NOTIO PRIMARIA & ACCESSORIA uno vocabulo ex-  
 primi debet 69  
 NUMERI quid & unde 27 Verborum unde 28

## O

- O**ΝΟΜΑΤΟΠΟΙΙΑ num in Lingua perfecta liceat 44  
 ORATIO LIGATA quid 84 an illa supponat diver-  
 sam syllabarum longitudinem ac brevitem 86 profai-  
 ca quid 84

## P

- P**ARTICIPIUM quid 39  
 PERFECTIO quid 39 ejus gradus *ib.* Lingux po-  
 stulat commoditatem ac brevitem 66 Lingux requirit,  
 ut cum jucunditate audiatur 73 Lingux postulat no-  
 mina rerum essentialia & rejicit accidentalia 48  
 PER-

- PERFECTIO LINGUÆ postulat, ut ad orationem ligatam sit apta 86 Linguæ excludit *plura unius rei nomina* 45 Linguæ postulat *diversum unius Litteræ pingendi modum* 65  
 PERSONÆ in Verbis unde 28  
 PRÆPOSITIONES quid 29  
 PRONOMEN quid 28 ejus usus *ibid.* species *ibid.*

## R

- RADIX quid 52  
 RELATIO diversa vocabuli ad reliqua parit *sensus diversitatem* 59 est indicanda in Lingua perfectissima per *certa signa* 60  
 RES SIMILES similia debent habere nomina in Lingua perfecta 51

## S

- SCRIBERE quid 22  
 SCRIPTURA UNIVERSALIS quid 31  
 SERMO quid 12 intelligibilis quid *ib.* minus intelligibilis quid *ibid.* non competit *Brutis* 13  
 SIGNA Cogitationum sunt varia 6 Cogitationum sunt vocabula *10* demonstrativa inserviunt ad communicandas cogitationes 6 Distinctionum quid 56 illa sunt necessaria in Lingua perfecta 57 Scripturæ sunt *arbitraria* 23  
 SIGNA scripta accidentalia quid 32 scripta derivativa quid *ib.* scripta essentialia quid *ibid.* scripta primitiva quid *ib.*  
 SONUS quid 7  
 SUPPOSITIO diversa efficit sæpe sensus ambiguitatem 65  
 SURDUS a nativitate num aptus sit ad Linguam vernaculam discendam 14 quomodo Linguam vernaculam addiscere queat 15  
 SYLLABA quid 66 brevis quid 78 longa quid *ib.* quælibet quando *tres* habeat moras 81 quælibet cur in lingua Hebræa minimum *tribus* gaudeat moris 82  
 SYLLABARUM inæqualitas an ex Tono necessario oriatur 78  
 SYNONYMA quid 46 perfecte talia quid *ibid.* respective talia quid *ibid.*  
 SYNTAXIS quid 29

## T

- TEMPORA Verborum unde 28  
 TERMINI novi in Philosophia num sint tolerandi 45  
 To.

# INDEX.

143

- TONUS quid 74 mutat saepe vocabuli sensum *ib.* non  
infert *necessario* Syllabarum inæqualitatem 78 non  
impedit Syllabarum æqualitatem 79  
TONI Variatio est necessaria in Lingua perfecta 75

## V

- VERBA quid 28 Activa quid *ibid.* Passiva quid *ibid.*  
Substantiva quid *ib.* quædam *similis soni* postulat  
perfectio Linguarum 84

- VOCABULA quid 9 sunt signa cogitationum arbitraria &  
aptissima 10 æquivoca quid 41 ea exulant ex Lingua  
perfecta 42 composita quid 68 illa sunt necessaria in  
Lingua perfecta 69 mere monosyllabica & mere poly-  
syllabica excluduntur a Lingua perfecta 73

- VOCABULA nimis polysyllabica absint a Lingua perfecta 66

- VOCABULI Compositi *differentia* ab æquivoco in quo-  
nam consistat 68

- VOCABULORUM monosyllabicorum ac polysyllabicorum  
permixtio requiritur in Lingua perfecta 74 dantur va-  
riæ species 26 eorundem Contractio est necessaria in  
Lingua perfecta 68

- VOCABULUM DERIVATIVUM quid 52 Primitivum  
quid *ibid.*

- VOCALIS quid 8 Brevis quid *ib.* Longa quid *ib.* ea vel  
simplicem vel duplicatam moram habet 80

- VOCALUM & Consonantium crebrior permixtio requi-  
ritur in Lingua perfecta 70

- VOCIS animalis formatio 8

- VOX animantis quid 7 utrum corpus an incorporeum  
quid *ibid.* est signum cogitationum 8

- VOX articulata quid 9 illa non competit Brutis *ib.* in-  
articulata quid *ibid.* monosyllabica quid 66 polysylla-  
bica quid *ibid.*

## ERRATA

- Pag. 9, lin. antepen. articulatas  
Pag. 93, lin. 1. alios  
*ibid.* lin. penult. complexus  
Pag. 95, lin. 4. a fine Cæsares

## PRÆCIPUA

- articulata  
alios  
complexus  
Cæsares

NOI

# NOI RIFORMATORI

Dello Studio di Padova.

**A** Vendo veduto per la Fede di Revisione, ed Appro-  
bazione del P. Fra Paolo Tommaso Manuelli Inqui-  
sitore del S. Off. di Venezia nel Libro intitolato *Differ-  
tatione de recta Linguarum discendarum ratione: de variis  
Linguarum Perfectionibus, quibus accedit Meditatio Philo-  
sophico-Critica de Perfectione Linguae &c. Auctore Jacobo  
Carpovio*; non v' esser cos' alcuna contro la Santa Fede  
Cattolica, e parimente per Attestato del Segretario No-  
stro, niente contro Principi e buoni costumi, concedia-  
mo Licenza a Gio: Battista Recurti, Stampatore di Vene-  
zia, che possi esser stampato, osservando gl'ordini inma-  
teria di Stampe, e presentando le solite Copie alle Li-  
brerie di Venezia, e di Padova.

Data li 26. Aprile 1746.

( Alvise Mocenigo 2.<sup>o</sup> Ref.  
( Zuanne Querini Proc. Ref.  
(



Registrato in Libro a c. 25. al n. 144

Michiel Angelo Marino Seg.

Reg. al Magistr. Ect. della Bestemmia

Francesco Gadaldini Seg.

MAG 20 31505